



MATĀGALUEGA O AOGA & AGANU'U

LIPOTI FA'ALETAUSAGA
TF2024/2025



**MALŌ O SAMOA
MATĀGALUEGA O AOGA MA AGANU'U**

Telefoni: (685) 64600
Fesi: (685) 64664

Pusa Meli 1869
Apia, Samoa



**OFISA O LE MINISITĀ
O AOGA MA AGANU'U, PULEGA O FA'AIOLOGA MA TUSIPASI TAUALOA A SAMOA &
IUNIVESITE AOA O SAMOA**

Tesema 09, 2025

Fofoga Fetalai o le Maota
Fono Aoao Faitulafono a Samoa

MULINUU


E tusa ai ma le Tulafono o Aoga 2009 ma le Tulafono mo Autalavou, Taaloga ma Aganuu 1993, ou te tu'uina aloaia atu ai le Lipoti Faaletausaga a le Matāgaluega o Aoga ma Aganu'u mo le Tausaga Fa'aletupe e fa'aiu ia Iuni 30, 2025.

O lenei lipoti ua tu'uina atu ai le aotelega o galuega fa'atino uma na ausia e le Matāgaluega o Aoga ma Aganu'u mo lenei Tausaga Fa'aletupe.

Ma le fa'aaloalo lava,

Aiono Dr Alec Ekeroma
MINISITĀ O AOGA MA AGANU'U

UPU TOMUA A LE OFISA SILI O PŪLEGA



E ia te a'u le ava tele e tu'uina atu ai le Lipoti Fa'aletausaga a le Matāgaluega o Aoga ma Aganu'u mo le Tausaga Fa'aletupe 2024/2025. O lo'o fa'ailoa mai i lenei lipoti tulaga na ausia, taumafaiga ma galuega fa'atino e fa'aleleia atili ai le tulaga tau aoaoga ma le aganu'u i Samoa.

O le amataga o lenei tausaga fa'aletupe 2024/2025 o se vaitau pisi i le faamoemoe autu a le Malo e tauala i lana Taligāmalō ile Fonotaga Fa'avaomalō o Fa'aululuga a Malo o le Taupulega mai le aso 21–26 Oketopa 2024. O se fonotaga tele fa'avāomalō na fa'atautaia i Samoa ma o le uluai Fonotaga foi lea a Malo o le Taupulega ua faia i totonu o se atumotu la'ititi o le Pasefika. I le lagolagoina ai o tapenaga a le tatou atunu'u, sa faia ai ni fetu'unaiga talafeagai i le kalena o aoga 2024, e aofia ai le taofia o polokalame uma e faatino i tua i aoga ia Setema e pei o taaloga a a'oga ma isi fuafuaga ma polokalame fa'aleaoaoga. I le taimi lava lea e tasi, sa galulue malosi le Matāgaluega ina ia mautinoa ua maea suega ma mataupu aoaoina ma toe fetu'unai aso malolo e fua i polokalame a le Fonotaga a Malo o le Taupulega ae le gata i lea o le sao o le aufaigaluega a le Mātagaluega i le fonotaga atoa. E tūa tele le sao o le aufaigaluega a le Mātagaluega i le lagolagoina o le fonotaga i ona tulaga ma vaega eseese uma ma o le au'ililiga o nei fa'amatalaga o lo'o tu'uina atu i le Vaega o Matātī'a ua ausia o lenei Tausaga Fa'aletupe.

O le fa'aiu manuia ai o le fonotaga a le CHOGM 2024, na atagia mai ai le malosi o le galulue fa'atasi a le Matāgaluega o Aoga ma Aganu'u, fetu'unaiga o polokalame fa'ata'atitia uma aemaise o le sao tūa ma le fa'amuumua e tali atu i tapenaga mo lenei fonotaga tūa, ao fa'auauina pea ona ausia le tele o ana matāfaioi patino ma galuega autū mo lenei tausaga fa'aletupe.

E le gata i lea, sa tumau pea le galulue fa'amaoni o le Matāgaluega i ana matāfaioi autū, aemaise lava le tapenaina ma le fa'afoeina o suega aoao. Na fa'atino su'ega a a'oga tulagalua mai le aso 7-10 Oketopa 2024 ona soso'o ai lea ma su'ega a a'oga mauualuluga mai le aso 18-28 Novema 2024, ma maua ai i'uga ma tusipasi o su'ega i le taimi lava e pei ona fa'atulagaina.

I le amataga o le tausaga fa'alea'oa'oga 2025, na faia ai le Fonotaga Fa'aletausaga a Faiaoga mai le aso 27–30 Ianuari 2025 ma na omai fa'atasi ai le 1,585 o puleaoga ma faiaoga i Samoa atoa. E ui ina sologa lelei le amataga o le tausaga aoga, ae peitai sa iai foi lu'itau talu ai o le fa'aletonu o le tala o le tau ia Fepuari ma Mati, na afua ai ona tapunia lē tūmau a'oga a le fanau. E ui lava i nei lu'itau, ae sa tūmau pea le naunau o le Matāgaluega ia fa'atinoina galuega sa fuafuaina ma ia mautinoa le sologa lelei o le amataga o lenei tausaga fa'alea'oa'oga.

I le gasologa o le tausaga, sa tele polokalame fa'alauiloa ma galuega sa fa'atinoina, e aofia ai fa'atalatalanoaga ma le toe lauliliuina o faiga fa'avae, a'oa'oga mo le fa'aleleia o tomā a faia'oga, asiasiga lagolago mo a'oga, fa'alauiloa eseese ma le fa'atinoina o galuega o polōketi e ala lea i le galulue fa'atasi ai ma pa'aga tau atina'e. Sa fa'alauteleina atili nei polokalame e tauala i le tele o fa'asalalauga i luga o upega tafa'ilagi, televise, polokalame o le Fa'ailo Ao a le Matāgaluega ma isi fa'alauiloa e una'ia malosi ai mataupu tau aoaoga e pei o le faitau ma le tusitusi, numera ma le fa'amalosia o le auai o fanau i aoga.

I le masina o Ianuari 2025, na fa'alauiloa aloaia ai e le Matāgaluega lana fa'ailoga fou, e atagia ai se va'aiga manino ma le feso'otaiga i va'aiga taula'i a le Matāgaluega o Aoga ma Aganu'u, aga tausili, ma le

naunautaiga i le atina'eina o a'oga ma aganu'u a Samoa. O se tulaga mata'ina foi i le masina o Me o le fa'atautaia lea o le Fono Fa'apitoa mo Aoaoga Amata i le Pasefika 2025 sa talimalō ai Samoa mai le aso 13-15 o Me. O le Matāgaluega o Aoga ma Aganu'u fa'atasi ai ma le Matāgaluega o Tina ma Tamaita'i, Atina'e o Nu'u ma Afioaga ma Agafeso'otai, na ta'imua i le fa'amautinoaina o le lelei ma le fa'ai'u manuia o lenei fonotaga a le Pasefika.

O le isi matāti'a tele o lenei tausaga fa'aletupe o le fausiaina ma le tu'ufaatasia lea o fuafuaga alualu mamao tetele e lua, o le Fuafuaga Autasi fou a le Matāgaluega o Aoga ma Aganu'u 2025–2028 ma le Fuafuaga a le Vaega o Aoaoga 2025-2030. O nei fuafuaga e lua na fausia i se sao tāua ma taumafaiga mai le afaigaluega, ina ia mautinoa le ōgatasi ma le va'aiga taula'i ma le manulauti a le Matāgaluega o Aoga ma Aganu'u. O le Fuafuaga Autasi o loo ta'ita'ia ai galuega a le Matāgaluega ao le Fuafuaga a le Vaega o Aoaoga o lo'o fa'atulaga ai vaega tāua e ave ai le fa'amuumua a le Vaega o Aoaoga mo le isi lima tausaga.

O tulaga mauaululuga ma matāti'a na ausia mo lenei tausaga fa'aletupe o lo'o atagia mai ai le naunauta'iga a le Matāgaluega i le fa'aleleia o avanoa tau a'oa'oga, ia anoa a'oa'oga, ia aofia fanau uma ma maua avanoa tutusa, fa'asaina o le aganu'u fa'asamoa ma le galulue fa'atasi ma nu'u ma afioaga i Samoa atoa. E ui lava i lu'itau sa feagai ai ae sa taumafai pea ma galulue fa'atasi Vaega taitasi uma o le Matāgaluega ina ia mautinoa le fa'aauauina ma le fa'atinoina o auauina ina ia ausia sini autu ua maea ona fa'ata'atia. E tūmau pea le Matāgaluega ia ausia lana vaaiga taula'i ma le manulauti ma o le a fa'aauau pea le unaia ma le fa'aleleia o le atina'eina o aoaoga ma le aganu'u ina ia mautinoa le manuia o soo se fanau aoga a Samoa mai aoaoga tutusa ma le anoa.

E avea ai a'u e fai ma sui o le Matāgaluega, e momoli tele atu le fa'afetai tele i le Malō, le Kapeneta mamalu, le Minisitā mo Aoga ma Aganu'u ae fa'apea foi pa'aga tau aoaoga, komiti o aoga, matua ma le mamalu lautele o le atunu'u mo la outou lagolago. E matou te fa'afetaia foi le sao tāua o Itupaepae a le Vaega o Aoaoga, le Pulega o Fa'aailoga ma Tusipasi Taualoa a Samoa ma le Iunivesite Aoao o Samoa.

E matou te fa'afetaia foi le sao tāua o Fono Faavae a Itumalo i lo latou lagolagosua i aoaoga a le fanau e tauala i le Polōketi Fa'aitumalo o le Miliona. O lenei faiga pa'aga ua fa'amalosia ai le sao tāua ma le galulue fa'atasi ina ia fa'aleleia taunu'uga o aoaoga mo fanau uma i Samoa.

O la'u fa'afetai mulimuli, e momoli atu lea i le matou Pulega ma le Afaigaluega atoa a le Matāgaluega o Aoga ma Aganu'u ona o la outou tautua ma le sao tāua o loo fa'atumauiina ai le manuia ma le lelei o a tatou galuega. O outou taumafaiga ma galuega lelei uma o le a fa'aauauina pea ina ia fa'aleleia ma si'itia tūlaga lelei mo aoaoga ae le gata i lea o le fa'afaleleina o isi augā tupulaga a Samoa ile lumana'i.



A'eau Christopher Hazelman
OFISA SILI O PŪLEGA

Matātī'a na ausia i le Tausaga Fa'aletupe 2024/2025

Sao o le Matagāluega o Aoga ma Aganu'u i le Fonotaga a Malō Taupulega 2024

✠ Fa'ailoga Aloa'ia o le CHOGM

O le fa'ailoga aloa'ia o le Fonotaga a Fa'auluuluga a Malō Taupulega 2024 na mamauina ma tu'u fa'atasia e Tauila Epati Tu'umatavai, o le sa manumalō i le tauvaga sa fa'atautaia e le MCIT. O lea fa'ailoga aloa'ia o loo mamauina ma atagia ai le matagofie o laufanua o Samoa ma aga tausili o le Taupulega e aofia ai ma le autu filifilia o le Fonotaga. O lea matātī'a na fa'aalia ai le sogasogā ma le talenia o le aufaigaluega a le Matāgaluega o Aoga ma Aganu'u ma fa'ailoa ai le sao tāua o le Matāgaluega i lea fa'amoemoe fa'avaomalō.



✠ Faiaoga sa avea ma Leoleo fesoasoani

E tusa ma le 300 faiaoga sa a'oa'oina ma tōfia e avea ma leoleo fesoasoani e lagolago le saogalemu i le taimi o le fonotaga a le CHOGM. Sa tu'uina le fesoasoani e ala i le puipuia o le saogalemū i nofoaga sa faia ai fonotaga ma nofoaga sa nonofo ai le au usufono, va'ava'aia tagata lautele ma fesoasoani i isi vaega tau tapenaga mo le fonotaga. O la latou galuega fesoasoani na mautinoa ai le sōloga lelei ma le saogalemū o le fa'agasologa o le fonotaga ma o lo'o atagia ai le sao tāua o le aufaigaluega a le Matāgaluega o Aoga ma Aganu'u i tua atu o latou tiute ma matāfaioi masani.



✠ Sui o le Malo mo Feso'otaiga

Na fa'atauataia e le MFAT le tu'u fa'atasia o ta'iala ma tapenaga mo le au usufono o le Fonotaga, e aofia ai le fa'atulagaina o polokalame ma fuafuaga, auala mo femalagaiga, nofoaga e nonofo ai le au usufono aemaise fa'atalatalanoaga aloaia. O a'oa'oga mo sui o le Malō mo feso'otaiga na amata mai ia Mati ia Luni seia o'o atu i vaiaso ao lumanai ai le fonotaga ia Oketopa. O le aufaigaluega a le Matāgaluega o Aoga ma Aganu'u mai Vaega o le SGM, ESCD ma le PPRD sa avea ma sui ofisa o le Malō mo feso'otaiga mo le Fonotaga. O le nofoaga o le Malae o Aganu'u sa avea ma nofoaga autū mo feso'otaiga ma sa galulue le aufaigaluega a le Matāgaluega e tu'uina atu le lagolago i le taimi atoa o le fonotaga ina ia mautinoa le sōloga lelei o tapenaga mo le au usufono mai fafo.



✧ Galuega Fa’afoe mo Fa’amaoniga ma Puipuiga tau Faatekonolosi mo le Fonotaga

O le afaigaluega a le Vaega o Fa’amaumauga Fa’atekonolosi ma Feso’otaiga a le Matāgaluega o Aoga ma Aganu’u na auai i galuega fa’afoe mo fa’amaoniga o sui usufono ma puipuiga tau fa’amatalaga fa’atekonolosi, va’ava’aia le tūlaga o resitala ma fa’amaumauga mo sui o le fono ina ia mautinoa le sōloga lelei o tulaga tau feso’otaiga. O le galulue punouai ma le tomai a le afaigaluega a le Matāgaluega o Aoga ma Aganu’u, na telē lona sao tāua i le fa’ataunu’uina manuia o tūlaga uma tau feso’otaiga fa’atekonolosi mo le fonotaga.

✧ Fa’aaliga sa faia i le Falemata’aga – Trouble in Paradise: World Leaders Experience Exhibition

Na fa’atautaia e le Vaega o Aganu’u se tasi o fa’atasiga i le Falemata’aga ua taua o le “Trouble in Paradise – World Leaders Experience Exhibition” mai le aso 21 i le aso 25 Oketopa 2024 i le Falemata’aga a Samoa. O lenei fa’aaliga na fa’ailoa ai a’afiaga o suiga o le tau i le Pasefika, e aofia ai le tafia o le gataifale, o le si’itia o le suāsami, vaega e fa’aleagaina e matagi ma afā ma le a’afiaga o le gataifale ae o lo’o faailoa ai foi taumafaiga a tagata o le Pasefika e tete’e atu ai i suiga o le tau. Na ōgatasi lenei fa’aaliga ma le autū filifilia o le Fonotaga a le CHOGM e taula’i lea i le gafataulimaina ma matāfaioi fa’atino i totonu o atumotu laiti o le Pasefika. O le tapenaga atoa ma le fa’atinoga o lenei fa’aaliga na fa’ailo ai le tōmai ma le galulue punou’ai o le afaigaluega a le Vaega o Aganu’u.



✧ Pese Autū o le Fonotaga a le CHOGM

O le pese autū o le fonotaga a le CHOGM ua fa’aigoaina o le “Save it, Share it” na fatuina e Tanuvasa Fa’amanatu Solomona ma sa atagia mai i lenei pese lagona o le lotogatasi, finau ae le gata i lea o le lumanai e aga’i iai le Taupulega. Sa lagiina lenei pese e Benjamin Solomona o se sui o le Matāgaluega o Aoga ma Aganu’u ma Elizabeth Fanueli fa’atasi ai ma le afaipese na filifilia. Sa fa’atino foi siva fa’aleaganu’u ma o nei fa’afiafiaga sa maitauina ai le fa’afiafiaina o sui usufono na auai ma na fa’alauiloa atu ai le tāua o le


aganu’u ma measina a Samoa aemaise foi taleni a nisi o le aufaigaluega o le Matāgaluega o Aoga ma Aganu’u.



✠ Ata fa’apitoa mo le Sauniga o le Tatala Aloaia o le Fonotaga Fa’avaomalō a Fa’auluuluga o Malō o le Taupulega

Sa tapenaina ma tu’ufaatasia foi e le aufaigaluega a le Vaega o Fa’amaumauga Faatekonolosi ma Feso’otaiga a le Matāgaluega se ata p’ue na fa’alauiloa i le taimi o le sauniga aloaia amata ma na fa’aalia ai laufanua o Samoa, measina fa’aleaganu’u ma tapenaga a nu’u ma afioaga taitasi mo le Fonotaga. O lea ata pu’e na fa’afeiloai aloaia ai sui usufono ma fa’amalosia ai le autū o le galulue fa’atasi ma fa’alauiloa atu ai Samoa o se atunu’u e talimalō. O le sao ma le taumafaiga a le aufaigaluega a le Matāgaluega o Aoga ma Aganu’u i le tapenaina lelei o lenei ata pu’e na avea ma se tasi o vaega tāua i le sauniga aloaia amata o le Fonotaga.

✠ Ta’ita’iga a le Ofisa Sili o Pūlega le Afioga ia A’eau Christopher Hazelman



O le Afioga ia A’eau Christopher Hazelman sa telē lona sao tāua i le tapenaga atoa o le Fonotaga a le CHOGM 2024. I le avea ai ma Ta’ita’ifono o le komiti fa’afoe, sa nafa le afioga i le Ofisa Sili ma le va’ava’aia o nisi o vāega taua e pei o tulafono ma taiala mo le fonotaga, sui ofisa mo feso’otaiga, sauniga aloaia amata ma le polokalame mo faletua o ta’ita’i o Malō a atunuu eseese. O lana ta’ita’iga lelei na mautinoa ma atagia mai ai le sōloga lelei o vāega uma o le fonotaga.

I le avea ai o ia ma fofoga o le sauniga aloaia amata, sa ia fa’aalia ai tulaga o ta’ita’iga lelei, e fai ma sui o Samoa e tautua ma le fa’amaoni, alofa ma le fa’aaloalo i le aganu’u. O lona silafia fa’ata’ita’i i tūlaga uma e le gata i fuafuaga tetele aemaise o tapenaga i lea aso ma lea aso, o se sao tāua tele lea i le fa’ai’u manuia ai o lenei Fonotaga tele.

I lalo o lana ta’ita’iga, na tūla’i mai le aufaigaluega a le Matāgaluega i le tele o vaega e lagolago ai i le latou ta’ita’i. Sa lātou galulue e tapena lelei le Malae o Aganu’u sa fa’aogaina ma nofoaga autū mo nisi o tapenaga o le fonotaga. Na tu’uina atu foi le lagolago mo galuega fa’atino mo’omia e pei o lomitusi, Wi-Fi ma fonotaga e fa’aogaina ai le Zoom. E o’o lava i failāuga o le Matāgaluega na tu’uina atu fo’i le auaunaga e avea ai i latou ma failauga ina ua āsia e sui usufono nu’u ma afioaga ina ia mautinoa o lo’o tūmau pea le fa’aaloalogia o tū ma aganu’u a si o tatou atunu’u. A’o galulue ai le aufaigaluega na filifilia mo le CHOGM i a latou matāfaioi tōfia, sa fa’atino pea le auaunaga a le aufaigaluega a le Matāgaluega mai le vaega tau tupe, saogalemū ma le vaega a le Ofisa Sili o Pūlega e lagolagosua i lō latou Ofisa Sili o Pūlega.

☒ **Fa'aailoga Aloa'ia fou a le Matāgaluega o Aoga ma Aganu'u**



FOLIGA LAPOTOPOTO

O le fa'aailoga o le galulue vāvālalata o le vaega o a'oga ma le aganu'u i so'o se tulimanu o le atunu'u.

ATA O LE LIMA

O le fa'aailoga o le tāua o le itū tau a'oa'oga ma o le matāfaioi a le Matāgaluega o le saunia lea o so'o se vāega e mafai ona a'oa'oina ai alo ma fanau a Samoa i

le poto salalau.

O lo'o atagia ai fo'i le ave o le fa'amuumua a le Matāgaluega i le aganu'u, gagana ma measina na tu'uina mai e tua'ā ua mavae atu e tatou te folau ma tatou ma ia tu'uina atu i le isi augā tupulaga latou te fa'aauuina.

O lona uiga, o lā tatou tiute, o le a'oa'o ma fa'afaiilele tupulaga lalovaoa o le atunu'u e le gata i le poto salalau ae ia u'u mau pea i o latou lima la ta aganu'u manaia.

PŪLOU FA'AU'U

O le pūlou o le fa'aailoga o le manulauti o lo'o tulimata'i e so'o se vaega o le Matāgaluega, ina ia tini lau o le fa'amoemoe o tupulaga lalovaoa a Samoa. O lona uiga o le tumutumu lenā o galuega fai a le Matāgaluega ma lana va'ai mamao, ia a'oa'oina lelei fanau a le atunu'u.

O LE VA'A

O le va'a o le fa'aailoga o la tatou aganu'u e fai ma ogatotonu o a tatou tapenaga i so'o se tafa o a'oa'oga tatou te tausī ma a'oa'o ai fo'i tupulaga o Samoa mo a taeao.

O le tu'u ai i le ōgātotonu, e fa'amanatu ai e le va'a i le Matāgaluega lana va'aiga taula'i ma le manulauti, e fa'avae i le tōfā a o tatou tua'ā ma fa'aauu pea i tupulaga a Samoa i le lumana'i. E fa'atusaina lea i le alualu i luma, galulue fa'atasi ma le fōlauga faifaiepa mo a'oa'oga.

☒ **O le Tusi Fa'atonu'upu o le Gagana Samoa** na tatalaina ma fa'alauiloa aloaia i le aso 5 o Iulai 2024 ma i Amerika Samoa i le aso 11 o Iulai 2024. O le ulu'ai tusi Fa'atonu'upu lenei a Samoa ma o lo'o i ai le silia ma le 27,000 upu. O se alagā'oa tāua tele mo le fa'asaoina, fa'atulagaina lelei ma le fa'alauiloaina o le gagana ma le aganu'u a Samoa.

☒ O le polōkalame ua ta'ua o le **Early School Readiness** sa fa'atinoina lona fa'ata'ita'iga i aoga amata e tolu ma e 123 tamaiti aoga na aofia ai ma sa fa'atupeina lenei polokalame i le faigā pa'āga ma le EQAP. O lenei fa'ata'ita'iga na fa'aalia ai le mafai ona aofia o lenei poloketi i totonu o aoga amata a Samoa, e lagolagoina ai le atina'eina o aoga amata ma le fa'asauni atu o tamaiti aoga mo Aoga Tulagalua.

☒ **O le Aso Fa'alauiloa mo Aoga Amata** e 238 tamaiti aoga, 76 faiaoga ma le 157 o mātua i Upolu ma Savaii na auai ai. O le si'itia o le auai o tamā i lea polokalame na fa'aailoa mai ai le galulue fa'atasi o nu'u ma afioaga aemaise lava o le fa'atauaina o matāfaioi fa'amatua i le atina'eina o fānau laiti.

- ✠ O le a’oa’oga e tauala i le polōketi o le **Applied Scholastics International** na auai ai le aufaigaluega a le Matāgaluega e to’asefulu i Missouri. Na fa’aauauina nei a’oa’oga ile toe foi mai ai i Samoa ma ta’ua ai le polokalame o le “So’ofau” ina ia fa’amalosia ai le fa’atinoina o su’esu’ega fa’atekonolosi i totonu o aoga.
- ✠ Na tatalaina aloaia **Faiga Fa’avae e 5 a le Matāgaluega** (Faiga Fa’avae mo Aoga Amata, Tusitusi ma le Faitau, Nūmera, Saienisi ma Su’ega Aoa) i le aso 8 o Novema 2024 ma na aofia ai fo’i ma fa’alauiloa mo nei faiga faavae e ala ile fonotaga ma faiaoga, a’oa’oga sa fa’atinoina i Itūmalō aemaise ai ma fa’alauiloa i ala o fa’asalalauga ina ia mafai ona maua ma o’o atu i tagata lautele.
- ✠ O le **Potu o Fa’aaliga mo le Samoa Ne’i Galo Lomiga 11** na tatalaina ma fa’alauiloa i le aso 28 Novema 2024 ma sa fa’aalia ai fa’amaumauga mai afioaga e 14 i Upolu ma Savai’i, o se auala e fa’asaoina ai measina fa’asamoa e tauala lea i fa’aaliga ma fa’asalalauga.
- ✠ O alagā’oa mo **Aoga Amata** na tu’uina atu i aoga filifilia e sefulu ma le tasi (11) i Upolu ma Savai’i i le aso 14 Novema 2024 e fesoasoani mo a’oa’oga a le fanau e lē gata o totonu o potuaoga ma galuega fa’atino i fafo o le potuaoga, ma sa fa’atupeina lea e le Polōkalame a le Tautua. Sa fa’asalalauina foi polōkalame fa’alauiloa mo le tusitusi ma le faitau tusi i luga o le upega tafa’ilagi a le Matāgaluega, itulau o le Facebook ma alāata televise, o se vāega o le polōkalame fa’alauiloa a le Manu o le Vaveao.
- ✠ E **ono (6) polōketi o faleaoga fou** na mā’ea ma tatalaina aloaia e aofia ai faleaoga fou e lua ma faletele fou e fa i Manono Uta, Vaigaga, Samatau, Faleapuna, Siufaga Falelātai ma Luatuanu’u.
- ✠ **Mā’ea le Iloiloga o le Fesoasoani Tupe a le Malō mo Aoga.** O le iloiloga na fa’ailoa mai ai le fa’amaoniga ma le lagolago mai pa’āga autū le tāua tele o lenei fesoasoani tupe mo a’oa’oga.
- ✠ Na fausia ni **Fuafuaga mo Fa’alavelave Mātuia ma Fa’alavelave Tutupu Fa’afuase’i** mo aoga e 17 e fa’amauina le maualuga o le a’afia i fa’alavelave i Upolu, Manono ma Savai’i e ala i le galulue fa’atasi ai ma le Ofisa o Fa’alavelave Fa’afuasei.
- ✠ Na taua’aoina **Tusipasi tau Fesoasoani Muamua** i faiaoga e 74 ma asiasi aoga mai Aoga Amata, Aoga Tulagalua ma Kolisi ma se tasi o afioaga ma na fa’amaonia e le Koluse Mūmū a Samoa.
- ✠ Na fa’ataunu’uina ma le manuia **Su’ega Aoa** mo Aoga Tulagalua ma Aoga Mauualuluga fa’atasi ai ma le tufatufaina atu o fa’ai’uga o su’ega ma tusipasi.
- ✠ **Iloiloga o Matāupu A’oa’oina mo Aoga Tulagalua** na amata fa’agasolo i lenei tausaga fa’aletupe, e aofia ai le tūsiaina, toe siakiina ma le lagolago na tu’uina mai a faufautua fa’apitoa. O lo’o fa’aauau pea tapenaga mo le fa’alauiloa ma o lenei iloiloga ua fa’ata’atia ai se fa’avae fou ma le maualuga mo matāupu a’oa’oina ina ua silia ma le 10 tausaga o fa’aogā pea silapasi tuai mo a’oa’oga.
- ✠ **Toe Iloiloina o le Polōkalame mo le Atina’eina ma le fa’aleleia o Tōmai a Faiaoga.** O vaega taua o le a taula’i iai mo fuafuaga fa’atino o lenei polokalame o lo’o fa’ailoa manino mai i lenei iloiloga.
- ✠ O le **Fa’afiafiaga o le Samoa Ne’i Galo a Aoga 2025** na fa’ataunu’uina lea i le aso 14 Mati 2025 ma e valu Kolisi mai Aoga a le Malō ma Aoga a Ekalesia sa auai ai. O le fa’amoemoe autū o lenei fa’afiafiaga ina ia toe fa’aolaola ma fa’amanatu ai le aganu’u a Samoa, e fa’atupuina ai le agaga fiafia o fanau aoga i le aganu’u ma lona fa’aauauina mo tupulaga o le lumanai.
- ✠ O le Su’esue’ga ua ta’ua o le **Resilient Education System** sa fa’atautaia fa’atasi e le Matāgaluega ma le Vaega a le ACER mai Ausetalia ma fa’amaonia e le Komiti Faufautua mo le lolomiina. O lenei su’esu’ega o lo’o fa’ailoa mai ai vaega e lelei mo a’oa’oga, o le galulue fa’atasi fa’apea ma ta’iala mo le mata’itūina o galuega ina ia fa’amalosia ai le Vaega o Aoaoga.
- ✠ Ua mae’a fa’atino fa’atalanoaga mo le **Tusi Kalama o le Gagana Samoa** i Upolu ma Savai’i ina ia aoao mai ai finagalo o pa’āga ma ua tapenaina lenei tusi mo le tu’uina atu i le Kapeneta mo se fa’amaoniga aloaia.
- ✠ **O le A’oa’oga mo le fausiaina o alagā’oa mo su’esu’ega** na faia ia Aperila 2025 ma e 65 faiaoga sa auai ma sa ta’ita’ia lenei a’oa’oga e Afamasaga Dr. Karoline Afamasaga. Sa toe fa’atino lea o

asiasiga ina ua maea lenei a’oa’oga e sutesue ai le fa’aogaina o ta’iala ma metotia na maua mai ile a’oa’oga mo lesona ma matā’upu a’oa’oina i totonu o potuaoga ma o lenei polokalame na fa’atupeina e le Polōkalame a le Tautua.

- ✠ E 787 sui auai i **Polōkalame mo A’oa’oga Sauo’o** sa fa’atinoina i Upolu ma Savai’i ia Me 2025, na fa’alauiloa ma una’ia ai auaua fesoasoani mo fanau aoga e iai manaoga fa’apitoa ma sa fa’atupeina nei fa’alauiloa e le Polōkalame a le Tautua.
- ✠ O le **Polōkalame tau a’oa’oga o le siosiomaga** ua ta’ua o le **Guardians Environmental** na a’oa’oina ai faiaoga ma fanau aoga e 305 mai aoga e 20 e uiga i le si’osi’omaga ma galuega o lo’o fa’atino e nu’u ma afioaga, i le faigā fa’apa’āga ma le Vaega a le Conservation International, MNRE, MAF ma le Samoa Voyaging Society.
- ✠ **O a’oa’oga mo Aoga Amata** na fa’atinoina ia Aperila 2025, sa a’oa’oina ai faiaoga e 31 ma sa ta’ita’ia lenei a’oa’oga e Afamasaga Dr. Karoline Afamasaga.
- ✠ **O le Fuafuaga Autasi a le Matāgaluega o Aoga ma Aganu’u 2025–2028** na fa’amae’aina i lenei tausaga fa’aletupe e ta’ita’ia ai ta’iala ma fuafuaga alualu mamao a le Matāgaluega. O lenei galuega sa fesoasoani ma lagolago mai ai le konesale ia Daniel Kelly ma sa fa’atupeina mai e le UNICEF.
- ✠ O le **Fuafuaga a le Vaega o A’oa’oga 2025-2030** na fa’amaonia aloaia e le Komiti Faufautua i le aso 19 Iuni 2025, fa’atasi ai ma fa’alauiloa ua tapenaina mo lona fa’atinoina i vaega uma o aoaoga.
- ✠ Ua mafai nei ona feso’otai lelei a’oga e 29 (12 Kolisi ma 17 Aoga Tulagalua) i Savai’i ma Upolu e fa’aogaina ai feso’otaiga faatekonolosi ua ta’ua o le **Starlink/fiber internet** ma ua fa’aleleia atili ai feso’otaiga mo aoga i nu’u i tua.
- ✠ O **masini fa’atekonolosi** mo a’oa’oga sa tapenaina uma ma tufatufaina atu i aoga maua luga e pei ona fuafuaina aua le fa’aleleia atili o le tulaga i matā’upu a’oa’oina ma su’ega.
- ✠ E **lua alāfoe fou o fa’amaumauga mo a’oa’oga (SEMIS ma le SMITE)** na fausiaina fa’atasi ma le lagolago mai a le EQAP e fa’amalosia ai le tūlaga lelei i fa’amaumauga tau pūlega o a’oga ma le fa’aogaina lelei o fa’amaumauga.
- ✠ O lenei tausaga fa’aletupe na toe fa’atinoina ai le **Polōkalame o le Fa’ailo Ao** a le Matāgaluega ma sa mafai ona tu’ufa’atasia ai ni polōkalame e 21 ma fa’aleleia atili ai le fa’asoa fa’alaua’itele ma feso’otaiga i matā’upu tau a’oa’oga ma fa’amautinoa ai le avefa pea o lenei auala mo fa’amatalaga mo fānau aoga, faiaoga, mātua ma le atunu’u lautele.

Anotusi

UPU TOMUA A LE OFISA SILI O PŪLEGA	2
Matātī'a na ausia i le Tausaga Fa'aletupe 2024/2025	4
Sao o le Matagāluega o Aoga ma Aganu'u i le Fonotaga a Malō Taupulega	4
Matātī'a Autū na ausia e le Matāgaluega mo le 2024/2025.....	7
OTOOTOGA O VĀEGA O LE LIPOTI	11
VĀEGA 1: VA'AIGA LAUTELE O FUAFUAGA ALUALU MAMAO	12
VĀEGA 2: LIPOTI I LE AUFAIGALUEGA A LE MATĀGALUEGA	17
VĀEGA 3: LIPOTI MO LE TALA O LE TUPE	31
VĀEGA 4: ILOILOGA O GALUEGA FA'ATINO	37
VĀEGA 5: FUAINUMERA FA'AMAUINA MO AOGA	50
VĀEGA 6: POLŌKALAME ATINA'E/POLŌKETI	55
PEPA FA'AOPOOPO 1: Tūlaga Ausia o Fa'ailoilo o Galuega Fa'atino a Vāega ta'itasi	62

OTOOTOGA O VĀEGA O LE LIPOTI

O lenei Lipoti Fa'aletausaga o lo'o fa'amatalaina ma au'ili'ili atu ai galuega fa'atino ma taunu'uga ausia a le Matāgaluega i le Tausaga Fa'aletupe 2024/2025. Ua fa'atūlagaina i Vāega nei:

VĀEGA 1: Va'aiga Lautele o Fuafuaga Alualu Mamao a le Matāgaluega

O lenei Vāega o lo'o tu'uina atu ai fa'amatalaga au'ili'ili o ta'iala a le Matāgaluega, e aofia ai fuafuaga alualu mamao, o tūlāfono o lo'o lima ta'ita'iina ai galuega, o le auivi o le Matāgaluega fa'apea ai ma le Pūlega a le Matāgaluega.

VĀEGA 2: Lipoti i le aufaigaluega a le Matāgaluega

O lenei Vāega o lo'o tu'uina atu ai fa'amatalaga au'ili'ili e uiga i le aufaigaluega a le Matāgaluega e o'o mai ia Iuni 30 2025.

VĀEGA 3: Lipoti mo le Tala o le Tupe

O lenei Vāega o lo'o aofia atu ai le Tala o le Tupe e o'o mai ia Iuni 30 2025.

VĀEGA 4: Iloiloga o Galuega Fa'atino

O lenei Vāega o lo'o tu'uina atu ai se aotelega o galuega a le Matāgaluega i le taumafaiga e ausia ana fa'ailoilo o galuega fa'atino mo le Tausaga Fa'aletupe (Iulai 2024 – Iuni 2025). E aofia ai lipoti o galuega fa'atino a le Matāgaluega e Vāega e sefulu ma le lua (12).

VĀEGA 5: Fuainumera Fa'amauiina mo Aoga

O lenei Vāega o lo'o aofia ai fa'amaumauga i le aofa'i o Aoga Amata, Aoga Tulagalua ma Aoga Mauaialuga, aofa'i o fanau aoga ma le aofa'i o faiaoga o lo'o i lalo o Pūlega Fa'atonutonu mo Aoga.

VĀEGA 6: Polōkalame Atina'e/Polōketi

O lenei Vāega o lo'o tu'uina atu ai fa'amatalaga o polōketi po'o polōkalame atina'e o lo'o fa'atinoina e le Matāgaluega ma o lo'o fa'amatalaina atu ai le tūlaga o lo'o iai nei.

PEPA FA'AOPOOPO 1: Tūlaga Ausia o Fa'ailoilo o Galuega fa'atino a Vāega ta'itasi

O lenei pepa fa'aopoopo o lo'o tu'uina atu ai ma fa'amatalaina le tūlaga ua iai Fa'ailoilo o Galuega Fa'atino a le Matāgaluega i ona Vāega ta'itasi.

VĀEGA 1: VA'AIGA LAUTELE O FUAFUAGA ALUALU MAMAO

Tulāfono ma Fa'atonufofau o Faiga Fa'avae

Ua fa'atulāfonoina le Matāgaluega o Ā'oga ma Aganu'u ina ia fa'atino o latou tiute ma galuega tauave i lalo o le:

- Tulāfono o Ā'oga 2009
- Tulāfono o Teuteuga o le Tulāfono o Ā'oga 2019
- Tulāfono o Faiaoga 2016
- Tulāfono o Teuteuga o le Tulāfono o Faiā'oga 2020
- Tulāfono o le Komisi o le Gagana Sāmoa 2014
- Tulāfono o Fa'amaumauga a le Atunu'u 2011
- Tulāfono o le Matāgaluega o Tupulaga Talavou ma Matā'upu Tau Aganu'u 1993

O lo'o iai foi ana matāfaioi i le:

- Tulāfono o Matāgaluega ma Ofisa o le Mālō 2003
- Tulāfono o Galuega a le Mālō 2004
- Tulāfono Fa'atonutonu o Galuega a le Mālō 2004
- Tulāfono o le Pūlega o Tupe a le Mālō 2001
- Auala e Fa'atino ai le Atina'e o Sāmoa TF2021/2022–TF2025/2026
- Fuafulaga a le Vaega Ma'oti o A'oa'oga 2025-2030

Fa'amatalaga o le Va'aiga Taula'i ma le Manulauti

E amanaia tele e le Mālō o Sāmoa le matāfaioi totonugalemū a ā'oga ma aganu'u i lana manulauti mo le atia'eina o le tamao'āiga o Sāmoa aemaise le manuia o ona tagata. O lo'o taula'i le silasila i lenei va'aiga taula'i ina:

“Ia si'itia le atina'e, saogalemū, ma laugatasia TAGATA UMA i le soifuaga sa'oloto”

O le ausia ai o lenei manulauti e fa'amoemoe tele i le lelei fa'atino o fuafulaga fa'ata'atitia ua ave iai le fa'amuumua ina ia tau lau o le fa'amoemoe o le lava tapena ma lelei fa'atino ato'ato'a au'aunaga tau a'oa'oga. O le ausia ai o le manulauti a le atunu'u e aofia ai Auala ma Metotia o Fa'aaogā mo le Atina'e o Sāmoa Sini Autu 3 mo ā'oga, o le ā fa'apea ai foi ona mafai ona o'o atu ma ausia Sini Fa'atūlaga o Atina'e Gafataulimaina a Sāmoa.

E tusa ai ma le va'aiga taula'i a le Mālō, ua maea ona tapena e le Matāgaluega se fa'amatalaga o lana va'aiga taula'i o lenei tūlaga o lo'o atagia ai vaega uma e tusa ai ma ana galuega ma matāfaioi uma:

“Ia fa'aataata e le Matāgaluega o Ā'oga ma Aganu'u se lumanai e mafai ai ona agava'a ma lava tapena so'o se tamaiti'iti e ausia tomai mauafulaga e ala i a'oa'oga anoa e fa'avae i luga o tu ma aga Fa'aleAganu'u ma le Fa'aKerisiano, ma una'ia ai ma fa'amautū lona si'osiomaga, uiga pūlea ma fa'aaloalo ma le lotonu'u moni fa'a Sāmoa”

I le ausia ai o le va'aiga taula'i a le Mālō ma le Matāgaluega, ua maea ona tapena se fa'amatalaga o lana manulauti o lo'o fa'apupula ai le tāua tele o a'oa'oga, aganu'u ma le atunu'u i so'o se tamaiti'iti ā'oga, aemaise le tāua tele o le a'otauina ma atia'e ia lava.

“Ia mautinoa le tūlaga aupito mana'omia ma atia'e gafataulimaina ā'oga ma aganu'u, e avanoa iai tagata uma”

Ta'iala fa'avae o fuafuaga ma agatausili autū

Ua fa'atino e le Matāgaluega faiga fa'avae nei ma ta'iala fa'avae o fuafuaga:


- Suiga, mafai ona tali atu i tūlaga fa'aletonu ma amanaia taunu'uga mana'omia;
- Tu'uina atu fautuaga ma auai ina ia anoa ma mālamalama matā'upu ua fesiligia;
- Ia fa'aauau ma fa'amautinoa le tūlaga gafataulimaina, ia atia'e lelei e fa'avae i luga o fa'atinoga aupito sili ona mana'omia na mata'itūina;
- O galuega fa'ata'atitia e ta'iala ai e fesoasoani tele ina ia lava tapena ai le lelei ona fa'ao'oina atu a'oa'oga mo tagata a'o'oga uma;
- O si'omaga fa'alotoifale ma manatu fa'aalia tāua o le a foia ma fa'aleleia ai suiga ma;
- Le taua o le gagana i le fa'amālosia ai o le si'osi'omaga fa'aleatunu'u

O agatausili autū o lo'o fa'avae ai le fa'ao'oina atu o au'aunaga a le Matāgaluega e fa'apea:


- ✓ **Tūlaga Tutusa:** o le a amanaia e le Matāgaluega i se faiga tutusa ma sagatonu tagata ta'ito'atasi uma i le tu'uina atu o ana au'aunaga fa'apea ma avanoa tutusa. O le a taumafai foi e alo'ese mai i faiga fa'avae ma fa'atinoga ia e manuia ai nisi o vaega o tagata ae fa'atuatua'ni nisi, ae o le a una'ia ma fesoasoani ia i latou ua fa'ailoaina mai le lē tutusa o avanoa o tu'uina atu i le taimi nei.
- ✓ **Tūlaga Aupito Mana'omia:** ua ave ma fa'ata'ita'iga e ala i tomai maoa'e ua ausia, mālamalama i le aganu'u ma amioga a tagata, fa'atasi ai ma taunu'uga e afua mai i le lavelave o a'afiaga o tomai i faiga fa'atekonolosi, ma tu ma agafeso'ota'i. O le a mulimulita'ia nei itū e ala i faiga fa'avae e una'ia ai.
- ✓ **Tūlaga Talafeagai Lelei:** ia fa'aaogāina au'aunaga tau a'oa'oga ma aganu'u ānoa, aloaia, talafeagai lelei ma aogā i le soifua a'oa'oina o so'o se tasi. E talitonu o le ā unaia ma atia'e ai le agava'a o tagata ta'ito'atasi uma ma fa'apenā foi le olaga sologa lelei ma le si'itia maualuga o le atina'e o le atunu'u, e aofia ai le soifua manuia o tagata uma ma le itū fa'aleagaga. O le ā fa'ailoaina atu i fa'aiuga o faiga fa'avae tūlaga e talafeagai lelei ma alagātatau mo tagata ta'ito'atasi, nu'u ma afio'aga aemaise le atunu'u aoao.
- ✓ **Lelei Ato'ato'a o le Fa'atinoga o Au'aunaga:** ia fa'aalia manino i fa'atinoga tau pulega le fa'amautinoa ai le tūlaga aupito sili ona lelei o le fa'aaogāina o puna'oa, tagata faigaluega, tupe ma meafaitino i ā'oga uma, lelei ato'ato'a le tu'uina atu o au'aunaga, ia sa'oloto ma aua nei fa'alavelaveina feso'ota'iga ma ia fa'atalatalanoa fa'aiuga fai. O le ā ave le fa'amuumua i faiga fa'avae e fa'amautuina ai fa'atinoga nei fa'atasi ai ma le mata'itūina o le lelei fa'afoeina.
- ✓ **Tūlaga Gafataulimaina:** e mana'omia le fa'aaogā tatau o puna'oa tau tagata faigaluega, tūlaga tau tupe ma meafaitino ina ia mautinoa le tūlaga tutusa ma fa'aauau ai pea le fa'agasologa lelei o galuega.

- ✓ **Tūlaga Saogalemū:** ia mautinoa le mata'itūina ma fa'atino ma le 'toto'a' taualumaga ma fa'agasologa fa'atasi ai ma tūlaga e fa'aaogāina iai puna'oa. O lenei itū e fa'asino foi i le malupuipua ma le teumaluina ai o fa'amatalaga.
- ✓ **Fa'afoega o Amioga Pūlea:** o le uiga moni o le galuega fa'afaiā'oga, o le so'otaga galulue lea fa'aauau ai o faia'oga ma tamaiti ā'oga. A'o feagai ai faia'oga ma le a'oa'oina o tamaiti, o le taimi foi lena o lo'o ua fa'apea ona aveai ai i latou ma fa'ata'ita'iga lelei i tamaiti ā'oga; o a latou gāioiga e fa'apei o le tali atu i a latou fesili ma so'o se fa'atinoga e faia e i latou i totonu o potu ā'oga. O lenei agatausili tāua e le gata ina fa'aaogā i faia'oga, ae peita'i o tagata faigaluega uma o le Matāgaluega, o i latou ia e tataua ona fai o latou tiute ma matāfaioi e ala i amioga pūlea e tusa ai ma lō latou vala'auina.

Taunu'uga Mo'omia ma Ta'iala Fa'ata'atitia o le Fuafuaga Autasi



Fa'atūlagaga Fa'ale Fa'alāpotopotoga



PŪLEGA A LE MATĀGALUEGA O AOGA MA AGANU’U 2024- 2025

Minisitā

Hon. Aiono Dr Alec Ekeroma

Minisitā Lagolago

Leatigaga Matafai Lauina l’iga

Sa avea ma Minisitā

Seu’ula Ioane Tuā’au

Sa avea ma Minisitā Lagolago

Agaseata Tanuvasa Peto

PŪLEGA

Ofisa Sili o Pūlega

A’eau Christopher Hazelman

Sui Ofisa Sili o Pūlega mo Auaunaga Lautele

Tuaopepe Perenise Tinei

Sui Ofisa Sili o Pūlega mo Fuafuaga ma Atina’ega

O loo avanoa

Ofisa Sili Lagolago, Itupaepae o A’oa’oga

Aida Savea

Ofisa Sili Lagolago, Faiga Fa’avae Fuafuaga ma Iloiloga

Nora Rose Warren

Ofisa Sili Lagolago, Fuataga ma Su’ega

Maria Lei Sam Elisaia

Ofisa Sili Lagolago, Matā’upu A’oa’oina ma Tusi Aoga

Tuiloma Inipene Simanu

Ofisa Sili Lagolago, Pūlega ma le Fa’afoega o Ā’oga

Muliagatele Perenise Stowers

Ofisa Sili Lagolago, Mata’itūina ma Tapu’eina Tomai Fa’afaiā’oga

Salā Tauti Faatamālii Jenny

Ofisa Sili Lagolago, Fa’amatalaga ma Feso’ota’iga Fa’atekonolosi

Matagio’o Nehru Mauala

Ofisa Sili Lagolago, Aganu’u, Fa’atufugaga & Measina

Sa’uila Forrest Time

Ofisa Sili Lagolago, Fa’amaumauga & Faletusi o le Mālō

Fanuaea Amela Silipa

Ofisa Sili Lagolago, Komisi o le Gagana Samoa

Salā Leota Delphina Lee

Ofisa Sili Lagolago, Tūlāfono

Tausiliimalo Ryan Masinalupe

Ofisa Sili Lagolago, Su’etusi Fa’alotoifale

Heti Meleisea

Ofisa Sili Lagolago, Puna’oa tau Tagata Faigaluega

Ruby Sheck

Ofisa Sili Lagolago, Tupe

Faamago Tulaniu

VĀEGA 2: LIPOTI I LE AUFAGALUEGA A LE MATĀGALUEGA

Fa’atulagaga o Auaunaga

O le Matāgaluega o A’oga ma Aganu’u, lea sa ta’ua muamua o le Matāgaluega o A’oga, Ta’aloga ma Aganu’u, ua lē toe aofia ai i lalo o lana va’ava’aiga le Vāega o Ta’aloga, talu ai ua avea nei ma Matāgaluega tuto’atasi ma ua fa’aigoaina o le Matāgaluega o Ta’aloga ma Alagā’oa mo le Fiafia o Tagata, lea na aloa’ia i lenei Tausaga Fa’aletupe 2024/25 ina ua mae’a suiga o le Malō.

E 12 Vāega o lo’o aofia i totonu o le Matāgaluega o A’oga ma Aganu’u, mai Vāega e 14 sa i ai i le Tausaga Fa’aletupe ua mavae. O isi Vaega e 2, o le Ta’aloga (Auaunaga 11) ua avea nei ma Matāgaluega ese, atoa ai ma le Vāega o le Mata’itūina o Faiaoga (Auaunaga 13) ua tu’ufa’atasia nei i le Auaunaga 4, ua va’ava’aia uma ai le Vaega o Atina’e ma le Mata’itūina o Faiaoga e le Ofisa Sili Lagolago e tasi, ma ua tasi ai le latou tupe fa’aagaga po’o le pāketi. O le Vaega o lo’o Mata’itūina Tagata Faigaluega a le Matāgaluega, lea sa i lalo o le Auaunaga (CSU) 1, Auaunaga Lautele, ua suia ma tu’ufa’atasi nei i le Auaunaga 1 Fautuaga tau Faiga Fa’avae i le Minisitā po’o le Vāega a le Ofisa o le Ofisa Sili o Pūlega. O le Auaunaga (CSU) 1 o lo’o aofia ai le Vāega o Tupe, Pūlega, Totogi, Tausiga ma le va’aiga o Aseta ma Galuega Fa’aleleia mo le Matāgaluega.

Siata 1: Galuega Faatino i Auaunaga Eseese

Galuega Faatino	Auaunaga
Galuega Fa’atino 1	Fautuaga tau Faiga Fa’avae i le Minisitā
Galuega Fa’atino 2	Auaunaga Lagolagosua i le Minisitā
Galuega Fa’atino 3	Auaunaga Fa’afaiaoga
Galuega Fa’atino 4	Auaunaga mo le Mata’itūina ma Tapu’eina Tomai Fa’afaiā’oga
Galuega Fa’atino 5	Auaunaga mo le Fa’aleleia o Aoga
Galuega Fa’atino 6	Auaunaga mo Matā’upu Aoaina ma Tusi Aoga
Galuega Fa’atino 7	Auaunaga mo Su’ega ma Fuataga
Galuega Fa’atino 8	Auaunaga mo Faiga Faavae, Fuafuaga ma Su’esu’ega
Galuega Fa’atino 9	Auaunaga mo le Pūleaina o Aseta
Galuega Fa’atino 10	Auaunaga tau Faletusi mo Tagata Lautele
Galuega Fa’atino 12	Auaunaga mo le Atina’eina o le Aganu’u
Galuega Fa’atino 14	Auaunaga Tu’ufa’atasi o le Vāega Ma’oti o A’oa’oga
Auaunaga 1	Auaunaga e Lagolagoina Tagata Faigaluega o le Matāgaluega
Auaunaga 2	Auaunaga mo Fa’amaumauga ma Feso’otaiga Fa’atekonolosi ma Fa’asalalauga
Auaunaga 3	Auaunaga Lomitusi

Aufagaluega a le Matāgaluega o Aoga ma Aganu’u – Vaevaeina i Itupā

O lo’o fa’ailoa mai i lenei vāega o le lipoti, le aofa’i o tagata faigaluega a le Matāgaluega sa galulue i le Tausaga Fa’aletupe e fa’ai’u i le aso 30 o Iuni 2025, i vāega eseese e pei ona fa’aalia i siata o lo’o i lalo.


Siata 2: Aufaigaluega a le Matagaluega e tusa ma Ituaiga Galuega i le aso 30 o Iuni 2025

Vaevaega o le Aufaigaluega	Ali'i	Tamaita'i	Aofa'i	Pasene
Aufaigaluega Faa-Konekarate	114	142	256	13%
Aufaigaluega Tūmau	361	1,112	1,473	72%
Aufaigaluega lē Tūmau	67	249	316	15%
Aofaiga atoa o le Aufaigaluega	542	1,503	2,045	100%
Pasene	27%	73%	100%	

Punaoa: Alafoe o le Finance One

E o'o mai i le aso 30 o Iuni 2025, ua 2,045 le aofa'i o le aufaigaluega ma ua fa'a'iti'itia pe a fa'atusa i le tausaga na mavae atu nei e 2,062 le aofa'iga o le aufaigaluega sa i ai. O lenei pa'u i le faitau aofa'i o le aufaigaluega e afua mai i avanoa e 88 e le'i fa'atumuina ona ua to'atele i latou ua vave fa'amavae atoa ai ma le toaititi o tagata o lo'o tu'uina mai i totonu a latou talosaga i avanoa o lo'o fa'asalalauina.

Ata 1: Aufaigaluega a le Matagaluega ua vaevaeina i itupa




Punaoa: Alafoe o le Finance One

O lo'o fa'aalia i le Ata 1, e 73% le to'atele o tamaita'i o lo'o galulue i le Matāgaluega o Aoga ma Aganu'u, pe ā fa'atusa i le 27% o ali'i. E tutusa lava lenei vaevaega ma le tausaga na mavae nei ae ua fa'atupula'ia pea le nūmera o tamaita'i mai le 1,496 sa i ai i le tausaga na mavae nei i le 1,503 i lenei tausaga ae ua fa'aitiitia atili le aofa'i o ali'i mai le 565 sa i ai i le 542 mai ia Iuni 2024 aga'i ia Iuni 2025.

O se au'ililiga fa'aopoopo o lo'o fa'aalia i le Ata 2, o lo'o manino ai le maua luga o le aofa'i o tamaita'i e 6 mai le 8 i vāega o le aufaigaluega. O le to'atele o ali'i o lo'o galulue i tūlaga fa'apitoa (specialists) ma tulaga tau ofisa (officers). E tusa ma le 80% o faiaoga ma i latou o lo'o galulue lagolagosua i aoga e aofia ai Asiasi Aoga, i latou o lo'o galulue i faletusi a aoga ma i latou o lo'o fa'atinoina le tāina o tusitusiga i masini komepiuta o tamaita'i, ae o le 20% o lo'o galulue i nei ituaiga galuega o ali'i.

Ata 2: Aufaigaluega a le Matagaluega ua vaevaeina i itupa ma tulaga o galuega



Punaoa: Alafoe o le Finance One

O le fa'atusatusaga i le vā o faiaoga ma le aufaigaluega e le o ni faiaoga, o lo'o manino ai se eseesega tele. Pe ā silasila i le Siata 3 ma le Ata 3, o i latou o lo'o galulue i totonu o aoga (e aofia ai faiaoga, pule ma sui pule o aoga) o le vāega pito to'atele leni o le aufaigaluega a le Matāgaluega e 85% ae ua fa'a'iti'itia i le 1% pe ā fa'atusa i le tausaga fa'aletupe na se'i mavae atu nei.


O lo'o maualuga fo'i le aofa'i o tamaita'i i le aufaigaluega o lo'o galulue i totonu o aoga i le pasene e tusa ma le 76% pe ā fa'atusa i ali'i. O le 4% o le aufaigaluega o lo'o galulue i totonu o aoga, o i latou o lo'o faia le faiva o le lagolagosua ma fesoasoani i aoga e aofia ai asiasi aoga, aufaigaluega i faletusi o aoga ma i latou o lo'o galulue i le tāina o fa'amaumauga ma tusitusiga i masini komepiuta. O le 11% o le aufaigaluega atoa a le Matāgaluega, o i latou ia e lē o ni faiaoga ae o lo'o galulue i totonu o le Ofisa Autū ma le Malae o Aganuu i Mālifa e amata mai i le pūlega autū a le Matāgaluega, ofisa sinia autū, ofisa sinia ma ofisa.

Siata 3: Aufaigaluega a le Matagaluega ua vaevaeina i faiaoga ma i latou e le o ni faiaoga i le aso 30 o Iuni 2025

Aufaigaluega a le Matāgaluega	Ali'i	Tamaita'i	Aofa'i	Pasene
Aufaigaluega Faiaoga	420	1,325	1,745	85%
Aufaigaluega Lagolago mo Aoga	16	65	81	4%
Aufaigaluega i le Ofisa Tutotonu	106	113	219	11%
Aofa'i	542	1503	2045	100%

Punaoa: Alafoe o le Finance One

Ata 3: Aufaigaluega Faiaoga ma le Aufaigaluega o loo galulue i le Ofisa Tutotonu



Punaoa: Alafoe o le Finance One

O lo'o fa'amanino i le Siata 4, e 65% o faiaoga o lo'o galulue i aoga tulagalua ae o le 35% o lo'o galulue i aoga maualuluga po'o Kolisi. E tutusa nei pasene ma le tausaga fa'aletupe ua mavae, e ui lava ina ua fa'a'ititia le aofa'i o faia'oga i le 20, mai le 1,565 i le 1,745 i le fa'ai'uga o Iuni 30 2025. Ua pa'u le aofa'i o faiaoga ali'i mai le 443 i le 420, ae o faiaoga tamaita'i ua si'itia la'ititi mai le 1,322 i le 1,325 i le vaitaimi lava lea.

Siata 4: Faiaoga i Aoga Tulaga Lua ma Aoga Maualuluga i le aso 30 o Iuni 2025

Tūlaga	Ali'i	Tamaita'i	Aofa'i	Pasene
Aoga Tulagalua	208	918	1,126	65%
Aoga Maualuluga	212	407	619	35%
Aofa'i	420	1325	1,745	100%

Punaoa: Alafoe o le Finance One

O le aofa'i o puleaoga ma sui puleaoga sa iai e 215 pe ā fa'atusatusa i le 228 i le tausaga ua mavae. E le o aofa ai i lea fuainumera puleaoga ma sui puleaoga o lo'o avanoa o latou tūlaga, ona sa tele ina fa'agasolo le sa'iliga ma le filifiliga o tagata talafeagai e se'e i nei tūlaga i le taimi o le lipoti. Sa tōfia mai se tasi o tagata faigaluega mai le Komisi o Galuega a le Malō e fesoasoani i le Matāgaluega i lenei faiga.

O lo'o manino foi i le Siata 5, e 215 puleaoga ma sui puleaoga sa galulue i le Matāgaluega o Aoga ma Aganu'u ia Iuni 2025. O le 74% o lea numera o puleaoga ae o le 26% o sui puleaoga.

Siata 5: Puleaoga ma Sui Puleaoga na galulue i Aoga tulaga lua ma Aoga maualuluga ile aso 30 Iuni 2025

Tūlaga	Aoga Tulagalua		Aoga Maualuluga		Aofa'i	Pasene
	Ali'i	Tamaita'i	Ali'i	Tamaita'i		
Puleaoga	55	82	14	8	159	74%
Sui Puleaoga	16	19	7	14	56	26%
Aofa'i	71	101	21	22	215	100%
Pasene	41%	59%	49%	51%		


O lo'o vaevae atu i le Siata 6, le afaigaluega o lo'o galulue i le Ofisa Autū i matāfaioi tauave ma le vaevae i itupā. E 300 le afaigaluega o lo'o galulue i le Ofisa Autū ma o se si'itaga la'ititi pe ā faatusa i le aofa'iga e 232 sa i ai i le tausaga fa'aletupe ua mavae. O tūlaga o tagata o lo'o galulue faa-ofisa e sili ona maua i le 31%, sosoo ai ma le afaigaluega lagolago i aoga e 27%. O le 5% o le afaigaluega atoa o sui o le Pūlega Autū. I lea nūmera, e sili atu foi le aofa'i o tamaita'i e 178 nai lo'o ali'i.

Siata 6: Afaigaluega i le Ofisa Autū ua vaevaeina i matāfaioi ma Itupa ile aso 30 Iuni 2025

Vaevae i Matāfaioi	Ali'i	Tamaita'i	Aofa'i	Pasene
Pūlega Autū	5	10	15	5%
Ta'ita'i/Tōmai Fa'apitoa	3	2	5	2%
Ofisa Sinia Autū	21	32	53	18%
Ofisa Sinia	18	35	53	18%
Ofisa	59	34	93	31%
Afaigaluega Lagolago i totonu o Aoga	16	65	81	27%
Aofa'i	122	178	300	100%
Pasene	41%	59%		

Punaoa: Alafoe o le Finance One


Ata 4: Vaevae o le Afaigaluega i le Ofisa Autū i matāfaioi



Punaoa: Alafoe o le Finance One

I le Ata 5, o lo'o manino ai le si'itia o le aofa'i o tagata faigaluega i tōmai fa'apitoa, ofisa sinia autū ma ofisa sinia pe a faatusa i le tausaga fa'aletupe na sei mavae atu nei ae ua maitauina fo'i le fa'aitiitia o avanoa ua fa'atumuina o le Pūlega autū ma le afaigaluega lagolago i totonu o aoga.

Ata 5: Faatusatusaina o le Aufaigaluega i le Ofisa Autu i Tausaga Fa'aletupe e lua




Punaoa: Alafoe o le Finance One

O le Ata 6, o lo'o fa'aalia ai le aofa'i o tagata faigaluega a le Matāgaluega i galuega fa'akonekarate, galuega tūmau ma galuega e lē tūmau. O i latou o lo'o galulue i galuega fa'akonekarate e fa'afaigaluegaina mo ni matāfaioi po'o ni galuega fa'apitoa i lalo o se konekarate, ma e māsani lava ona tolu tausaga le umi. E aofia ai le Ofisa Sili o Pūlega, Sui Ofisa Sili o Pūlega, Ofisa Sili Lagolago, Tagata Tōmai Fa'apitoa ma Asiasi Aoga. E 258 tagata faigaluega fa'akonekarate na fa'amauiina i le aso 30 o Iuni 2025, ona o nisi o avanoa fa'akonekarate e le'i fa'atumuina.

Ua fa'aitiitia fo'i le aofa'iga o tagata faigaluega tūmau i le 61 ona o suiga i le aufaigaluega (e pei o i latou ua fa'amāvae ma nisi ua fa'amutaina le auaunaga) atoa ai ma nisi sa faigaluega tūmau ae ua galulue fa'avaitaimi pe ua galulue lē tūmau fo'i. O le fa'ata'ita'iga, o nisi sa faigaluega tūmau, peita'i ua aulia le 55 tausaga o le soifua ae o lo'o talosagaina pea avanoa e fa'aauau ai le auaunaga ma ua avea nei ma tagata faigaluega lē tūmau. O lea tulaga ua āfua ai ona maua luga le nūmera o tagata faigaluega lē tūmau, ona o i latou ua aulia tausaga e fa'amuta ai le auaunaga po'o tausaga litaea ae o lo'o faigaluega pea ma ua avea ai nei ma tagata faigaluega lē tūmau fa'atasi ai ma nisi o le aufaigaluega o lo'o galulue lē tūmau.

Ata 6: Aufaigaluega a le Matagaluega i Tausaga Fa'aletupe e tolu




Punaoa: Alafoe o le Finance One

Vaevaeina o le Aufaigaluega i tausaga o latou soifua


O lo’o fa’aalia i le Ata 7 le vaeveaga o tagata faigaluega o le Matāgaluega i luga o tausaga o latou soifua. O le to’atele o tagata faigaluega (31%), o lo’o i le vā o le 30-39 tausaga le matutua ae o le pasene itiiti (2%) o i latou ua 70 tausaga pe sili atu. O le to’atele o tagata faigaluega a le Matāgaluega o lo’o i le vā o le 20-39 tausaga, ma ua manino ai e mātetele i tagata talavou le aufaigaluega. A fa’atusa i le tausaga fa’alelupe na se’i mavae atu nei, e leai se suiga tele o pasene o le aufaigaluega i le vaeveaga i tausaga o latou soifua e pei ona fa’aalia i le Ata 8. O lo’o manino i le tausaga e 60 ma sili atu, le to’atele o i latou ua litaea ae o lo’o faigaluega pea ma e mātetele i faiaoga o lo’o fa’afaigaluegaina pea ina ia fa’a’iti’itia ai le utiuti o faiaoga.

Ata 7: Aufaigaluega a le Matagaluega ua vaeveaina i tausaga o lo latou soifua i le aso 30 o Iuni 2025



Punaoa: Alafoe o le Finance One

Ata 8: Aufaigaluega a le Matagaluega ua vaeveaina i tausaga o latou soifua i tausaga fa’alelupe e lua



Punaoa: Alafoe o le Finance One

O lo’o fa’aalia i le Siata 7 le vaeveaga o tagata faigaluega i le Ofisa Autū e tusa ai ma latou tūlaga o galuega o lo’o auauna ai. O le mātetele o tagata faigaluega (30%) e i le vā o le 30-39 tausaga le matutua, soso’o ai

ma i latou o lo'o i le vā o le 40-49 tausaga e 26% ma i latou i le vā o le 20-29 tausaga e 22%. O tagata faigaluega ua litaea, o lo'o i ai se vaega to'a'iti'iti o le aufaigaluega e 4%.


Siata 7: Vaevaega o le Aufaigaluega i tulaga o galuega ma tausaga o le soifua

Tūlaga o Galuega	20-29	30-39	40-49	50-59	60-69	70+	Aofaiga
Pulega Autū	0	3	3	7	2	0	15
Aufaigaluega tomai fa'apitoa	0	4	0	1	0	0	5
Ofisa Sinia Autū	5	14	23	9	2	0	53
Ofisa Sinia	17	16	14	5	1	0	53
Ofisa	34	23	22	13	1	0	93
Aufaigaluega Lagolago i aoga	9	31	16	19	5	1	81
Aofa'i	65	91	78	54	11	1	300
Pasene	22%	30%	26%	18%	4%	0%	

Punaoa: Alafoe o le Finance One

E pei ona fa'aalia i le Ata 9, o le to'atele o faiaoga o lo'o i le vā o le 30-39 tausaga le matutua, ae o le to'atele o i latou o lo'o ūmia tofiga sinia i konekarate e pei o puleaoga ma sui puleaoga o lo'o i le vā o le 50-59 tausaga. O le 55 le tausaga litaea, peita'i ona o le utiuti o faiaoga i totonu o aoga o lo'o fa'amalosia ai pea faiaoga ina ia talosaga mai mo se fa'aopoopoga o tausaga o le auaunaga pe ā aulia tausaga litaea, ina ia fesoasoani e fō'ia le utiuti o faiaoga. O lo'o fa'amanino atu e le ata o lo'o i lalo, e 195 faiaoga, sui pule ma puleaoga o lo'o i le vā o le 60 i le 70 tausaga ma sili atu fo'i.

Ata 9: Vaevaega o faiaoga i tausaga o le soifua (Puleaoga, Sui Puleaoga ma Faiaoga)



Punaoa: Alafoe o le Finance One

Tagata faigaluega a le Matāgaluega – Poto masani i le galuega/ Tausaga o le Auaunaga


O lo'o fa'aalia i le Siata 8 ma le Ata 10 le tūlaga o le tōmai o le aufaigaluega a le Matāgaluega i le taimi nei, e fa'atatau i ā latou tausaga o le poto masani i totonu o le tautua i le Malō. O tausaga o le poto masani o lo'o avea ma fa'aailoga o le matua o le aufaigaluega i le itū tau i le tōmai fa'atino ma le silafia loloto i totonu o le fa'alapotopotoga i le taulimaina o fa'afitauli i totonu o le Matāgaluega.

Siata 8: Tagata faigaluega a le Matāgaluega ua vaevaeina i Tausaga o le auaunaga i le aso 30 Iuni 2025

Aufaigaluega a le Matāgaluega i tausaga o le Auaunaga	<1 tausaga	2-4 tausaga	5-7 tausaga	8-10 tausaga	11+ tausaga	Aofa'iga
Pulega autū	1	7	0	2	5	15
Aufaigaluega tōmai faapitoa	0	0	1	1	3	5
Ofisa Sinia Autū	16	6	7	5	19	53
Ofisa Sinia	19	3	10	3	19	54
Ofisa	32	25	9	12	16	94
Aufaigaluega lagolago i aoga	13	12	12	4	39	80
Puleaoga	0	0	2	2	154	158
Sui Puleaoga	0	16	1	0	39	56
Faiaoga	183	199	166	100	883	1,531
Aofa'iga	264	268	208	129	1,177	2,046
Pasene	8%	14%	13%	6%	58%	100%


E pei o au'ilili atu, e silia ma le afa (58%) o le aufaigaluega a le Matāgaluega ua silia ma le 10 tausaga o le poto masani i galuega ma ua manino ai le umi ona i ai o nei tagata i ā latou galuega ua agava'a ai ma le silafia loloto i galuega a le Matāgaluega o Aoga ma Aganu'u. O nisi o le Pulega autū ua 2-4 tausaga talu ona auauna i totonu o le Matāgaluega ae sa galulue muamua i nisi Matāgaluega ma Fa'alapotopotoga i totonu o le Malō. O le to'atele o puleaoga, sui puleaoga, faiaoga, tagata o lo'o lagolago i aoga ma i latou o lo'o galulue i galuega fa'atoma fa'apitoa, ua silia ma le 10 tausaga o le latou tautua. O le aufaigaluega fou i galuega e mātetele i tagata faigaluega talavou e aofia ai tagata faigaluega fa'aofisa, ofisa sinia ma nisi o ofisa sinia autū.

Ata 10: Aufaigaluega a le Matagaluega i le poto masani




Punaoa: Alafoe o le Finance One

Ata 11: Aufaigaluega a le Matagaluega i totonu o le Ofisa Autu i tausaga o le latou auaunaga



O lo’o fa’aalia manino i le Ata 11 le vaeveaga o tagata faigaluega a le Matāgaluega i totonu o le Ofisa Autu i tausaga o latou auaunaga. O lo’o maitauina ai o le vāega sili ona to’atele ua silia ma le 10 tausaga o le auaunaga i le Matāgaluega o i latou o lo’o galulue lagolago i totonu o aoga. O le vāega sa maua lona aofa’i i lalo ifo o le 1 tausaga o le auaunaga, o le tulaga ofisa lea e aofia ai i latou o lo’o ua taliu mai ua mae’a aoga ma fa’au’u ma i latou na vave tu’ua le aoga.

Ata 12: Tausaga o le Auaunaga a le Aufaigaluega Faiaoga



Punaoa: Alafoe o le Finance One

E pei ona fa’ailoa i le Ata 12, o lo’o manino mai ai e tusa ma le 95% o faiaoga uma e aofia ai puleaoga, sui puleaoga ma faiaoga, ua silia ma le 11 tausaga o le auaunaga ma le poto masani. O lenei fa’amaumauga mata’ina o lo’o fa’aalia ai le taulāmua ma le naunauta’iga o faiaoga i lā latou matāfaioi fa’afaiaoga fa’apea ma lō latou sao tāua i le si’itia o taunu’uga tau a’oa’oga i totonu o le Matāgaluega.

Suiga o le Aufaigaluega

O lo’o fa’ailoa mai i le Siata 9 le aga’i ese o faiaoga ma le aufaigaluega i le ofisa autū i le aso 30 o Iuni 2025. E 98 tofiga fou na fa’a’iti’itia mai ai i le 114 sa i ai i le tausaga ua mavae. O tofiga fou nei na āfua mai i le suiga o le aufaigaluega, si’itia tūlaga i totonu o le Matāgaluega ma le fa’afaigaluegaina o faiaoga fou. E 23 tagata faigaluega ua si’itia tūlaga i lenei tausaga fa’aletupe pe ā fa’atusa i le 11 sa i ai i le tausaga ua mavae. E tasi le avanoa fa’akonekarate sa fa’amae’aina i lenei tausaga fa’aletupe pe ā faatusa i le 3 sa i ai i le tausaga ua tuana’i atu nei. E 116 tagata faigaluega ua fa’amavae ae to’atasi ua mālolo litaea pe ā fa’atusa i le leai o seisi i le tausaga fa’aletupe talu ai.

Siata 9: Fesuaiga o le Aufaigaluega seia oo i le aso 30 o Iuni 2025

Suiga i Galuega	Aofa’i o avanoa TF23/24	Aofa’i o avanoa TF24/25	Suiga
Tofiga fou	114	98	Fa’a’iti’itia
Tofiga – Si’itia le Tūlaga	11	23	Si’itia
Tofiga – Toe fa’afaigaluegaina	94	46	Fa’a’iti’itia
Tofiga – Fesi’itai	79	68	Fa’a’iti’itia
Fa’amuta le Auaunaga – Maliu	9	9	Tūmau
Fa’amuta le Auaunaga – Solia tulafono o Amioga taualoa	15	9	Fa’a’iti’itia

Fa'amuta le Auaunaga – Mae'a le Konekarate	3	1	Fa'a'iti'itia
Fa'amuta le Auaunaga – Fa'amavae	83	116	Si'itia
Fa'amuta le Auaunaga – Malōlō Litaea	0	1	Si'itia

Punaoa: Alafoe o Fa'amaumauga o le Pelican – Vāega o Totogi a le Matāgaluega

Fa'amutaina o Auaunaga a le Aufaigaluega

O lo'o toe au'ilili atu i le vaeveaga o le Siata 10, mafua'aga ua fa'amuta ai auaunaga a nisi o le aufaigaluega a le Matāgaluega i lenei tausaga fa'aletupe.

Siata 10: Mafuaaga e faamuta ai auaunaga

Mafua'aga e fa'amuta	Aofa'i o le Aufaigaluega TF2023-2024	Aofa'i o le Aufaigaluega TF2024-2025
Aofa'i na faamāvae:		
• Tamaita'i	54	75
• Ali'i	29	41
	<u>83</u>	<u>116</u>
Litaea	0	1
Fa'amalōlō ona ua solia tulafono o amioga taualoa		
• Faiaoga	10	5
• Sui o le Ofisa Tutotonu	5	4

Punaoa: Alafoe o Fa'amaumauga o le Pelican – Vāega o Totogi a le Matāgaluega

Fa'afaigaluegaina ma le Filifiliga

O faiga masani i le filifiliaina ma le fa'afaigaluegaina o tagata faigaluega tūmau i tagata faigaluega o lo'o galulue i le Ofisa Tutotonu po'o le Ofisa Autū e va'ava'aia lea e le Vāega o Auaunaga Lautele, e tusa ma ta'iala o lo'o fa'ata'atitia i le Tūlāfono o Galuega a le Malō 2004 ma le Tusi Ta'iala mo le Fa'afaigaluegaina ma le Filifiliga 2016 a le Komisi o Tagata Faigaluega a le Malō. O tūlaga fa'akonekarate mo Puleaoga, Sui Puleaoga, Tagata Tomai Fa'apitoa, Ofisa Sili Lagolago, Sui Ofisa Sili ma le Ofisa Sili o Pūlega e va'aia lea e le Komisi.

O lo'o fa'ailoa atu i le Siata 11 o lo'o i lalo, tagata faigaluega fou e 64 ua filifilia e galulue i totonu o le Matāgaluega. I lea numera, e 26 ali'i ma le 38 tamaita'i.

Siata 11: Tulaga o Tofiga – Aufaigaluega i le Ofisa Tutotonu

Itūaiga Tofiga fou	Fa'amaumauga	
Aofa'iga atoa o tofiga fou ua mae'a ona fa'atinoina	64	
	Tofiga Fou & Si'itaga o Tulaga	Toe Filifilia e fa'afaigaluegaina
	Ofisa Sili Lagolago – Mata'upu tau Tagata Faigaluega ma So'otaga Faigaluega	Sui Ofisa Sili – Galuega

Aufaigaluega Konekarate = 7	Tomai Fa'apitoa mo le Atina'eina o Puna'oa mo Su'ega i Aoga Tulagalua	Ofisa Sili Lagolago – Vāega o le Atina'eina o Tomai Fa'afaiaoga
		Ofisa Sili Lagolago – Vāega o Fuafuaga, Faiga Fa'avae ma Sa'ili'iliga
		Ofisa Sili Lagolago – Komisi o le Gagana Samoa
		Ofisa Sili Lagolago – Vāega o Fa'amaumauga ma Feso'otaiga Fa'atekonolosi atoa ai ma Fa'asalalauga
Tagata Faigaluega Tumau = 57	Tofiga Fou	Si'itia Tūlaga
	Ofisa Sinia Fauautua i Atina'e	Ofisa Sinia Autū mo le Fa'amautinoaina o Tūlaga Atoatoa
	Ofisa Sinia i Matā'upu A'oa'oina ole Fa'asaienisi	Ofisa Sinia mo Feso'otaiga tau Komepiuta
	Ofisa Sinia i Matā'upu A'oa'oina o le Tusiga Ata	Ofisa Sinia mo A'oa'oga Faa-Matātā Eeseese – Fa'atinoga Fa'asaienisi
	Tūlaga Fa'aofisa o Su'ega	Tūlaga Fa'aofisa mo le Teumaluina o Aseta ma Meatotino a le Matāgaluega
	Ofisa Sinia mo le Aganu'u	Tagata Fa'amaumau Fa'atekonolosi Sinia – Kolisi o Sagaga
	Tūlaga Fa'aofisa mo Atina'e tau Aganu'u	Ofisa Sinia mo le Atina'eina o Tū ma Aganu'u
	Tūlaga Fa'aofisa i Feso'ota'iga tau Komepiuta	Ofisa Sinia mo le Mata'itūina ma Iloiloga
	Tūlaga Fa'aofisa i Feso'otaiga tau Komepiuta	Ofisa Sinia o A'oa'oga – Su'ega ma Fuataga
	Ofisa Sinia o Meafaigaluega mo Fa'asalalauga	Faiaoga o le Musika
	Ofisa Sinia Autū o Totogi	Su'etusi a le Matāgaluega
	Ofisa Sinia Autū o Fa'amaumauga tau Tupe	Ofisa Sinia o Teugatupe mo Tupe Maua
	Tulaga Fa'aofisa mo Fa'amaumauga	Ofisa Sinia o Teugatupe
	Ofisa Sinia o Teugātupe totogi eseese	Tūlaga Fa'aofisa mo Su'ega ma Fuataga
	Ofisa mo fa'amauiina o Fa'amatalaga o Tagata Faigaluega	Tagata Fa'amaumau Fa'atekonolosi Sinia – Kolisi o Palalaua
	Ofisa Sinia Autū mo Atina'e tau Tagata Faigaluega	Ofisa Sinia o Fa'amaumauga
	Ofisa Sinia Autū mo le Va'ava'aia o Tagata Faigaluega	Ofisa Sinia Autū o Su'ega ma Iloiloga
	Ofisa Sinia mo Fa'atauga Aloaia	
	Tūlaga Fa'aofisa i le Puleaina o Totogi	
	Ofisa Sinia o Galuega Fa'atino	
	Leoleo Po	
	Tūlaga Fa'aofisa mo Fa'amaumauga	

Tagata Tali Telefoni/ Tali Tagata Asiasi	
Tūlaga Fa'aofisa mo le Atina'e o Tū ma Aganu'u	
Tūlaga Fa'aofisa mo A'oa'oga – Sa'ili'iliga ma A'oa'oga	
Fesoasoani i le Faletusi - Samata i Tai	
Fesoasoani i le Faletusi – Kolisi o Lefaga	
Fesoasoani i le Faletusi – Kolisi o Aleipata	
Tūlaga Fa'aofisa mo A'oa'oga – Pūleaina o Fa'amaumauga Aloaia	
Tagata Fa'amaumau Fa'atekonolosi Sinia – Kolisi o Aana 2	
Fesoasoani i le Faletusi – Aoga Tulagalua Lau'i'i	
Fesoasoani i le Faletusi – Aoga Tulagalua a Taelefaga	
Fesoasoani i le Faletusi – Kolisi o Falealili	
Fesoasoani i le Faletusi – Kolisi o Faleata	
Tūlaga Fa'aofisa mo Atina'e o Faiaoga	
Tagata Fa'amaumau Fa'atekonolosi Sinia – Kolisi o Lepa ma Lotofaga	
Tagata Fa'amaumau Fa'atekonolosi Sinia – Kolisi o Savaii Sisifo	
Tagata Fa'amaumau Fa'atekonolosi Sinia – Kolisi o Palauli	
Ofisa Sinia Autū mo Aseta	
Tūlaga Fa'aofisa Lagolago mo le faiga o masini fa'atekonolosi	
Ofisa Sinia o Teugātupe – Mata'itūina ma le Su'esu'ega o Fesoasoani a le Malō i Aoga	
Ofisa Sinia o Fuafuaga	

Punaoa: Alafoe o le Finance One

VĀEGA 3: LIPOTI MO LE TALA O LE TUPE

Siata 12: Tala o le Tupe faaalu a le Matagaluega i ona Vaega eseese e oo mai ile aso 30 Iuni 2025

GALUEGA FA'ATINO A LE MATĀGALUEGA

	Tūlaga ua iai nei (YTD)	% o Vaegātupe faaogaina	Tupe Fuafuaina	Tupe Totoe
1810 Fautuaga Tau Faiga Fa'avae i le Minisitā				
Tagata Faigaluega	935,052	99%	943,094	8,042
Tupe fa'aalu mo Galuega Fa'atino	334,561	95%	350,843	16,282
Fa'atauina o Aseta	48,835	100%	48,837	2
AOFA'I	\$1,318,448	98%	\$1,342,774	\$24,326
1820 - Galuega Lagolago i le Minisitā				
Tagata Faigaluega	272,399	101%	270,222	-2,177
Tupe fa'aalu mo Galuega Fa'atino	206,344	100%	207,135	791
Fa'atauina o Aseta	-	0%	-	-
AOFA'I	\$478,743	100%	\$477,357	\$-1,386
1830 - Auaunaga Fa'afaiaoga				
Tagata Faigaluega	68,109,249	100%	68,417,360	308,112
Tupe fa'aalu mo Galuega Fa'atino	10,944	99%	11,000	56
AOFA'I	\$68,120,193	100%	\$68,428,360	\$308,168
1840 - Auaunaga mo le Fa'aleleia o Tomai Fa'afaiaoga				
Tagata Faigaluega	955,936	98%	977,886	21,950
Tupe fa'aalu mo Galuega Fa'atino	179,788	100%	180,300	512
Fa'atauina o Aseta	17,643	100%	17,644	1
AOFA'I	\$1,153,367	98%	\$1,175,830	\$22,463
1850 - Auaunaga mo le Fa'aleleia o Aoga				
Tagata Faigaluega	2,489,734	99%	2,502,673	12,939

	Tūlaga ua iai nei (YTD)	% o Vaegātupe faaogaina	Tupe Fuafuaina	Tupe Totoe
Tupe fa'aalu mo Galuega Faatino ¹	325,443	88%	368,947	43,504
Fa'atauina o Aseta ²	20,000	40%	50,000	30,000
AOFA'I	\$2,835,178	97%	\$2,921,620	\$86,443
1860 - Auaunaga mo Matā'upu A'oa'oina ma Tusi Aoga				
Tagata Faigaluega	1,034,706	99%	1,043,973	9,267
Tupe fa'aalu mo Galuega Fa'atino	441,630	91%	486,600	44,970
AOFA'I	\$1,476,337	96%	\$1,530,573	\$54,237
1870 - Auaunaga mo Fuataga ma Su'ega				
Tagata Faigaluega	1,765,823	100%	1,769,278	3,455
Tupe fa'aalu mo Galuega Fa'atino	283,598	100%	283,600	2
Fa'atauina o Aseta	7,522	100%	7,522	0
AOFA'I	\$2,056,943	100%	\$2,060,400	\$3,457
1880 - Auaunaga mo Faiga Fa'avae, Fuafuaga ma Su'esu'ega				
Tagata Faigaluega	483,396	95%	510,954	27,558
Tupe fa'aalu mo Galuega Faatino	71,657	82%	87,206	15,549
Fa'atauina o Aseta	5,548	100%	5,548	0
AOFA'I	\$560,601	93%	\$603,708	\$43,107
1890 - Auaunaga mo le Puleaina o Meatotino a le Matāgaluega				
Tagata Faigaluega	376,572	96%	391,687	15,114
Tupe fa'aalu mo Galuega Faatino	1,157,695	100%	1,157,700	5

¹ O le seleni na le fa'aogaina e māfua mai i nisi o oka na fa'aleaogaina e le Matāgaluega o Tupe e pei ona fa'ailoa mai ile latou tali ile tusi talosaga sa tu'uina atu a le Matāgaluega ile mae'a ai le Tausaga Fa'aletupe 2024/2025. O tupe fa'aagaga mai vaegatupe mo totogi a le aufaigaluega sa tu'uina atu lea ile vaega o tupe fa'aalu mo galuega fa'atino ina ia lagolago ai tapenaga mo Su'ega Aoao 2025 ina ua fa'a'iti'itia le pāketi a le Malō ile fa'ai'uga o Iuni 2025.

² O le pāleni o totoe i lalo o le vāega mo le fa'atauina o aseta (30,000) na māfua mai ile oka e le'i mafai ona maua e totogi ai le masini lomitusi a le Vāega o Fa'afoega o Aoga. Na te'ēna e le Matāgaluega o Tupe le talosaga e totogi ma taofia ai le siaki, o lea la na toe fa'afoi mai ai le tupe i lalo o le Galuega Fa'atino 5 mo le Tausaga Fa'aletupe 2024/2025. O le ā totogi e le Matāgaluega le masini lomitusi i le tausaga fa'aletupe 2025/2026 pe ā tatalaina mai e le Matāgaluega o Tupe tupe fa'amatu'u (virements).

	Tūlaga ua iai nei (YTD)	% o Vaegātupe faaogaina	Tupe Fuafuaina	Tupe Totoe
Fa'atauina o Aseta	160,541	100%	160,583	42
AOFA'I	\$1,694,809	99%	\$1,709,970	\$15,161
1900 - Auaunaga mo Faletusi				
Tagata Faigaluega	329,167	108%	305,600	-23,567
Tupe fa'aalu mo Galuega Fa'atino	132,435	94%	140,314	7,879
AOFA'I	\$461,602	104%	\$445,914	\$-15,689
1920 - Auaunaga mo le Atina'eina o le Aganu'u				
Tagata Faigaluega	554,802	95%	586,613	31,811
Tupe fa'aalu mo Galuega Fa'atino	143,216	84%	170,000	26,784
Fa'atauina o Aseta	3,235	100%	3,236	1
AOFA'I	\$701,253	92%	\$759,849	\$58,596
1940 - Auaunaga mo le Lagolagoina o le Itupaepae o A'oa'oga				
Tagata Faigaluega	410,945	98%	419,345	8,400
Tupe fa'aalu mo Galuega Fa'atino	25,927	91%	28,400	2,473
AOFA'I	\$436,872	98%	\$447,745	\$10,873
1991 – Auaunaga mo Tupe				
Tagata Faigaluega	741,123	99%	751,083	9,960
Tupe fa'aalu mo Galuega Fa'atino	380,971	100%	381,019	48
Fa'atauina o Aseta	81,304	100%	81,305	1
AOFA'I	\$1,203,398	99%	\$1,213,407	\$10,009
1992 - Auaunaga mo Fa'amaumauga Fa'atekonolosi ma Feso'otaiga				
Tagata Faigaluega	683,864	99%	689,409	5,545
Tupe fa'aalu mo Galuega Fa'atino	466,221	100%	466,500	279
AOFA'I	\$1,150,085	99%	\$1,155,909	\$5,824
1993 - Auaunaga Lomitusi				
Tagata Faigaluega	293,303	105%	278,549	-14,754

	Tūlaga ua iai nei (YTD)	% o Vaegātupe faaogaina	Tupe Fuafuaina	Tupe Totoe
Tupe fa'aalu mo Galuega Fa'atino	201,29	100%	201,500	210
AOFA'I	\$494,593	103%	\$480,049	\$-14,544

GALUEGA FA'ATINO E TU'UINA ATU I ISI VĀEGA

	Tūlaga ua iai nei (YTD)	% o Vaegatupe Fa'aogaina	Tupe Fuafuaina	Tupe Totoe
A01 - Iunivesitē Aoao ma le Matātā Eseea a Samoa	18,074,138	100%	18,074,138	0
A11 - Pulega o Tusipasi ma Fa'aailoga Taualoa a Samoa	6,600,317	100%	6,600,317	0
A69 - Fesoasoani Tupe a le Malo mo Aoga	17,895,407	99%	18,000,000	104,593
AOFA'I	\$42,569,862	100%	\$42,674,455	\$104,593

GALUEGA E AVEA AI MA SUI O LE MALŌ

	Tūlaga ua iai nei (YTD)	% o Vaegātupe Fa'aogaina	Tupe Fuafuaina	Tupe Totoe
A75 – Fa'alāpotopotoga Tusiata Samoa	-	-	50,000	50,000
D14 - Iunivesitē o le Pasefika i Saute	1,744,332	100%	1,744,332	0
D15 - UNESCO (Ofisa i totonu o le atunu'u)	11,000	100%	11,000	0
D16 - Vāega Tutotonu mo A'oa'oga a Malō Afa'atasi	156,199	100%	156,199	0
D69 - UNESCO (Tupe Fa'aalu i totonu o le atunu'u)	45,574	97%	46,969	1,395
G01 - Fale o le Malō	51,050	100%	51,050	0
Q01 - Lāfoga Totogi (VAGST Output Tax)	458,639	67%	680,745	222,106
Q04 - Polōkalame mo le si'itia o Tōmai ma Agava'a o Faiaoga	1,355,507	90%	1,500,000	144,493
Q34 – Fa'asalalauga mo Aoga	1,358	14%	10,000	8,642
Q51 - Gigiliulaofātuga (National Orchestra)	38,850	97%	40,000	1,150
R32 - Komisi o le Gagana Samoa	478,246	117%	408,848	-69,398
R35 - Pūlega o Fa'amaumauga ma Pepa Aloa'ia a le Malō	601,094	100%	600,782	-312
S21 - Fonotaga Fa'aletausaga mo Faiaoga	99,985	100%	100,000	15

U98 – Fausia o le pā fou mo le Malae o Aganu'u ma Measina a Samoa	-	0%	250,000	250,000
U99 – Inisiua mo fale o le Matāgaluega (Ofisa Tutotonu, Fale Mata'aga, Faletusi ma le Malae o Aganu'u ma Measina a Samoa)	-	0%	508,171	508,171
W17 – Feso'otaiga Fa'atekonolosi mo Aoga	166,419	19%	880,000	713,581
AOFA'I	7,230,024	74%	7,038,096	1,829,842

AOTELEGA

	Tūlaga ua iai nei (YTD)	% o Vaegātupe Fa'aogaina	Tupe Fuafuaina	Tupe Totoe
Galuega Fa'atino a le Matāgaluega	84,142,422	99%	84,753,467	611,044
Galuega Fa'atino e ave'a ai ma Sui o Malo	5,208,254	74%	7,038,096	1,829,842
Galuega Fa'atino e tu'uina mai e isi Vāega	42,569,862	100%	42,674,455	104,593
AOFA'I	131,920,538	98%	134,466,018	2,545,479

AOTELEGA O LE TALA O LE TUPE I ONA VAEGA ESESE

	Tūlaga ua iai nei (YTD)	% o Vaegātupe Fa'aogaina	Tupe Fuafuaina	Tupe Totoe
Fa'atauina o Āseta	344,628	92%	374,675	30,047
Tupe fa'aalu mo Galuega Fa'atino	4,361,723	96%	4,521,065	159,342
Tagata Faigaluega	79,436,072	99%	79,857,727	421,655
AOFA'I	84,142,422	99%	84,753,467	611,044

TUPE MAUA E LEAI NI LĀFOGA TOTOGI

	Tūlaga ua iai nei (YTD)	% o Vaegātupe Fa'aogaina	Tupe Fuafuaina	Eseesega i le Tupe Fuafuaina ma le Tupe maua
1840 – Auaunaga mo le Mata'itūina ma Tapu'eina Tōmai Fa'afaiā'oga	22,250	223%	10,000	12,250
1850 – Auaunaga mo le Fa'afoega o Aoga	16,049	0%	-	16,049

1860 - Auaunaga mo Matā'upu A'oa'oina ma Tusi Aoga	120	29%	420	-300
1870 - Auaunaga mo Fuataga ma Su'ega	827,579	122%	680,560	147,019S
1900 - Auaunaga mo Faletusi	8,093	155%	5,220	2,873
1920 - Auaunaga mo le atina'eina o Aganu'u	121,343	121%	100,000	21,343
AOFA'I	995,434	125%	796,200	199,234

PAKETI LAGOLAGO

Paketi Lagolago	Tūlaga ua iai nei (YTD)	% o Vaegātupe Fa'aogaina	Tupe Fuafuaina	Tupe Totoe
001 - Vāega 1 - OCEO	31,377	47%	66,392	35,015
004 - Vāega 4 - TDAD	81,198	100%	81,200	2
005 - Vāega 5 - SOD	36,991	100%	37,000	9
006 - Vāega 6 - CDMD	347,453	100%	347,451	2
007 - Vāega 7 - AED	51,981	100%	52,000	19
008 - Vāega 8 - PPRD	36,998	100%	37,000	2
009 - Vāega 9 - CSD	127,164	100%	127,200	36
012 - Vāega 12 - CULTURE	23,048	96%	24,000	952
013 - Vāega 13 - MERD	43,571	100%	43,580	9
014 - Vāega 14 - SECTOR	55,164	91%	60,675	5,511
032 - Vāega 32 - SLC	18,130	95%	19,000	870
035 - Vāega 35 - NARA	47,600	100%	47,600	39
092 - Vāega 92 – ICT	48,184	85%	56,900	8,716
Aofa'i	948,859	95%	1,000,000	51,141

VĀEGA 4: ILOILOGA O GALUEGA FA'ATINO

O le aotelega lenei i le fa'agasologa ma ausi'aga mao'a'e o galuega fa'ata'atitia a le Matāgaluega i ona Vāega ta'itasi i lenei Tausaga Fa'aletupe 2024-2025.

Tūlaga na ausia o Fa'ailoilo o Galuega Fa'atino

O le Siata 13 o lo'o i lalo, o lo'o tu'uina atu ai se aotelega o tūlaga ausia o Fa'ailoilo o galuega faatino mo Vāega e 12 i lenei tausaga fa'aletupe.

Siata 13: Aotelega o le ausiaga o Faailoilo o Galuega Faatino

Vāega	Ausia	Ausia se vaega	E le'i ausia	Aofa'iga
Vāega 1: Fautuaga Tau Faiga Fa'avae ile Minisitā	5	3	-	8
Vāega 2: Galuega Lagolago i le Minisitā	2	-	1	3
Vāega 3: Auaunaga Fa'afaiaoga	6	-	-	6
Vāega 4: Auaunaga mo le Fa'aleleia o Tōmai Fa'afaiaoga	11	4	2	17
Vāega 5: Auaunaga mo le Fa'aleleia o Aoga	3	1	1	5
Vāega 6: Auaunaga mo Matā'upu A'oa'oina ma Tusi Aoga	7	2	1	10
Vāega 7: Auaunaga mo Fumataga ma Su'ega	10	2	-	12
Vāega 8: Auaunaga mo Faiga Fa'avae, Fuafuaga ma Su'esu'ega	13	4	-	17
Vāega 9: Auaunaga mo le Pūleaina o Meatōtino	5	-	1	6
Vāega 10: Auaunaga Faletusi	2	-	-	2
Vāega 12: Aganu'u	3	2	1	6
Vāega 14: Auaunaga mo le Lagolagoina o le Itupaepae o A'oa'oga	5	-	-	5
Auaunaga e va'aia Tagata Faigaluega	7	1	2	10
Auaunaga mo Fa'amaumauga Fa'atekonolosi ma Feso'ota'iga	6	4	2	12
Auaunaga tau Tupe	12	-	-	12
Fa'amaumauga taua ma Pepa Aloaia a Samoa	4	3	2	9
Komisi o le Gagana Samoa	3	4	-	7
Aofa'iga	104	30	13	147
%	71%	20%	9%	100%

O lo'o fa'ailoa mai i le siata, mai le 147 o fa'ailoilo atoa na fuafuaina, e 71% ua ausia, 20% ua ausia se vāega ma le 9% o fa'ailoilo e le'i ausia. O lo'o maua fa'amatalaga au'ili'ili o fa'ailoilo ta'itasi i le Pepa Fa'aopoopo 1.

Aotelega o Ausiaga Autū o le Tausaga Fa'aletupe 2024-2025

O lo'o fa'amaioio atu e lenei vāega le aotelega o ausiaga maoa'e na fa'atinoina e le Matāgaluega i lenei tausaga fa'aletupe. O nisi nei o polōkalame ma galuega fa'atino na fa'ataunu'uina manuia ma e telē lo latou sao i le ausiaina o galuega tetele na fa'ata'atitia ma fuafuaina mo le Tausaga Fa'aletupe 2024-2025.

O le fa'afaigaluegaina ma le tufatufaina atu o Faiaoga i Aoga

E 397 le aofa'i o faiaoga na fa'afaigaluegaina pe na toe fa'afaigaluegaina e le Matāgaluega. E aofia ai faiaoga fou e 95 ma faiaoga ua litaea e 302 ua toe galulue e lagolago le tu'uina atu pea o A'oa'oga mo le fanau i totonu o potuaoga. O lenei faiga e fesoasoani e fa'a'iti'itia ai le lē lava o faiaoga ma fa'amautinoa ai le fa'aauuina pea o aoga mo le fānau.

Resitalaina o Faiaoga

E 131 le aofa'i o faiaoga fou na resitalaina ae 220 faiaoga na toe fa'afou a latou resitala. E sefulu ni fonotaga na faia e le Fono Aoao a Faiaoga Samoa e toe iloilo ai le fa'agasologa o le resitalaina o faiaoga, fa'alauiloa polokalame e una'ia ai faiaoga e talosaga mo latou laisene fa'afaiaoga ma talanoaina ai fuafuaga o le avea ai o le Fono Aoao ma pūlega tuto'atasi. O galuega fa'alauiloa e aofia polōkalame i le leitiō, televise, o fa'alauiloa e ala i le Fa'a'ilo Ao ia Oketopa 2024, a'oa'oga mo le resitala e fa'aogaina ai luga o upegatafa'ilagi i le Kolisi o Faleata ma le Aoga Tūlagalua a Vaimoso fa'atasi ai ma asiasiga i aoga mo Savai'i ma Upolu.



Iloiloga o fa'atinoga o Galuega a Faiaoga

E 217 faiaoga o aoga tulagalua ma le 106 faiaoga o aoga maualuluga na fa'atino iloiloga o lātou galuega. Mo faiaoga o aoga tulagalua, e 96% na fa'amauina le pasi o aiaiga o iloiloga, 1% na fa'amauina le tulaga ese o le lelei e tusa ma iloiloga ma le 3% e le'i pasi. Mo faiaoga o aoga Maualuluga, 96% fo'i na fa'amauina le pāsia o aiaiga o iloiloga, 1% na fa'amauina le tūlaga ese ma le 3% e le'i pasi.

Polōkalame Fa'alauiloa e fa'amalosia ma una'ia ai le auai o fanau i a'oa'oga

Na fa'amalosia e le Matāgaluega le fa'alauiloaina o le fa'amalosia o le 'auai o fanau i a'oa'oga e ala atu i fonotaga sa fa'atino a nu'u ma afioaga, asiasiga i aoga ma fa'alauiloa e ala atu i le polōkalame o le Fa'a'ilo Ao. O fa'asalalauga lautele sa fa'atinoina lea e ala i le polōkalame ua ta'ua o le Manu o le Vaveao i luga o alaata o televise (TV1, TV5 ma le NUS TV) na fa'amalosia ma una'ia ai le tāua o le 'auai o fanau i le aoga ma o le matāfaioi tu'ufa'atasi lea ina ia maua e fanau uma avanoa tutusa mo a'oa'oga.

Fonotaga Fa'aletausaga a Faiaoga 2025

O le Fonotaga Aoao Fa'aletausaga a Faiaoga, na faia lea mai le 27 i le 30 Ianuari 2025 ma na auai ai le 1,585 faiaoga ma ta'ita'i o aoga i aso e fā i polōkalame mo le fa'aleleia o tōmai mo faiaoga ma ōmai fa'atasi

ai e soālaupule matā'upu tau aoga ma faiaoga. O le manulauti o le Fonotaga e fa'apea *"E āmata ia a'u a'oa'oga lelei ma 'anoa"* ma o le polōkalame na fa'atino ai nai fa'atalatalanoaga fa'apitoa e fa'amalosia ai faiaoga i le fa'atinoga o a'oa'oga, si'itia o agava'a fa'ata'ita'i ma le ōgatusa o vāega uma tau a'oa'oga. O se tasi o sui na auai, o le Tausala a Samoa, o se tamaita'i faiaoga ma o lona auai ai na fa'alua ai le tūa o faiaoga e ta'imua i tūlaga o ta'ita'iga mo le atunu'u. Na fa'ai'uina le fonotaga i se sauniga lotu fa'afetai i le EFKS i Sogi, e fa'amalosia ai le agaga o le galulue fa'atasi ina ia si'itia ma tulituliloa pea le auga autū o le ausia o tulaga maua o a'oa'oga.



Asiasiga i Aoga mo Polōkalame e si'itia ai le Tōmai o faiaoga

E 53 ni aoga sa fa'atinoina ai asiasiga mo polōkalame e si'itia ai tōmai mo faiaoga (39 aoga tulagalua ma le 14 aoga maua). O nei asiasiga na fa'amalosia ai le tōmai o faiaoga i le nūmera, fa'asaenisi, iloilo o lesa o lo'o fa'atino i matā'upu, fa'aleleia le tūlaga i a'oa'oga mo faiaoga o lo'o fa'atino lava i totonu o aoga, fa'aleleia fa'atinoga o a'oa'oga mo fanau i totonu o potuaoga ma una'ia le galulue fa'atasi i le vā o aoga ma le Matāgaluega.

O le Iloilo o Polōkalame e fa'aleleia ma si'itia ai le Tōmai o faiaoga na fa'amaonia ai e ui lava o le fa'atauaina tele o nei polōkalame, o lona fa'atinoga e lē ōgatasi ma feso'otai lelei ma le fa'aleleia o le faitau, tusitusi ma le numera a fanau aoga. O su'esu'ega na fa'amamafaina ai le taua o fa'atinoga lava i totonu o aoga, lea e fa'asoa ai e faiaoga ta'iala e fa'aleleia atili ai a'oa'oga i totonu o potuaoga. O vāega autū e mo'omia le fa'amalosia e aofia ai le fa'ata'atiaga i le vā o a'oa'oga ao le'i avea ma faiaoga ma a'oa'oga ina ua avea ma faiaoga, fa'aleleia atili le faitau ma le tusitusi ma le fa'alateleina o le lagolago mo a'oa'oga sau'o. O lena iloilo na fa'ailoa ai le naunauta'iga o le Matāgaluega ma le lunivesitē o Samoa e fa'atautaia fa'atalatalanoaga ma fa'amalosia galuega fa'atino ile atina'eina o tōmai fa'afaiaoga.

Mai lena iloilo, na fausia ai se fuafuaga mo galuega fa'atino i lalo o le Fuafuaga fou a le Vāega o A'oa'oga.

Fonotaga mo Avanoa Fa'asikolasipi mo Faiaoga

I le galulue faipa'aga ai ma le lunivesitē Aoa o Samoa, na fa'atinoina ai e le Matāgaluega se fonotaga mo avanoa fa'asikolasipi e lagolago ai i latou e le'i avea ma faiaoga fa'atasi ma i latou ua galulue fa'afaiaoga.

- I le aso 30 Setema 2024, e 35 faiaoga mai le Kuata 1 e tusa ma le 60-65% sa auai mo aoga aua le fa'alateleina o le tōmai fa'afaiaoga.
- I le aso 28 Novema 2024, na auai ai ni sui mai le NUS, NCECE ma le MEC e toe iloilo le tūlaga o lo'o iai a'oa'oga a latou i le vaega o aoga amata o lo'o fa'atupeina e silia ma le 3 tausaga ma fausia ni auala e fa'aleleia ai le polōkalame mo Aoga Amata.
- I le aso 18 Fepuari 2025, e toaono i latou o lo'o ave a latou fa'ailoga tipiloma mo Aoga Amata na auai mo asiasiga sa fa'atinoina muamua ae le'i faia le fonotaga tu'u fa'atasi i le aso 21 Mati 2025 ma sa auai ai le 76 o i latou e le'i avea ma faiaoga fa'atasi ma i latou ua galulue fa'afaiaoga.



Polōkalame mo avanoa sikolasipi ma fa'alauiloa mo le galuega Faafaiaoga

O lo'o una'ia e le Matāgaluega le galuega fa'afaiaoga e ala atu i le fa'atinoina o le tele o fa'alauiloa.

- Na fa'atinoina i le aso 27 Aukuso 2024 i Savai'i le Polōkalame fa'alauiloa mo le galuega fa'afaiaoga ma na auai ai fanau o le Tausaga 12 ma 13 ma e 200 fanau aoga ma faiaoga na auai ai mai Kolisi e iva.
- O le asiasiga fa'alauiloa mo Fa'aailoga Mauaululuga mo faiaoga, na faia mai le aso 24-28 Me 2025 ma sa asia ai le 39 o Aoga Amata, na auai ai faiaoga, o i latou o lo'o galulue fesoasoani fa'atasi ai ma alagā'oa sa tu'uina atu i le nofoaga autā mo Aoga Amata i Sogi.



Tūlaga ausia e fanau o lo'o faatupeina e le Matāgaluega a latou a'oa'oga

Na fa'amauiina le lelei o le taumafai a i latou o lo'o fa'atupeina e le Matagāluega a latou a'oa'oga, e tusa ma le 71% na ausia le 60 pe sili atu pasene fa'atulagaina i le Kuata 1 2024 ma le 79% i le Kuata 2 2024. O nei tūlaga ausia i a'oa'oga o lo'o fa'amaonia ai le tāua o le polōkalame fa'asikolasipi i le lagolagoina o taunu'uga tau a'oa'oga mo fanau.

A'oa'oga Sauo'o

Na fa'amalosia le tūlaga i a'oa'oga sau'o e tauala atu i a'oa'oga mo faiaoga ma faiaoga fesoasoani, ma le fa'atalatalanoaina o faiga fa'avae.

- Mai le aso 22-26 Iulai 2025, e 26 faiaoga ma le 12 faiaoga fesoasoani sa fa'amae'aina le Vāega 2 o le Polōkalame mo le Lagolagoina o A'oa'oga Sauo'o e ala lea i se faiga pa'aga ma le Iunivesitē o Newcastle.
- Mai le aso 4-6 Fepuari 2025, e 287 faiaoga ma le 70 faiaoga fesoasoani na auai i a'oa'oga fa'atino mo Aoga amata e aofia ai a'oa'oga mo le gagana faitaga.
- Sa fa'atinoina le Vāega 3 mai le aso 14-17 Aperila 2025 ma e 40 i latou na auai ai, ma o Iulai ua fuafua e fa'atino ai le Vāega 4.

- Sa fa'atinoina fa'atalatalanoaga mo Aoga Sauo'o ia Me 2025 ma na auai ai sui mai le Ofisa o le Malō, faiaoga ma pa'aga ma o lenei fa'atalatalanoaga na lagolagoina e le UNICEF ma le konesale ia Dr. Sally Baker.



E 787 sui auai i **Polōkalame mo A'oa'oga Sauo'o** sa fa'atinoina i Upolu ma Savai'i ia Me 2025, na fa'alauiloa ma una'ia ai auaunaga fesoasoani mo fanau aoga e iai manaoga fa'apitoa ma sa faatupeina nei fa'alauiloa e le Polōkalame a le Tautua.



Polōkalame mo le fa'aleleia o le Tusitusi, Faitautusi, Matematika ma le Saienisi 2024

Na fa'atinoina le Polōkalame mo le fa'aleleia o le tusitusi, faitautusi, matematika ma le fa'asaienisi ia Iulai 2024 e tauala i le autū e fa'apea "O le Aiga e fa'afaleleina le Ola". E 211 le aofa'i o aoga (98.1%) na auai mai le 215 o aoga uma.

Alagā'oa mo A'oa'oga

Na fausiaina e le Vāega o Matā'upu A'oa'oina ma Tusi Aoga ni alagā'oa e 122 mo vāega uma. O a'oa'oga mo le fa'aogaina o nei alagā'oa sa fa'atinoina ma o'o atu i faiaoga e 1,403 ia Fepuari 2025, fa'atasi ai ma isi a'oa'oga na fa'atinoina ia Aperila 2025 na auai ai faiaoga e 454 mai Itumalō o Faleata ma Vaimauga.

Polōkalame Lagolago mo Aoga e fa'aletonu l'uga o Su'ega

- Na fa'atinoina ni polōkalame fa'alauiloa i Kolisi e 15 (11 i Savai'i ma le 4 i Upolu) e fitoitonu mo le Tausaga 9 ma le 10 ma na ausia ai le 3,039 o fanau aoga ma le 156 faiaoga na auai ai.
- Na faatinoina foi a'oa'oga o le polōketi ua ta'ua o le Folauga phonics ia Mati 2025 mo Itumalō e lima: Aleipata, Lotofaga, Falealili, Savai'i Sisifo ma Asau.



O le a'oa'oga e tauala i le polōketi o le **Applied Scholastics International** na auai ai le aufaigaluega a le Matāgaluega e to'asefulu i Missouri. Na fa'aauauina nei a'oa'oga ma ta'ua ai le polōkalame o le "So'ofau" ina ia fa'amalosia ai le fa'atinoina o su'esu'ega fa'atekonolosi i totonu o aoga.



O alagā'oa mo **Aoga Amata** na tu'uina atu i aoga filifilia e 11 i Upolu ma Savai'i i le aso 14 Novema 2024 e fesoasoani mo a'oa'oga a le fanau e lē gata o totonu o potuaoga ma galuega fa'atino i fafo o le potuaoga, ma sa fa'atupeina lea e le Polōkalame a le Tautua. Sa fa'asalalauina foi polōkalame fa'alauiloa mo le tusitusi ma le faitau tusi i luga o le upega tafa'ilagi a le Matāgaluega, itulau o le Facebook ma alaata televise, o se vāega o le polōkalame fa'alauiloa a le Manu o le Vaveao.



O le **A'oa'oga mo le fausiaina o alagā'oa mo su'esu'ega** na faia ia Aperila 2025 ma e 65 faiaoga sa auai ma sa ta'ita'ia e le aufaigaluega mai le lunivesitē Aoao o Samoa. Sa toe fa'atino lea o asiasiga ina ua mae'a lenei a'oa'oga e su'esu'e ai le fa'aogaina o ta'iala ma metotia na maua mai i le a'oa'oga mo lesona ma matā'upu a'oa'oina i totonu o potuaoga ma o lenei polōkalame na fa'atupeina e le Polōkalame a le Tautua.



O le Polōkalame tau a'oa'oga o le siosiomaga ua ta'ua o le **Guardians Environmental** na a'oa'oina ai faiaoga ma fanau aoga e 305 mai aoga e 20 e uiga i le si'osi'omaga ma galuega o lo'o fa'atino e nu'u ma afioaga, i le faiga fa'apa'aga ma le Conservation International, MNRE, MAF ma le Samoa Voyaging Society.



O **Fuafuaga mo Fa'alavelave Fa'afuase'i** na fa'atinoina lea mo aoga e 17 e fa'amauina le maua luga o le avanoa e a'afia ai i fa'alavelave ma e 7 i nu'u i tua, 10 i le taulaga, tasi le Aoga Amata ma le nofoaga tutotonu i se tasi o nu'u. O nei fuafuaga na fa'avae i luga o su'esu'ega sa fa'atinoina tau tulaga lamatia ma na faia lea e le Ofisa o Fa'alavelave Fa'afuas'ei fa'atasi ma le Matāgaluega o Aoga ma Aganu'u ma sa lagolagoina lenei galuega fa'atino e le Polōkalame a le Tautua.

Sa faia a'oa'oga ma fa'ata'ita'iga mo faiaoga, fanau aoga ma mātua. Mo le tele o aoga, o le latou taimi muamua lea ua faia ai ni fa'ata'ita'iga mo fa'alavelave fa'afuase'i. E 74 foi faiaoga ma asiasi aoga (72 tamaita'i ma le 25 ali'i) na auai ma fa'amaonia i le a'oa'oga mo le fesoasoani muamua a le Vāega o le Koluse Mūmū a Samoa.

I le taimi o se tasi o fa'ata'ita'iga mo fa'alavelave e a'afia ai i le afi, na fa'asoa ai le peresetene o se tasi o Komiti Aoga e fa'apea:

O lenei aso ua ou iloa ai e tataua ona auai uma lo matou nu'u i ni fa'ata'ita'iga mo fa'alavelave e a'afia ai i le afi i le lumanai. O aiga e lata ane i le aoga e mafai ona fesoasoani i faiaoga e ave'ese mai fanau aoga ma ave i o latou fale auā e sili atu le saogalemū nai lo totonu lava o le aoga.

O lo'o fa'aalia mai ai le tāua o le aofia ai o nu'u ma afioga atoa ia mautinoa le saogalemū o aoga. O lo'o fuafua le Matāgaluega ma le DMO e fa'aauau pea lenei galuega ma nisi aoga ina ia mautinoa ua lava tapena ma sauni tagata uma mo taimi o fa'alavelave fa'afuase'i.



Na tatalaina aloaia **Faiga faavae e 5 a le Matagaluega** (Aoga Amata, Faitau ma le tusitusi, Numera, Saienisi ma Suega) i le aso 8 o Novema 2024 ma na aofia ai foi ma faalauiloa mo nei faiga faavae e ala i fonotaga ma faiaoga, aoaoga sa faatinoina i Itumalo aemaise ai ma faalauiloa i ala o faasalalauga ina ia mafai ona maua ma oo atu i tagata lautele.



Fausiaina ma le Iloiloina o Faiga Fa'avae

O le Faiga Fa'avae o le fa'aogaina o Gagana e lua (Bilingual) na fa'amaonia e le Komiti Aoao mo Faiga Fa'avae i le aso 7 o Mati 2025 ma o le taimi nei o lo'o faagasolo le fa'aliliuina i le Gagana Samoa. E fitu isi faiga fa'avae na toe iloiloina ma fa'atalanoaina ia Aperila 2025 ma ua fuafua le fa'amae'aina i le Tausaga Fa'aletupe 2025/26.



Lōmiga Fa'aleaganu'u

O le potu o fa'aaliga mo le Samoa Ne'i Galo Lōmiga 11, na tatalaina ma fa'alauiloa i le aso 28 Novema 2024 ma sa fa'aalia ai fa'amaumauga mai afioaga e 14 mai Upolu ma Savai'i, o se auala e fa'asaoina ai measina fa'asamoa e tauala lea i fa'aaliga ma fa'asalalauga.



E lima iloilogā a vāega mo le Samoa Ne'i Galo Lōmiga 12 na fa'atinoina mai le aso 24-28 Fepuari 2025, o galuega fa'aauau o le taumafaiga e fa'asaoina o le aganu'u ma tala tu'ugutu a Samoa. O isi lōmiga tāua sa fa'atinoina e aofia ai tusi faitau fa'asamoa mo Aoga Tulagalua, Tusi Alagā'upu ma le Tusi Fātuga na fa'amae'aina ma tu'uina atu i le afioga le Ofisa Sili o Pūlega mo se fa'amaoniga.

O le **Fa'afiafiaga o le Samoa Ne'i Galo a Aoga 2025** na fa'ataunu'uina lea i le aso 14 Mati 2025 ma e valu Kolisi mai Aoga a le Malō ma Aoga a Ekalesia sa auai ai. O le fa'amoemoe autū o lenei fa'afiafiaga ina ia toe fa'aolaola ma fa'amanatu ai le aganu'u a Samoa, e fa'atupuina ai le agaga fiafia o fanau aoga i le aganau ma lona fa'aauauina mo tupulaga o le lumana'i.



Gigiliulaofātuga a Samoa

E 12 le aofa'i o fa'afiafiaga a le Gigiliulaofātuga na fa'atinoina i lenei tausaga fa'aletupe ma sa fa'aalia ai le tele o fa'afiafiaga eseese e aofia ai musika masani, musika fa'asalamausau ma pese fa'aleaganu'u a Samoa.

Fa'aaliga i le Falemata'aga

Na fa'alauiloa e le Falemata'aga se fa'aaliga tele ua ta'ua o *Fa'afitauli i le Pasefika: Suiga o le Tau* i le aso 21 Oketopa 2024 i le galulue fa'atasi ai lea ma le Konesula a Peretānia ma faiga pa'aga ma atunu'u o le Pasefika. Na fa'amamafaina i lenei fa'aaliga lu'itau o le si'osi'omaga ma suiga o le tau o lo'o feagai ma atunu'u o le Pasefika ma o lenei fa'aaliga sa molimauina ma tōsina ai le to'atele o tagata lautele.

Fa'atalatalanoaga i le Falemata'aga

Sa talimalō le Falemata'aga i nai fa'atalatalanoaga na fa'atinoina e aofia ai le *The Legacy of Otto Tetens* na saunia e le tusitala o talafa'asolopito o Tony Brunt i le aso 19 o Setema 2024 ma le *From Samoa with Love?* na saunia e Dr. Hilke Thode-Arora i le aso 14 o Novema 2024. Sa galulue fa'atasi ai le Matāgaluega ma le lunivesitē Aoao a Samoa, Amepasa o Siāmani ma le fa'alāpotopotoga a le Goethe Institute.

Fa'amanatuina o le Aso Fa'avaomalō o Falemata'aga 2025

Sa galulue fa'atasi le Falemata'aga a Samoa ma ana pa'aga o le Lagi-Maama Academy ma le Fauautua Niu Sila ma le lagolago a le Matāgaluega o le Vā i Fafo ma Fefa'atauaiga a Niu Sila e fa'amanatuina le Aso

Fa'avaomalō o Falemata'aga i le aso 18 Me 2025 i le Malae o Aganu'u i Malifa. O le autū filifilia o lea aso fa'avaomalō e fa'apea "The Future of Museums in Rapidly Changing Communities."



Maimoaga i le Falemata'aga ma Tagata Asiasi

E 39 le aofa'i o asiasiga a aiga na fa'atinoina e le Falemata'aga, 8 asiasiga a vāega, 4 asiasiga a aoga ma le 3 asiasiga fa'apitoa ma e 2,164 le aofa'i atoa o tagata asiasi na auai ai e aofia ai ma tagata ofisa a le Malō, sui o Malō Fa'avaomalō ma turisi o va'a meli mai atunu'u i fafo.

Iloiloga o le Lipoti Fa'aletausaga a le Vāega o A'oa'oga 2023-2024

O le ata tu'ufaatasi muamua o lenei lipoti na fa'amaonia e le Komiti Fauautua ia Aperila 2025, soso'o ai lea ma fa'atalatalanoaga sa fa'atino i Upolu ma Savai'i. O le fa'amaoniga mulimuli na tu'uina mai e le Komiti Fauautua i le aso 19 Iuni 2025, e fa'amalosia ai le faia o fa'aiuga e fa'atatau i fa'amaoniga mo fuafuaga a le Vāega o A'oa'oga.



Galuega Fa'atino tau Fa'atekonolosi

E lua sefulu iva le aofa'i o aoga na mafai ona maua feso'ota'iga fa'atekonolosi e ala i le Starlink po'o le fiber ao le 58 aoga na fa'aogaina masini o 4G routers. Sa tapenaina foi masini fa'atekonolosi mo a'oa'oga ma tufatufaina atu i tua i aoga e pei ona sa fuafuaina e fa'asoa atu ai. Na a'oa'oina fo'i faiaoga filifilia o lo'o iai le tomali fa'atekonolosi e tu'uina atu le lagolago fa'apitoa mo latou lava aoga ina ia mautinoa le fa'aogaina lelei o alagā'oa fa'atekonolosi mo a'oa'oga.

A'oa'oga mo le Teumaluina o Fa'amaumauga Tāua

Na fa'atinoina e le Vāega Fa'amaumauga ma Pepa Aloa'ia a Samoa ni a'oa'oga toe fa'amanatu se tolu ma ni polōkalame fa'aleaoaoga e uiga i le tausiga ma le teumaluina lelei o fa'amaumauga, iloiloga ma le fa'amauina o fa'amaumauga ua taulimaina mai i Matāgaluega eseese a le Malō.

Vaiaso Fa'avaomalō o Fa'amaumauga Tāua ma Faletusi 2025

Na fa'amanatuina le Vaiaso Fa'avaomalō mo Fa'amaumauga Tāua ma Pepa Aloa'ia ma Faletusi mai le aso 9-13 o Iuni 2025 ma na aofia ai aoga tulagalua e 10 ma e silia ma le 100 fanau aoga mai Upolu ma Savai'i

na auai ai. Na aofia fo’i i le polōkalame le tele o fa’alauiloa, a’oa’oga mo le teumaluina ma le malupuipua o fa’amaumauga fa’atasi ai ma fa’aaliga tau fa’amaumauga tāua ma pepa aloa’ia.



Polōkalame a le Faletusi

E 90 le aofa’i o polōkalame mo le faitau ma le tusitusi na ofoina atu e le Faletusi mo le 2,719 tagata na auai fa’atasi ai ma polōkalame autū e fitu mo fanau aoga e 221. E silia ma le 200 fanau aoga na tu’uina atu ai le lagolago o vasega fa’apitoa i matā’upu o le Igilisi, Matematika, Economics ma le Gagana Samoa, a’o asiasiga mai aoga na aofia ai le 377 fanau aoga. E 1,167 le aofa’iga o tusi fou ma tusi na fo’ai fa’ameaalofa ma ua mae’a fa’atulagaina mo le fa’aogaina e tagata lautele.

Tusi Fa’atonu’upu o le Gagana Samoa



Na tatalaina ma fa’alauiloa aloa’ia le Tusi Fa’atonu’upu mo le Gagana Samoa i Samoa i le aso 5 o Iulai 2024 ma i Amerika Samoa i le aso 11 o Iulai 2024. O le ulu’ai tusi Fa’atonu’upu lenei a Samoa ma o lo’o iai le silia ma le 27,000 upu. O se alagā’oa tāua tele mo le fa’asaina, fa’atulagaina lelei ma le fa’alauiloaina o le gagana ma le aganu’u a Samoa.

Galuega Fa’aliliu a le Komisi o le Gagana Samoa

Ua fa’ama’uina le alualu i luma o galuega fa’atino a le Komisi o le Gagana Samoa e ala i lana Fa’atonu’upu ma le fa’amamafa i galuega fa’aliliu o se vāega taua i le fa’alauiloaina ma le fa’amalosia o le fa’aogaina o le Gagana Samoa i pepa aloa’ia ma lōmiga.

I lenei tausaga fa’alelupe, na fa’afaigaluegaina ai e le Komisi o le Gagana Samoa le fa’aliliu upu e to’atasi ma o loo fa’agasolo pea le filifiliaina o le isi fa’aliliu upu e fesoasoani i le fa’alauiloaina o le galuega fa’aliliu.

O taunu’uga tetele ua ausia i galuega fa’aliliu e aofia ai le fa’aliliuga o faiga fa’avae, lipoti ma lōmiga i le Gagana Samoa e pei o:

- ✓ Lua tala pupu’u mo WAKA Publications (Fiti)
- ✓ Ta’iala a le Pūlega o Fa’aailoga ma Tusipasi Taualoa a Samoa (SQA)
- ✓ Faiga Fa’avae mo le Teumaluina o Fa’amaumauga Tāua ma Pepa aloa’ia
- ✓ Faiga Fa’avae mo le Saogalemū i A’oga
- ✓ Tusi mo le Polōketi o le PIU
- ✓ Lipoti Fa’aletausaga a le Ofisa o le Lōia Sili

✓ Fuafuaga Autasi a le Matāgaluega o Aoga ma Aganu’u 2025–2028

E lē gata i lea, o lo’o tu’uina atu fo’i le fesoasoani a le Komisi o le Gagana Samoa mo le fa’aliliuga ma le siakiina o lōmiga ma lipoti a le Vāega o A’oa’oga e aofia ai le su’esu’ega a le ACER ma le toe iloiloga o le Fuafuaga a le Vaega o A’oa’oga 2025-2030 e pei ona mā’ea ona fa’aliliu muamua e se tasi o vāega i fafo atu o le Vāega o A’oa’oga.

Vaiaso o le Gagana ma Aganu’u Samoa 2025

Na fa’atautaia e le Matāgaluega le Vaiaso o le Gagana Samoa ma le Aganu’u ia Mati 2025 i le autu “Ola i le Gagana ma le Aganu’u.” Na tatala aloa’ia lea fa’amoemoe i le Kolisi o Asau i Savai’i ma sa fa’aalia ai le auai o nu’u ma afioaga, fa’atalatalanoaga i luga o televise ma leitiō fa’apea ma le fa’asoa ma aoga ma sui o nu’u.



Fesoasoani Tupe a le Malō

Na faamatu’u atu e le Matāgaluega le 98% o le Fesoasoani Tupe a le Malō i aoga e 335 ia Mati 2025. O lenei fa’atinoga ia mautinoa ai le tu’uina atu o le lagolago ma le fesoasoani tupe i le taimi tataua e tusa ma mana’oga mo’omia a aoga, e fa’amalosia ai le fa’aleleia ma le lagolago mo a’oa’oga tutusa ma lelei mo Samoa atoa.

O le iloiloga o le Fesoasoani Tupe a le Malō na faamae’aina ia Setema 2024 ma sa lagolagoina lenei galuega e le polōkalame a le Tautua ma le Tautai i le galulue faatasi ai ma le Matāgaluega o Aoga ma Aganu’u. O fa’aiuga o lenei iloiloga na fa’amamafaina ai o le Fesoasoani Tupe a le Malō, o lo’o faaalia ai le lagolago malosi a le nu’u ma le Malō, fa’atasi ai ma pa’aga o lo’o lagolagoina le fa’aauauina o lenei fesoasoani ona o lo’o mafai ona maua ai fa’amatalaga tāua mo le fa’aleleia o le tūlaga tau i matā’upu a’oa’oina, fuafuaga mo aoga ma le fa’aleleia atili o a’oa’oga ma ta’ita’iga i totonu o aoga. E fa’amalosia ai aoga e ala i le tu’uina atu o tiute tauave tau pūlega ma le fa’aleleia atili o le tali atu i vāega uma e fesiligia ai. Ae peita’i, o lo’o iai fo’i vāega o lo’o lape ai le fa’atinoina o lenei fesoasoani tupe i le mata’itūina, iloiloga ma le va’ava’aia o tupe, leai se ta’iala ma le ōgatasi le mata’itūina ma le iloiloina, o le tūlaga i lipoti ma le lē lava o le afaigaluega e fa’amaopopoina fa’amatagalaga tau tupe. O vāega o lo’o lape ai e aofia ai le leai o ni ta’iala mo fuafuaga alualu mamao, fa’amaumauga fa’avae o fa’aילוilo o galuega fa’atino ma le aofia ai o mataupu tau GEDSI fa’apea fo’i ma le faiga tutusa o lo’o iai le fa’asoina o le fesoasoani tupe e le’o mafai ona fa’amalieina ai mana’oga eseese a aoga. E lē gata i lea, o lenei fesoasoani tupe o le ā si’itia ai le fa’alagolago i tupe a le Malō ma ono vaivai ai lagolago masani a nu’u ma ekalesia mo aoga.



E ono (6) polōketi o faleaoga fou na mae’a ma tatalaina aloa’ia e aofia ai faleaoga fou e lua ma faletele fou e fa i Manono Uta, Vaigaga, Samatau, Faleapuna, Si’ufaga Falelātai ma Luatuanu’u.



VĀEGA 5: FUAINUMERA FA’AMAUINA MO AOGA

O le vāega lenei o lo’o fa’ailoa ai fa’amaumauga talafeagai ma fuainumera a le Matāgaluega o Aoga ma Aganu’u mai ia Iulai 2024 seia o’o mai ia Iuni 2025.

Aoga


E na’o le lua a’oga ua fa’amauina ua tāpunia i totonu o lenei tausaga fa’aletupe ma ua fa’a’iti’itia ai aoga ua resitala i le 217 i le aso 30 o Iuni 2025. O a’oga uma ua resitala e aofia ai le 167 o a’oga a le Malō (76%), 38 o a’oga a le Lotu (18%) ma le 14 o a’oga Tuma’oti (6%). O le siata 14 ma le ata 13 o lo’o fa’ailoa mai ai le vaeveaga o le aofa’i o a’oga a itulagi ma pūlega fa’atonutonu.

Siata 14: Aofai o Aoga i Itumalo ma Pulega Faatonutonu

Aoga	Nofoaga tū taulaga i Apia	Isi vāega o Upolu	Savai’i	Aofa’i
Aofa’i	55	95	67	217
AOGA A LE MALŌ				
Aoga Tulagalua	22	74	48	144
Aoga Mauaaluluga	5	10	8	23
Aofa’i	27	84	56	167
AOGA A LE LOTU				
Aoga Tulagalua	9	7	7	23
Aoga Mauaaluluga	7	4	4	15
Aofa’i	16	11	11	38
AOGA TUMA’OTI				
Aoga Tulagalua	9	0	0	9
Aoga Mauaaluluga	3	0	0	3
Aofa’i	12	0	0	12

Punaoa: Lipoti Fa’afuainumera a le Matāgaluega 2025

Ata 13: Pasene o Aoga ua resitalaina e Pulega Faatonutonu



Aofa'i o fanau aoga

I le lua tausaga talu ai, o le aofa'i o fanau a'oga tulagalua o lo'o tūmau pea mo vasega uma ma ua si'itia la'ititi i lenei tausaga 2025 i lona aotelega pe ā fa'atusatusa i le tausaga 2024.

E tusa ai ma fa'amaumauga o a'oga mauualuluga, o lo'o fa'aauau pea ona si'itia fuainumera i le aofa'i o fānau o lo'o resitala se'i vaganā ai le fa'a'iti'itia o le faitau aofa'i o fānau i le 8 pasene o lo'o resitala i le Tausaga 12. Peita'i, o le aofa'i atoa o tamaiti aoga i aoga mauualuluga ua fa'amauina le pa'ū mauualalo lava.

Siata 15: Aofai o fanau aoga i Vasega ta'itasi


Vasega	2024	%	2025	%
Tausaga 1	6198	14%	5973	13%
Tausaga 2	6044	13%	5756	13%
Tausaga 3	5552	12%	5805	13%
Tausaga 4	5774	13%	5497	12%
Tausaga 5	5761	13%	5683	13%
Tausaga 6	5635	12%	5575	12%
Tausaga 7	5558	12%	5442	12%
Tausaga 8	5357	12%	5439	12%
Aofa'i (Aoga Tulagalua)	45879	100%	45170	100%
Tausaga 9	4595	27%	4906	32%
Tausaga 10	4171	25%	4184	27%
Tausaga 11	3583	21%	3369	22%
Tausaga 12	4650	27%	2887	19%
Aofa'i (Kolisi)	16999	100%	15346	100%

Punaoa: Lipoti Fa'afuainumera a le Matāgaluega 2025


I le tulaga o itūlagi, o nofoaga tū taulaga i Apia ma isi vāega uma o Upolu e sili ona to'atele le aofa'i o tamaiti o lo'o resitala i vasega uma, pe ā ma le 40 pasene pe ā fa'atusatusa i Savai'i i aoga tulagalua.

Mo Aoga Mauualuluga, o nofoaga tū taulaga i Apia e maualuga le pasene o tamaiti ua resitala i vasega uma, e sili atu i le 40 pasene se'i vaganā ai le Tausaga 12 lea e sili atu le 50 pasene i le 2025.

Ata 14: Pasene o fanau aoga e vaevaeina i Vasega ma Itulagi mo Aoga Tulagalua



Ata 15: Pasene o fanau aoga e vaevaeina i Vasega ma Itulagi mo Aoga Mauaululuga



Siata 16: Aofai o tamaiti aoga i Itupa ma Pulega Faatonutonu

Aoga	Itupā	2024				2025			
		Malō	Lotu	Tuma’oti	Aofa’i	Malō	Lotu	Tuma’oti	Aofa’i
Aoga Tulagalua	Ali’i	18821	3748	1363	23932	18568	3606	1354	23528
	Tamaita’i	17238	3375	1334	21947	16953	3329	1360	21642
	Aofa’i	36059	7123	2697	45879	35521	6935	2714	45170

Kolisi	Ali'i	4864	2720	226	7810	4403	2506	221	7130
	Tamaita'i	5501	3430	258	9189	4827	3136	253	8216
	Aofa'i	10365	6150	484	16999	9230	5642	474	15346
Aofai	Ali'i	23685	6468	1589	31742	22971	6112	1575	30658
	Tamaita'i	22739	6805	1592	31136	21780	6465	1613	29858
	Aofa'i	46424	13273	3181	62878	44751	12577	3188	60516

Punaoa: Lipoti Fa'afuainumera a le Matāgaluega 2025

O le Siata 16 o lo'o tu'uina mai ai le fa'avasegaina o le aofa'i o tamaiti a'oga i le itupā, e faailoa mai ai le to'atele o ali'i o lo'o resitala i Aoga Tulagalua pe ā fa'atusatusa i Aoga Mauaululuga.

I lenei tausaga 2025, ua maitauina le fa'a'iti'itia o le aofai o ali'i ma tamaita'i e resitala i Aoga Tulagalua ma Aoga Mauaululuga pe ā fa'atusatusa i le tausaga 2024.

Mo Pūlega Fa'atonutonu e tolu, o le to'atele o tamaiti aoga o lo'o resitala i Aoga a le Malō ma e alagātatau ma onomea lea ona o le tele o Aoga Tulagalua ma Aoga Mauaululuga e pūlea e le Malō.


O le tūlaga i le vaevaeina o Aoga i Itūlagi, o le to'atele o tamaiti Aoga Tulagalua o lo'o resitala i aoga o lo'o i isi vāega o Upolu. Mo Aoga Mauaululuga, o lo'o toatele fānau e resitala i aoga i nofoaga tū taulaga i Apia e pei ona fa'ailoa i le Siata 17 ma le Ata 16.

Siata 17: Aofai o tamaiti aoga i Itulagi 2025

Itūlagi	Aoga Tulagalua			Aoga Mauaululuga		
	Ali'i	Tamaita'i	Aofa'i	Ali'i	Tamaita'i	Aofa'i
Nofoaga tū taulaga i Apia	8727	8197	16924	2963	3725	6688
Isi vaega o Upolu	9286	8364	17650	2464	2688	5152
Savai'i	5515	5081	10596	1703	1803	3506
Aofa'i	23528	21642	45170	7130	8216	15346

Punaoa: Lipoti Fa'afuainumera a le Matāgaluega 2025

Ata 16: Aofai o tamaiti aoga i Itulagi 2025



Faiaoga

O le siata 18 o lo'o fa'ailoa mai ai o le pasene o faiaoga o lo'o fa'afaigaluegaina i A'oga a le Malō, A'oga a le Lotu ma A'oga Tuma'oti ua fa'a'iti'itia pe ā fa'atusatusa i le tausaga 2024. Peita'i, o lo'o va'aia le si'itia la'itiiti o le pasene o le faitau aofa'i o faiaoga tamaita'i o lo'o faigaluega i A'oga a le Malō ma A'oga a Lotu i le tausaga 2025.

O lo'o fa'aauau pea fuafuaga ma auala eseese a le Matāgaluega e una'ia ai fanau aoga ma tagata lautele ina ia filifili le fa'afaiaoga e avea ma ā latou galuega e sili ona fiafia ma tūmau ai i lenei galuega pe ā fa'afaigaluegaina ai. O le aufaigaluega fa'afaiaoga o lo'o to'atele i faiaoga tamaita'i i Pūlega Fa'atonutonu uma e tolu (A'oga a le Malō, A'oga a le Lotu ma A'oga Tuma'oti). O lo'o fa'atumauiina pea le maua o le aofa'i o faiaoga e galulue i A'oga a le Malō.

Siata 18: Aofai o faiaoga o loo galulue i lalo o Pulega Faatonutonu o Aoga

Aoga	Itupā	2024	Pasene	2025	Pasene
A'oga a le Malō	Ali'i	451	26%	412	24%
	Tamaita'i	1290	74%	1323	76%
	Aofa'i	1741	100%	1735	100%
A'oga a le Lotu	Ali'i	239	37%	178	28%
	Tamaita'i	404	63%	453	72%
	Aofa'i	643	100%	631	100%
A'oga Tuma'oti	Ali'i	52	28%	34	20%
	Tamaita'i	133	72%	133	80%
	Aofa'i	185	100%	167	100%
Aofa'i	Ali'i	742	29%	624	25%
	Tamaita'i	1827	71%	1909	75%
	Aofa'i	2569	100%	2533	100%

Punaoa: Lipoti Fa'afuainumera a le Matāgaluega 2025

VĀEGA 6: POLŌKALAME ATINA'E/POLŌKETI

POLŌKALAME ATINA'E A LE MATĀGALUEGA O AOGA MA AGANU'U MAI IA IULAI 2024 – IUNI 2025

Igoa o le Polōketi	Tūlaga ua iai
Malae o Aganu'u ma Measina a Samoa	Ua mae'a lenei galuega, se'i vaganā ai le pā o lo'o fa'atino pea fa'atalatalanoaga ma le Matāgaluega o Tupe. O lo'o iloiloaina nei e le Komiti o Iloiloga le toe tauofo o le galuega mo le pā ma e aofia i lenei Komiti le Matāgaluega o Tupe, Ofisa o le Loia Sili ma le Matāgaluega e va'aia Galuega Tetele a le Malō.
A'oa'oga mo le Olaga a le Aiga	O lo'o fa'aauau pea polōkalame mo a'oa'oga o le FLE mo aoga, e ui i le tuai ai ona maua o tusi fa'amaonia. O le Matāgaluega o Aoga ma Aganu'u ma le UNFPA o lo'o fa'atautaia le toe iloiloga, asiasiga i aoga e valu, 3 Kolisi, 4 Aoga Tulagalua ma le Aoga Fa'apitoa e 1 mo fānau e iai manaoga fa'apitoa. O le fa'amoemoe autū o le su'esu'eina lea pe fa'apefea ona tu'uina atu matā'upu a le FLE i totonu o potua'oga. O nei asiasiga na maua ai ni fa'amatalaga tāua i le fa'atinoga o polōkalame o le FLE. Na manino mai e le'o a'oa'oina le FLE o se matā'upu tu'uto'atasi, ae ua tu'u fa'atasia i totonu o matā'upu aemaise lava le HPE ma le Social Studies. O matā'upu ia e fa'aogaina e fa'atalanoa ai tōmai o le olaga, atina'e o le tagata lava ia, tutusa o tama'ita'i, mafutaga ma isi vāega o le FLE. O lenei polōkalame sa atagia ai tofā fetu'utu'una'i ma tapula'a o lo'o iai polōkalame o a'oa'oga ma fa'ailo ai foi mana'oga mo le fa'atulagana o ta'iala ma le atina'ega o tōmai e lagolaogusa ai i faiaoga mo le a'oa'oina o le FLE. Sa fa'apea fo'i ona ave le fa'amamafa o le ta'ua o le amana'ia o lona fa'atulafonoina ma tu'u fa'atasia le FLE i polōkalame o a'oa'oga ina ia ōgatusa ma loloto lona fa'atautaiga i aoga uma. E fitu aoga na auai i lea iloiloga ma e lima i le motu o Upolu ae lua i Savai'i. O nei asiasiga na maua ai se va'aiga lautele o le fa'atinoga o le FLE i tūlaga eseese o loo tū ai aoga ma tūlaga o lo'o iai i le fa'afanua.
Fa'atupeina o A'oa'oga Sauo'o	Ina ua mae'a le iloiloaina o talosaga, na maua e aoga sau'o o ta'itasi aofa'iga o seleni nei: • SENESE – \$302,100.00 • Loto Taumafai – \$293,000.00 • Aoga Fiamalamalama – \$151,000.00

	• Asosi mo i latou e pō le va'ai – \$39,000.00 • Asosi mo le au fa'aliliu upu i gagana faitaga – \$14,900.00 O le aofa'iga atoa o le tupe sa tufatufaina mo aoga sauo'o o lo'o fa'atinoina auaunaga e lagolagosua ai i galuega e \$800,000.00. O le tufatufaina o nei seleni sa 100% lona faamae'aina. O le fa'atapula'a o pāketi o lo'o avea pea ma lu'itau o lenei galuega.
Folauga ma le Phonics	O lenei polōketi sa tu'ufa'atasia ma le polōketi o le Folauga ina ia fa'aleleia ai aoaoga mo faiaoga ma a'oa'oga a fānau ma le fa'amoemoega autū ina ia fa'aleleia i'uga o faitau tusi ma le tusitusi i vasega amata i Aoga Tulagalua. I le fa'atinoina o lea polōketi, e lima a'oa'oga fa'aitumalō sa fa'atautaia ai a'oa'oga o le Folauga phonics e aofia ai Aleipata, Lotofaga, Falealili, Savai'i Sisifo ma Asau. O nei a'oa'oga sa fa'atinoina mo Upolu mai le aso 17-18 Mati ma Savai'i mai le aso 20-21 Mati 2025.
Polōketi o le Applied Scholastics	I le masina o Aukuso 2024, sa tu'uina mai ai le fa'amaoniga mo le aufaigaluega e to'asefulu a le Matāgaluega o Aoga ma Aganu'u e aofia ai puleaoga ma le aufaigaluega galulue i le Ofisa Autū ina ia fa'atino a'oa'oga i auala fa'atekonolosi fa'aneionapō mo le ASI i Missouri. E ui lava sa iai se tuai i le fa'agasologa mai fa'amaoniga a le Kapeneta, ae sa fa'aaauau pea le fa'atinoina o taumafaiga a le Matāgaluega e ala i le fa'atinoina o a'oa'oga mo le polōkalame o le So'ofau. Mai i lenei polōketi, o a'oa'oga mo le ASI sa fa'atautaia lea ia Ianuari 2025 e puleaoga ma ofisa sinia a le Matāgaluega ua mae'a a'oa'oina i lenei poloketi. O le isi fonotaga ua fuafuaina lea mo Tesema 2025 ia mafai ona fa'ailo ai isi o le aufaigaluega ma sui o le Pūlega Autū o le ā auai atu i a'oa'oga mo le ASI ile 2026. Mo le taimi nei, o lo'o fa'aaauau pea a'oa'oga fa'atino mo le ASI ma le So'ofau i Aoga Tulagalua ma Aoga Mauualuluga. O lo'o atagia mai lea e ala i su'esu'ega e fa'atinoina i totonu o potua'oga ma a'oa'oga e atina'e ai tōmai o faiaoga e fa'atatau i le fa'amalosia o le fa'aogaina o tōmai e fausia ai upu. O nei ta'iala fa'alea'oa'oga o lo'o fa'aogaina fo'i e fo'ia ai lu'itau ma pā puipui e pei o le lē mālmalama i le uiga moni o

	le upu ma le lē lava o fa’atinoga i vāega e ono tataui ai le fa’aogaina o ia upu.
Polōketi mo Faiga Fa’apa’aga a le Lalolagi mo A’oa’oga	• Iloiloga a le Vāega o A’oa’oga – mae’a • Iloiloga o le Fuafuaga a le Vāega o A’oa’oga 2019-2024 – mae’a • Fuafuaga fou a le Vāega o A’oa’oga 2025-2030 – mae’a • Fuafuaga Autasi MEC – mae’a • Vāega 2 o Fa’amaumauga o Su’ega– mae’a • Su’esu’ega autū mo A’oa’oga Sauo’o- ua amatalia ona fa’atino • Su’esu’ega autū o Tōmai Fa’afaiaoga – ua amatalia ona fa’atino
Polōketi o le Financial Literacy	O lo’o fa’aauuina pea lenei polōketi ma ua mae’a tu’ufa’atasia i totonu 4 Tausaga Aoga mo Aoga Mauululuga fa’atasi ai ma le iloiloga o lo’o fa’agasolo i le taimi mo Matā’upu A’oa’oia i Aoga Tulagalua.
Polōketi o le Imagine Samoa	O lo’o fa’aauu pea galuega fa’atino i le nofoaga autū o le Imagine Science i le taumafai lea ia tōsina ma fiafia tamaiti aoga, faiaoga ma tagata lautele i tōmai fa’asaienisi. Sa fa’amaui le fa’atumauiina pea o le aofa’i o i latou e āsia le nofoaga autū o le Science Centre i le 2,585 mai ia lūni ma Aukuso 2024, e aofia ai fo’i le 956 o tamaiti aoga mai aoga e iva mai lava i aoga amata seia o’o i le Tausaga 8. I le amataga o le 2025, sa fa’alautele atu ai lenei polōkalame i aoga i tua e ala lea i le fa’amaopoopoina o mea faigaluega fa’asaienisi i le aso 18-22 Fepuari ma tufatufaina atu i aoga i Savai’i (23 Fepuari – 1 Mati) ma Upolu (3-11 Mati) e fa’amalosia ai le a’oa’oia ma le su’esu’eina o le fa’asaienisi mo aoga i Samoa.
Polōketi o le Guardians Environmental Educational Campaign	O le galulue fa’atasi o le Matāgaluega o Aoga ma Aganu’u ma ana faigā pa’aga ma le Conservation International, MNRE, MAF ma le Samoa Voyaging Society o lo’o atagia ai le alualu pea i luma o le polōketi o le Guardians Environmental Educational e ala i polōkalame fa’atino tāua nei e lua: • A’oa’oga a Faiaoga (23–25 Aperila 2025): O se a’oa’oga e tolu aso na fa’atino ai ina ia fa’amalosia ai le agava’a o faiaoga ma asiasi aoga e a’oa’o atu ai a’oa’oga tau le si’osi’omaga e ala i le toe si’itia o lō lātou māmamalama i vaega eseese a le Guardians ma su’esu’eina auala e tu’ufa’atasia ai le māmamalama fa’aleaganu’u, gafataulimaina ma le tali i suiga o le tau.

	Polōkalame mo a’oa’oga mo Tamaiti A’oga - Vāega 1 (19–23 Me 2025). Sa fa’atino le fa’alauiloa i le itumalō o Sagaga ma o le vāega lea sa va’aia ai le galulue so’oso’otauau ai o tamaiti e 305 mai aoga e 20 i le fa’atinoina o asiasiga ma galuega fa’atino mo fa’alāpotopotoga ma sālāgalagoina lea e le Matāgaluega o Aoga ma Aganu’u, pa’aga, faiaoga ma sui o nu’u.
Polōkalame Atina’e a le Tautua	
Fuafuaga mo Fa’alavelave Mātuia ma Fa’alavelave Fa’afuase’i (Vaega 1 & 2) 	O alagā’oa e fesoasoani ai mo le fa’atinoina o fuafuaga ma fa’amalosia ai mo tau i o fa’alavelave fa’afuase’i sa tufatufaina lea e aofia ai meafaigaluega ma fa’ailoilo e fa’aogaina e tali atu ai mo ia fa’alavelave fa’afuase’i. <i>Fa’afetai tele mo leni a’oa’oga, e aoga tele ia i tatou uma e sauniuni lelei ai mo so’o se fa’alavelave fa’afuase’i. E lē mafai ona matou lava tapena ma saunia pe ā lē iloa pe fa’apefea, ae o leni aso, ua fa’ailoa mai ai ia i matou auala e ao ona sauni ma tapena ai – Puleaoga</i>
Polōkalame Fa’alauiloa a le Vāega o A’oa’oga <i>Manu o le Vaveao</i> 	- O le <i>Manu o le Vaveao</i> o se polōkalame a le Vāega o A’oa’oga e fa’amanino ai galuega fa’afaiaoga ma le tele o fa’afitauli e a’afia ai le faitau tusi. O nisi o polōkalame e aofai ai fa’alauiloa o le galuega fa’afaiaoga fa’atasi ai ma fa’atalanoaga e 9, sa fa’asalalauina i luga o le televise e fa’atatau lea i Tulāfono ma Faiga Fa’avae e aofia ai le fa’amalosia o le auai o fanau i a’oa’oga, auaunaga fesoasoani (faitautusi ma le nūmera, lagolagoina ma le atina’eina o le Tōmai fa’afaiaoga, Matā’upu A’oa’ina, pūlega o aoga, Fuataga ma su’ega ma le lagolagosua a mātua i A’oa’oga. - Sa fa’atautaia le fa’alauiloa i le atunu’u lautele mo A’oa’oga Sauo’o ma auaunaga mo lea vāega. E 786 tagata lautele (mātua, tupulaga talavou, komiti o nu’u) mai Savai’i ma Upolu sa auai ma o le to’atele o i lātou nei ua mafai ona maua fa’amaumaga mo’omia mai lea fa’alauiloa e pei ona galulue fai pa’aga ai le Matāgaluega o Aoga ma Aganu’u, o i latou o lo’o fa’atino Auaunaga mo A’oa’oga Sauo’o ma le Matāgaluega o Tinā ma Tamaita’i, Atina’e o Nu’u ma Agafeso’ota’i.

Fuafuaga mo le Atina'e o Tōmai ma Agava'a a le Afaigaluega a le Vāega o A'oa'oga	• O le Fuafuaga lenei a le Vāega o A'oa'oga, o lo'o fa'aalo ai vāega e ala ai ona mo'omia se ta'iala mo le atina'eina o agava'a ina ia si'itia ai tōmai tāua a tagata faigaluega. O nei agava'a e tāua tele mo pūlega lelei i vāega e aofia ai fuafuaga, pūlega tau tupe ma tūlaga lamatia, feso'ota'iga, mata'itūina fa'apea ma lipoti. • O le Vāega o A'oa'oga ua mu'ai fa'atino lenei Fuafuaga e lagolagoina ai tiute ma matāfaioi i le tafatolu o A'oa'oga e pei ona mo'omia mo Vāega tetele a le Malō. I le fa'amalosiaina o le lagolagosua a Vāega o A'oa'oga, ua toe fa'amautū ai e lenei Fuafuaga vāega e ave iai le fa'amuumua i le Fuafuaga a le Vāega o A'oa'oga 2019-2024 ma taula'i ai i: ○ Fa'aleleia le fa'amaopoopoina o itūtino e tolu o A'oa'oga e ala lea i le fa'amalosia o galuega ma malosiaga o pūlega. ○ Fa'aleleia o fuafuaga a le vāega o A'oa'oga ma le va'aiga o tagata faigaluega e lagolago ai le mata'itūina ma le lipotiina o matāfaioi. ○ Fa'atautaia le galulue vāvālalata o nei itūtino i le atina'eina o Tōmai fa'apitoa e ala i A'oa'oga e fa'atatau i vāega e ave iai le fa'amuumua e aofia ai le ta'ita'iga o a'oa'oga, pūlega tau tupe, pūlega o tūlaga lamatia, mata'itūina ma iloilogaga.
Toe iloiloaina o le Polōkalame mo le Atina'eina o Tōmai Fa'afaiaoga	O le toe iloiloaina o fuafuaga fa'atino a lenei polōketi e aofia ai le fa'aleleia atili o a'oa'oga mo faiaoga i le galulue so'oso'otau'au ai o le Matāgaluega o Aoga ma Aganu'u ma le lunivesitē Aoao o Samoa, ia fa'ateleina avanoa i polōkalame atina'e mo faiaoga i nu'u i tua ma ia taula'i foi a'oa'oga i le fa'aleleia o le faitau ma le tusitusi e fa'aleleia ai le fausiaina o su'ega.
Polōketi mo le lagolagoina ma le fa'alauiloaina o Aoga Amata	• Mo le fa'aleleia atili o a'oa'oga amata, sa tu'uina atu a'oa'oga (tusi, meata'alo ma meafaitino e fa'aoga mo Matā'upu a'oa'oina) i aoga amata e 10 (3 i Savai'i ma le 7 i Upolu) ma sa o'o atu i le 381 tamaiti (179 tama ma le 202 teine). O nei alagā'oa e lagolago ai le atina'eina o le vave ona iloa faitau tusi, a'oa'oga i potuaoga, fa'atasi ai ma suiga fa'aaauau o lo'o fa'agasolo pea a le Vāega o A'oa'oga. • A'oa'oga e ala i ata tusitusia ina ia fa'atupulaia ai le auai o fanau e aoga i aoga amata, sa lolomiina ma tufatufaina i Aoga Amata e 132 i Upolu ma Savai'i.

Toe Iloiloina o le Fesoasoani Tupe a le Malō mo Aoga	O lenei iloiloga sa fa’ailo ai vāega o lo’o lape ai le fa’atinoina o le OGG e ala lea i le mata’itūina o fa’amaumauga e pei o avanoa tutusa mo ali’i ma tamaita’i, o i latou e iai a’afiaga tūmau o le soifua ma isi lava a’afiaga lautele i totonu o le Vāega o A’oa’oga a Samoa. E ui o le tu’uina atu o le pūleaina o tupe i aoga ma Komiti Aoga ua fa’ateleina ai faiga fa’ai’uga fa’alotoifale, ua fa’amautinoaina ai o lo’o fa’asoa lelei nei fesoasoani tupe e fa’aleleia atili ai a’oa’oga ma o le ‘anoa o a’oa’oga o lo’o fai pea ma lu’itau. O le taunu’uga o lenei iloiloga, na tu’uina atu ai le tele o fautuaga mo le fa’atalanoaina o pā puipui ina ia mafai ona si’itia ma faaleleia ai le tāua o le OGG: • Fa’aleleia le atina’eina o tōmai e ala i le tu’uina atu o A’oa’oga ua fa’atulagaina mo ta’ita’i o aoga ma faiaoga e tu’ufa’atasia ai iloiloga ma le amanaiaina o le GEDSI i le fa’atautaiga ma le pūleaina o aoga. • Fa’aleleia le va’aiga o tupe – fa’amalosia fesoasoani mo meaalofo tupe, tulituliloa le fa’aogaina o tupe fa’aalu ma le mata’itūina o fa’atinoga e fa’aleleia atili ai pūlega manino ma le mafai ona tali atu i vāega e fesiligia ai. • Fa’atino suiga i le fa’aogaina o puna’oa mo le mauaina o a’oa’oga manuia – ia mautinoa o tupe fa’ameaalofa e tauala mo le fa’aleleia atili o a’oa’oga a le fanau e ala i le fa’afeso’otaiina o vāega tupe fa’aalu ma le lelei ‘anoa o a’oa’oga, iloiloga ma le lagolago e tu’uina atu mo tamaiti aoga. Ua fa’atinoina e le MEC nisi o fautuaga autū a le iloiloga e pei o le tu’uina atu o le Vāega o le OGG i le Ofisa o le Ofisa Sili o Pūlega e tu’uina atu ai le va’aiga fa’apitoa o le OGG ma le fa’afaigaluegaina o tagata faigaluega fa’aopoopo e lua.
Lagolago mo le Malamalama i le Gagana	• Mai le su’esu’ega o le Tracer sa fa’atino, e 85% o faiaoga Aoga Mauafuluga ua a’oa’oina i a’oa’oga o le Gagana ma na maitauina ai le fa’aogaina o le mafaufau ma sa matauina suiga lelei i le auai o tamaiti aoga i le a’oa’oina. • Tusi aoga fa’aopoopo mo Aoga Mauafuluga i matā’upu e fa’amalosia ona ave, Arts ma le TVET na tu’uina atu lea mo Kolisi e 10 i Savai’i. • Tusi lolomiina mo faiaoga i le <i>A’oa’o le Faitautusi</i> o se alagā’oa mo a’oa’oga o le faitautusi ma le

	tusitusi e pei ona tu'ufaatasia ma taulāmua ai le MEC.
Su'esu'ega i vāega e fa'aleleia ai le A'oa'oina o le fānau	• 30 Aoga Amata, 30 Aoga Tulagalua, 30 Aoga Mauaialuga, 30 faiaoga Aoga Fa'aauau ua fa'amae'aina ia a'oa'oga mo le su'esu'eina o auala e fa'aleleia ai le a'oa'oina o fānau aoga. • O nei a'oa'oga ua fa'amalosia ai le malamalama o faiaoga ma le fa'aogaina o le poto ma tōmai e maua i totonu o potuaoga. Na fa'aogaina e le Matāgaluega alagā'oa mai a'oa'oga sa fa'atinoina i le atina'eina o tōmai fa'apitoa mo faiaoga.
Iloiloga Tuto'atasi o Polōkalame Lagolago mo le fa'atupeina o le Vāega o A'oa'oga	• Su'esu'ega tuto'atasi o Fa'ailoilo o Galuega Fa'atino a le ESSP TF2021-2022 ma le TF2022-2023 – ua fa'amaonia • Su'esu'ega tuto'atasi toe au'ili'ili o Fa'ailoilo o Galuega Fa'atino ESP/ESSP TF2021-2022 ma le TF2022-2023 – ua fa'amaonia • Su'esu'ega tuto'atasi e toe fa'amaonia ai le lipoti vāega na fa'atupeina e le Malō- ua fa'amaonia • Mae'a a'oa'oga mo le MEL mo i latou e fitoitonu ai nei a'oa'oga. • O le fa'amaoniga na maua ai se tūlaga fa'atuatuaina o pa'aga autū a le Vāega o A'oa'oga e aofia ai Pa'aga Lagolago mo Atina'e o lo'o pūlea lelei ma lagolagosua i le ausiaina fa'ailoilo o galuega fa'atino.
Polōketi mo le lagolagoina o le Aoga Tulagalua a Salelologa 	• O le fa'atūina ai o le 10,000L o tanevai ua va'aia ai le mafai lea ona maua e le Aoga Tulagalua a Salelologa le suāvai mamā i le tusa lea ma le 700 tamaiti aoga o ao'oga ai. • O alagā'oa mo matā'upu e fa'aoga e tamaiti aoga ma tusi sa teu i totonu o atigipusa e fa'afaigata ai le avanoa ma fa'avaivaia ai le fa'aogaina e tamaiti aoga i taimi avanoa. O le fa'alauiloaina ma le fa'atulagaina lelei o nei tusiaoga i totonu o le potuaoga ua faigofie ai ona maua ma fa'alauiloa ai le tumamā e mafai ai e tamaiti aoga ona fa'atino i o latou lava aiga.

PEPA FA'AOPOOPO 1: Tūlaga Ausia o Fa'ailoilo o Galuega Fa'atino a Vāega ta'itasi

Vāega 1: Fautuaga Tau Faiga Fa'avae i le Minisitā

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. O lipoti mo polōkalame atina'e e fa'amaonia e le Pūlega i le tausaga	Aukuso 2024 & Fepuari 2025	Ausia se vaega	E le'i mafai ona maua uma fa'amaumauga o le fa'agasologa o polōketi i le māsina o Aukuso 2024 ona o le tuai ona maua fa'amaumauga po'o fa'amatalaga mai Vāega fa'apea ma le Matāgaluega o Tupe, e ui ina tu'uina atu iai le lesitala o polōketi. Peita'i, o le masina o Fepuari 2025 na ausia ai le galuega fuafuaina ma matauina le tūlaga lelei o le fa'agasologa: o le GPE STG na faia le fa'atalanoaga ma pa'aga; fa'agasologa o galuega ua mae'a (Su'esu'ega a le ACER ma Fauautua mo le Fuafuaga o le Vāega o A'oa'oga ma le Iloiloga o le Fuafuaga Autasi a le Matāgaluega) sa tu'uina atu i le Pūlega i lana fonotaga fa'apitoa; fa'apea ai foi le taliaina o le fuafuaga o galuega a le PacREF 2025 ma fa'atinoina. O nisi o polōketi e pei ona iai le Fuafuaga Autasi Fou, auala ma fuafuaga a le Matāgaluega o Tupe mo tupe fa'atatauina ma isi galuega tetele o lo'o fa'agāsolo pea ae fa'apea fo'i i le polōkalame fou po'o le GPE e fa'atatau i le 4 Tausaga mo Aoga Amata ma le TVET lea ua fa'agasolo nei ma fuafuaina o le ā iai se tagata e ta'ita'ia lea galuega fa'atino.
2. Fautuaga Fa'asu'etusi e tu'uina atu i le Minisitā ma le Ofisa Sili o Pūlega e fa'atatau i su'esu'ega fa'alotoifale (tupe totogi) ma siaki fa'apitoa e fa'atino e fa'amalosia ai ta'iala ma pūlega fa'asu'etusi fa'alotoifale	8 su'esu'ega fa'alotoifale 12 siaki fa'apitoa	Ausia	E 15 su'esu'ega su'etusi fa'alotoifale na fa'atinoina ma na patino lava i vāega o lo'o tele le lamatiaga ma o lo'o ofoina atu pea fautuaga ma le lagolago ile Pulega. Na faatino asiasiga masani fa'asu'etusi e tusa ma le 13 le aofa'iga i totonu o lenei tausaga fa'aletupe.

3. Aso e fa'atino ai le fa'atulagaga fou o le aufaigaluega a le Matāgaluega mai le Komisi o Galuega a le Malō	Iuni 2025	Ausia	O le Vāega 2 o le Fa'atulagana o le Matāgaluega o Aoga ma Aganu'u ua ausia le 98% i lona iloilogaga ma sa fa'amamaluina i le masina o Iulai 2024 ma sa iai nai suiga laiti sa toe talosagaina ona o ni fa'afitauli ina ua amata fa'amamaluina nei suiga. O le Vāega 3 o lo'o tālia le taliaina aloa'ia e le Ofisa o le Komisi o Galuega a le Malō mo nai suiga o lo'o fa'atinoina.
4. Aso e fa'amaonia ai e le Ofisa Sili ma le Pūlega lipoti mo le TF2024/2025	Lipoti fa'aletausaga: Setema 2024 Lipoti fa'alekuata: I le fa'aiuga o le masina o lumana'i ai Lipoti fa'alemasina HR: O le vaiaso a'o lumanai ai le aso fa'agata a le Ofisa ale Komisi. Lipoti fa'alekuata o tupe: o le vaiaso a'o lumana'i ai le aso fa'agata a le Matāgaluega o Tupe. Lipoti fa'alekuata o Aseta: I le fa'aiuga o le masina o lumana'i ai Lipoti o le Fonotaga fa'aletausaga a le Matāgaluega: Aperila 2025 Lipoti o Fuataga Aoao mo Aoga Tulagalua ma Kolisi: Mati 2025	Ausia	➤ O le Lipoti Fa'aletausaga TF23/24 sa fa'amaonia e le Kapeneta ma ua maea ona tu'uina atu i le Palemene. ➤ O Lipoti uma fa'alekuata na tu'u fa'atasia ma fa'amaonia. ➤ Lipoti fa'alemasina a le Vāega e Va'aia Tagata Faigaluega sa aofia i lipoti fa'alekuata ma sa iloilo fo'i i fonotaga a le Pūlega. ➤ O Lipoti o tupe fa'atatauina sa tu'uina atu i le taimi fa'atulagaina e aofia ai le TF25-26 ia Fepuari ma le iloilogaga a le Matāgaluega o Tupe i le masina o Aperila. ➤ Sa fa'aauau pea lipoti mo aseta ma ua mae'a le asiasiga sa fa'atinoina mo Upolu ma Savai'i i le Kuata 4 ma ua fuafuaina le lipoti mulimuli i le TF25-26. ➤ Na faia le Fono Aoao a Faiaoga i le masina o Ianuari 2025 ma sa tu'uina atu ai le lipoti i le Ofisa o le Ofisa Sili o Pūlega ina ua mae'a ona tu'u fa'atasia. ➤ O Lipoti mo l'uga o Su'ega a le Malō sa mae'a i le Kuata 3 ma fa'asoa atu i le Pūlega.
5. Aso e tu'uina atu ai le Tūlāfono Tau Fa'aofi o Teuteuga i le Palemene mo le talanoaina	Tūlāfono Tau Fa'aofi o Teuteuga e tu'uina atu i luma o le Palemene ia Iuni 2025	Ausia se vaega	O lo'o fa'aauau pea lenei galuega. O lo'o fa'atino pea le fausiaina ma le tu'u fa'atasia o le Tūlāfono Taufa'aofi fa'atasi ai ma pepa e lagolago ai lea galuega (Ta'iala o Fa'atonuga ma le Faiga Fa'avae) fa'atasi ai ma le iloilogaga fa'alotoifale o

			lo'o fa'asolo peita'i e le'i mafai ona tu'uina atu i le Palemene i le masina o Iuni 2025 e pei ona fuafuaina. E iai vāega sa talosagaina e ao ona toe fetu'una'i mo le galuega fuafuaina atoa ma le faiga fa'avae. O lo'o tapena ma tu'ufaatasia se pepa aloa'ia mo le tagata e fesoasoani e tusi le Tūlāfono ma e fa'asalalauina i le masina o Iulai 2025 ma ua āfua ai ona fa'atuai lenei galuega ma toe tu'uina le fa'aauauina mo le isi tausaga fa'aletupe.
6. Aofa'i o fautuaga fa'aletūlāfono e tu'uina atu i le Matāgaluega	40 fautuaga fa'aletūlāfono	Ausia se vaega	E tusa ma le 29 fautuaga fa'aletūlāfono na fa'amauiina i totonu o lenei tausaga fa'aletupe, mo konekarate, maliega o sikolasipi, isi mataupu fa'apitoa ma matā'upu lautele. O lo'o fa'asolo pea le galuega fa'aletūlāfono mo le Ta'iala mo le OGG, Faiga Fa'avae o Aseta, Faiga fa'avae mo aso malōlō o tagata faigaluega ma le auai i le galuega ina ia ōgatusa ma aiaiga o galuega o lo'o fa'atulaga mai e le Ofisa o le Komisi o Galuega a le Malō. O le tele lava o nei faiga fa'avae o lo'o ua lata ina mae'a mo le tu'uina atu i le Ofisa Sili/Sui Ofisa Sili mo le pāsiaina.
7. Fautuaga fa'aletūlāfono ma iloilogā e fa'atinoina mo galuega a le Matāgaluega	400 le aofa'i o pepa tauofoga, konekarate, MOU ma isi maliega e fa'amaonia	Ausia	E 513 konekarate, maliega ma pepa o tauofoga na fa'amautūina i totonu o lenei Tausaga Fa'aletupe.
8. Aso e fa'atino ai polōkalame a le Matāgaluega mo aoga ma nu'u e tula'i mai ai fa'afitauli	Mati 2025 & Iuni 2025	Ausia	E tusa ma le 99% o polōkalame na auai ai le Ofisa Sili o Pūlega, e pei o fa'atalanoaga ma pa'aga, fa'alauiloa, fa'asoa ma aoga, fetufa'iga ma puleaoga, sui pule, faiaoga, komiti o aoga ma matua. O nei polōkalame ua fesoasoani tele e una'ia auala e si'itia ai le tulaga lelei o le a'oa'oina ma le a'oa'o atu ma ia fa'amalosia ai pea le feso'ota'iga i le fa'asoa o faiaoga ma nu'u.

Vāega 2: Auaunaga Lagolago i le Minisitā

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
-------------------------------	------------------------	--------------	--------------------------------

1. Pasene o i latou na asiasi ane i le Ofisa o le Minisitā na fa'amalieina i le auaunaga ofoina atu	100% fa'amalieina o tagata asiasi uma	Ausia	O lo'o fa'aauau pea ona ofoina atu le auaunaga masani i aso uma ma talafeagai i le Minisitā, ma e leai ni fa'aletonu na lipoti mai e pa'aga po'o tagata asiasi ma sa maitauina le 100% fa'amalieina o le auaunaga i lenei tausaga fa'aletupe.
2. Tūlaga lelei o auaunaga ma le lagolagosua e tu'uina atu i le Minisitā	100%	Ausia	O lo'o fa'amalieina pea le tūlaga maualuga ma lelei fa'atino o fautuaga tu'uina atu ma le fa'agasologa o galuega o lo'o fa'atino ma tu'uina atu mo le Minisitā mo le tausaga fa'aletupe.
3. Fonotaga a le Komiti Faufautua a Minisitā	24 fonotaga 12 Upolu / 12 Savai'i	E le'i ausia	E le'i ausia lenei galuega i le tausaga fa'aletupe ona o le auai o le Matāgaluega i le fonotaga a Fa'auluuluga o Malō o le Taupulega (CHOGM) ma tapenaga uma fa'apea foi ma isi tiute tau'ave a le Minisitā.

Vāega 3: Auaunaga Fa'afaiaoga

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aofa'i o faiaoga ua mafai ona tu'uina atu i Aoga ale Malō e fa'amalieina ai mana'oga mo ni faiaoga	Aoga Tulagalua – 30 faiaoga Kolisi – 20 faiaoga	Ausia	E tusa ma le 397 faiaoga sa fa'afaigaluegaina ma toe fa'afaigaluegaina e tusa ai o mana'oga mo'omia mo faiaoga ➤ 95 faiaoga fou (65 Aoga Tulagalua, 30 Kolisi) ➤ 302 faiaoga litaea ua toe fa'afaigaluegaina
2. Lipoti o iloiloa i le aofa'i o faiaoga mo'omia e tu'uina atu i le Komiti mo aoga a le Malō	4 lipoti	Ausia	E tusa ma le 4 lipoti na tapenaina i lenei tausaga fa'aletupe, na fa'amanino ai mana'oga i le mo'omia o faiaoga mo Aoga Tulagalua ma Aoga Mauualuga fa'apea ma mana'oga e pātino lava mo matā'upu a'oa'oina mo Kolisi. O nei lipoti na tu'uina atu i kuata ta'itasi i le Komiti o lo'o nafa ma le fa'asoasoina o faiaoga i aoga.
3. Aofa'i o Puleaoga ma Sui Puleaoga ua fa'afaigaluegaina	Puleaoga - 10 Sui puleaoga - 5	Ausia	E 7 puleaoga ma sui puleaoga e 17 sa fa'afaigaluegaina i totonu o lenei tausaga fa'aletupe.
4. Pasene o Puleaoga ma Sui Puleaoga e mae'a tu'uina mai a latou Lipoti	100% o Puleaoga ma Sui Puleaoga	Ausia	E 13 le aofa'i o puleaoga ma sui puleaoga e 6 na tu'uina mai a latou lipoti i le mae'a ai o latou konekarate.

5. Aofa'i o asiasiga fa'amaonia e fa'atino mo le aufaigaluega i Aoga a le Malō	Savai'i - 56 aoga Upolu - 112 aoga	Ausia	O le asiasiga e fa'amautinoa ai le aufaigaluega i aoga, sa fa'atinoina lea mo Aoga e 167 a le Malō: ➤ 144 Aoga Tulagalua ➤ 23 Kolisi
6. Pasene o galuega va'ava'ai mo faiaoga ua mae'a i totonu o le taimi fa'atulagaina	100%	Ausia	100% o galuega tau faiaoga ua mae'a fa'atino e tusa o le va'aiga o tagata faigaluega i totonu o le taimi fuafuaina. E aofia ai: ➤ 284 talosaga a faiaoga mo aso malōlō na taliaina ➤ 23 tausaga o auaunaga na tu'uina atu i le Ofisa o le Komisi o Galuega a le Malō mo faiaoga litaea ➤ 88 mataupu i le fetu'una'iga o totonu na taliaina ma tu'uina atu i le Komisi o Galuega a le Malō ➤ 4,156 pepa fa'ailoa mo faiaoga ta'i vaiaso na fa'amauina ma tu'uina atu i le Vāega o tupe.

Vāega 4: Auaunaga mo le Mata'itūina ma le Tapu'eina o Tōmai Fa'afaiaoga

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Pasene o aoga a le Malō i le La'asaga 1 e lagolagoina ma toe fa'aleleia o latou tōmai fa'afaiaoga i totonu lava o aoga	30% o le 30 aoga i le La'asaga 1	Ausia	E 32 le aofa'i o Aoga a le Malō o lo'o i le Vāega 1 (20 Aoga Tulagalua ma le 12 Aoga Maua'ululuga) sa mafai ona lagolagoina e ala i polōkalame fa'atino lava i totonu o aoga e fa'aleleia ai tōmai o faiaoga ma ua si'itia atu ma le aofa'iga fuafuaina e 9 aoga, e tusa ai o le 30% i le Vāega 1 o Aoga.
2. Pasene o faiaoga e auai i polōkalame e fa'aleleia ai tōmai ma agava'a i totonu aoga, Itūmalō ma a'oa'oga	40% o le 1737 faiaoga	Ausia	E tusa ma le 1,143 faiaoga (65.8%) sa auai i polōkalame mo le fa'aleleia o tōmai ma agava'a o faiaoga ma sa maitauina le mālosi o le lagolago ma le auai o faiaoga mo ia a'oa'oga e lē gata o aoga, itūmalō aemaise ai fo'i o le atunu'u.
3. Pasene o faiaoga e fa'afoeina polōkalame e fa'aleleia ai tōmai ma agava'a mo faiaoga	10% o faiaoga	Ausia	E 39% (672) le aofa'i o faiaoga sa fa'afoeina ma faia a'oa'oga e si'itia ai le tōmai o faiaoga i totonu o lenei tausaga fa'aletupe.

4. Pasene o faiaoga tulagalua ma aoga maualuluga e a'oa'oina i le Saienisi ma le Matematika	Aoga Tulagalua- 30% o le 1099 faiaoga aoga tulagalua Aoga Maualuluga- 20% o le 638 faiaoga o aoga maualuluga	Ausia	E 60% (653) faiaoga o Aoga Tulagalua ma le 27% (173) o faiaoga o Aoga Maualuluga na a'oa'oina i le Saienisi ma le Matematika.
5. Pasene o faiaoga e ausia le 76 itula o a'oa'oga mo tōmai ma agava'a e pei ona faata'oto mai i le faiga fa'avae	10%	Ausia se vaega	E 6.4% o faiaoga na ausia le 76 itula e auai ai i polōkalame mo le fa'aleleia o tōmai ma agava'a.
6. Pasene o faiaoga ua ulufale atu i A'oa'oga faalunivesitē mo le si'itia o tusipasi mai le tipiloma i le tikeri	40%	Ausia	E 66% o faiaoga o lo'o galulue ua ausia ma 'ūmia fa'ailoga tikeri ma o lo'o fa'aauau pea ona fa'ailoa mai ai le alualu i luma mo i latou o lo'o ao'oga pea e si'itia o latou fa'ailoga.
7. Pasene o Puleaoga ma Sui Puleaoga o lo'o a'oa'oina i tōmai ma agavaa fa'ata'ita'i	20% o le 334 Puleaoga ma Sui Puleaoga	Ausia	E tusa ma le 201 puleaoga ma sui puleaoga na auai pe tusa o le 84.4% o le 238, na mafai ona auai i le a'oa'oga na fa'atino ai le Fono Aoao mo Faiaoga ia Ianuari 2025.
8. Pasene o faiaoga e auai i Polōkalame faufautua ma polōkalame fa'alauiloa amata	20% o faiaoga fou ma puleaoga	Ausia	E 132 le aofa'i o faiaoga (26%) na auai i le polōkalame fa'amasani amata mo faiaoga fou ma na fa'atino lea e le Vāega o Pūlega Lelei ma le Fa'afoeina o Aoga.
9. Pasene o fanau sikolasipi e ausia pasene fa'atulagaina 60% pe sili atu	85% (fua i i'uga aloa'ia mai le NUS mo le Kuata 2 2024 ma le Kuata 1 2025)	Ausia se vaega	➤ Kuata 1 2024: 71% ➤ Kuata 2 2024: 79% Na maua l'uga o nei su'ega ma fa'asoa ma iloilo ina ua tu'uina mai i le fonotaga a le Komiti o Sikolasipi ia Setema 2024 ma Mati 2025.
10. Pasene o i latou e ulufale atu i A'oa'oga i le lunivesitē Aoao o Samoa e ala i le Polōkalame Fa'asikolasipi a le Matāgaluega	25% (fua i i'uga aloa'ia mai le NUS mo le Kuata 2 2024 ma le Kuata 1 2025)	Ausia	Kuata 2 2024: 73% o i latou o lo'o fa'asauni i le galuega fa'afaiaoga sa resitala (221/303). Kuata 1 2025: Sa fa'amautū ai le fa'atinoga o le resitala mo matā'upu ma tuliloa ai talosaga ua talia ma fa'agasolo pea. ➤ Sa faia le fonotaga a le Komiti o Sikolasipi e talia aloa'ia ai talosaga ma alauni

			➤ Polōkalame fa'alauiloa e maketi ai le galuega fa'afaiaoga i auala eseese e pei o asiasiga ma fa'asoa.
11. Pasene o faiaoga o Aoga Amata e ao'oga fa'asikolasipi i le Polōkalame mo le Sī'itia o Fa'ailoga o faiaoga	20% o le 411 faiaoga Aoga Amata	Ausia se vaega	➤ Kuata 2 2024: 14% o faiaoga o Aoga Amata na mafai ona fa'atupeina aoga (41 mai le aofa'iga o faiaoga e 411). ➤ Kuata 1 2025: Fa'aauauina pea polōkalame sikolasipi ma lona fa'afoeina, na faia fo'i fonotaga e lagolago ai le resitala mo le fa'ailoga tipiloma mo faiaoga o aoga amata, toe iloilo i'uga o su'ega ua tuanai fa'apea fo'i ma le talanoaina o i latou o lo'o fou mai e fia avea mai faiaoga mo aoga amata i lalo o le polōkalame sikolasipi e tusa ai o fonotaga a le Matāgluega o Aoga ma Aganu'u ma le lunivesitē Aoao a Samoa.
12. Aofa'i o faiaoga e resitala	Aoga Amata 10, Aoga Tulagalua 50, Aoga Mauualuluga 50	Ausia	E 131 le aofa'iga o faiaoga ua mae'a ona resitala ma le 220 o i latou sa toe fa'afou a lātou resitala i lenei tausaga fa'aletupe. O faiaoga na resitala e aofia ai faiaoga o Aoga a le Malō, Aoga a Ekalesia ma Aoga Tuma'oti.
13. Pasene o Tupe Maua e mafai ona aoina	100%	Ausia	E 223% tupe maua na mafai ona aoina.
14. Aofa'i o faiaoga i Aoga Tulagalua ma Aoga Mauualuluga e mae'a fa'atino a latou iloilo	Aoga Tulagalua – 250 Aoga Mauualuluga– 120	Ausia se vaega	Aoga Tulagalua- 217 Aoga Mauualuluga- 106
15. Aofa'i o Puleaoga e mae'a fa'atino a latou iloilo	60	E le'i ausia	E tusa ma le 16 le aofa'iga o puleaoga i aoga tulagalua na toe iloilo a latou konekarate i le kuata 1 (9 tamaita'i ma le 7 ali'i). E le'i toe fa'atinoina ni iloilo mo puleaoga o aoga tulagalua po'o aoga mauualuluga ona o lo'o avanoa pea tōfiga o ta'iulu e le'i fa'atumuina ma o le ala lea o le fa'aumiumi o lenei galuega ma tolopōina se'ia fa'amautū le tofia o ni tagata mo ia avanoa i se fa'aiuga mai le Ofisa o le Komisi o Galuega a le Malō.

16. Aofa'i o Sui Puleaoga e mae'a fa'atino a latou iloiloga	39	E le'i ausia	E 7 le aofa'iga o sui puleaoga o aoga tulagalua na iloilo a latou konekarate (4 tamaitai ma le 3 alii). E le'i toe fa'atinoina ni iloiloga mo puleaoga o aoga tulagalua faapea ma aoga maualuluga ona o lo'o avanoa pea tofiga o ta'iulu e le'i fa'atumuina ma o le ala lea o le fa'aumiumi o lenei galuega ma tolopoina se'ia fa'amautu le tofia o ni tagata mo ia avanoa i se fa'aiuga mai le Ofisa o le Komisi o Galuega a le Malō.
17. Pasene o faiaoga e ausia tapula'a moomia o agava'a ma tōmai fa'afaiaoga ina ua mae'a ona toe iloilo ina a latou auunaga	Aoga Tulagalua- 78% Aoga Mauualuluga- 81%	Ausia	➤ Faiaoga o Aoga Tulagalua: 100% (74) ➤ Faiaoga o Aoga Mauualuluga: 93% (25 mai le 27)

Vāega 5: Auaunaga mo le Fa'aleleia o Aoga

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Si'itia pasene o tamaiti aoga ua iai tausaga fa'atūlāfonoina e auai ai i aoga tulagalua ma a'oga mauualuluga i Samoa	Si'itia i le 1%	Ausia	Aofa'iga o fanau aoga ua resitala: 68, 043 (Ali'i: 34,322; Tamaita'i: 33,721) e tusa ai ma fa'amaumauga o le Lipoti Fa'afuainumera 2024. Na fa'atino ma fa'aauau pea polōkalame fa'alauiloa ma galuega fa'atino i totonu o lenei tausaga fa'aletupe ina ia una'ia le auai o fanau i aoga. O ia galuega fa'atino e aofia ai fonotaga sa faia, polōkalame o le Fa'ailo Ao fa'apea fa'alauiloa i luga o televise TV1, TV5 ma le NUS TV e fa'ailoa ai auala mo le fa'amalosia o le auai o fanau i aoga.
2. Pasene o tagata e auai i le Fonotaga Fa'aletausaga a Faiaoga 2025	100% le auai o aoga	Ausia	Na faia le Fono Aoao Fa'aletausaga a Faiaoga mai le aso 27-30 Ianuari 2025 ma sa fa'atinoina ai fonotaga ma fa'asoa masani a faiaoga mai aoga a le Malō, aoga a Ekalesia ma Aoga tuma'oti ma e tusa ma le 1,585 le aofa'i o faiaoga na auai i lenei fa'atasiga.

3. Pasene o aoga a le Malō e ausia tapula'a mo'omia mo Aoga	Aoga Tulagalua - 60% Aoga Mauualuluga - 60%	E le'i ausia	Mai le aofaiga e 143 o Aoga a le Malo, 48 sa āsia ma e 43 (30%) na ausia le Fa'atulagaga 3 ma le 4 o Tapula'a Mo'omia. O le 23 o Aoga Mauualuluga, 8 (35%) na ausia le Fa'atulagaga 3 ma le 4. E le'i fa'ataunu'uina le asiasiga mo Upolu ona o tapenaga o le fono a le CHOGM, ma sa taumafai foi e sui seisi faiga ma fa'amautū le lauliliuina o le ta'iala o Tapula'a Mo'omia mo Aoga.
4. Aofa'i o Komiti Aoga ma matua e auai i polōkalame fa'alauiloa e fa'atatau i Pūlega ma Ta'ita'iga lelei	200 sui o Komiti Aoga ma matua e auai	Ausia	➤ Na faia polōkalame fa'alauiloa e auga i māliega a Aoga mo Itumalō e 20. ➤ E 163 mai le 167 māliega a aoga na sainia. O lo'o fuafuaina isi māliega e fa o lo'o totoe e sainia ile vaiaso fuafuaina i le aso 30 Iuni 2025 ona e le'i avanoa Peresitene o Komiti.
5. Pasene o aoga ua mae'a ma tu'uina atu a latou fuafuaga i le taimi fa'atulagaina	100%	Ausia se vaega	E 89% aoga ua faamauina ua mae'a ona tu'uina mai a latou Fuafuaga fa'aletausaga fa'apea ma Fuafuaga Alualu mamao mo le fa'aleleia o Aoga.

Vāega 6: Auaunaga mo Matā'upu A'oa'oina ma Tusi Aoga

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Pasene o faiaoga e a'oa'oina i le faiga fa'avae mo A'oa'oga Sau'o'o	41%	Ausia	E 313 le aofa'i o faiaoga (69%) ma le 82 faiaoga fesoasoani sa a'oa'oina i lenei tausaga fa'aletupe.
2. Pasene o faiaoga o aoga amata e fa'asoa iai le fesoasoani mo le a'oa'oina o fanau	100%	Ausia	Mai le 126 aoga amata na resitala i lalo o le Fono Aoao o Aoga Amata, e 117 (92%) na tu'uina atu ai le lagolago e ala i asiasiga le Komiti Galulue mo Aoga Amata.
3. Pasene o tamaiti aoga amata e mafai ona ulufale atu i le Tausaga 1	100%	Ausia	E 75% (3,569) o fanau aoga mai le 4,775 o fanau aoga uma i Aoga Amata e 116 na fa'amauina le ulufale atu i le Tausaga 1.

4. Pasene o aoga (aoga tulagalua ma aoga mauualuluga) e auai i le Polōkalame a le Matāgaluega e fa’amalosia ai le Tusitusi, Faitautusi, Numera ma le Fa’asaienisi	92%	Ausia	E 211 mai le 215 aoga (98.1%) i Samoa atoa na auai i le polōkalame e fa’amalosia ai le Tusitusi, Faitautusi, Numera ma le Fa’asaienisi 2024.
5. Aofa’i o alagā’oa e tapenaina, siakiina ma lolomiina e vāega ta’itasi o a’oa’oga: - Aoga Amata - A’oa’oga Sauo’o - Aoga Tulagalua - Aoga Mauualuluga	6 alagā’oa mo le ECE e mae’a 6 alagā’oa mo le IE e mae’a 8 alagā’oa mo le Aoga Tulagalua e mae’a 10 alagā’oa mo le Aoga Tulagalua e mae’a 10 alagā’oa mo le TVET e mae’a 6 alagā’oa mo le Cross Cutting e mae’a	Ausia	E 122 le aofa’i o alagā’oa na tapenaina ma tu’u fa’atasia e le Vāega a le CDMD i lenei tausaga fa’aletupe: ➤ Aoaoga Sauo’o: 13 ➤ Aoga Amata: 15 ➤ Aoga Tulagalua: 53 ➤ Aoaoga Mauualuluga: 7 ➤ Matātā Eeseese: 19 ➤ Vāega fa’apitoa mo le Saienisi, Numera, Tusitusi ma le Faitau tusi: 15
6. Aso e fa’alauiloa aloa’ia ai Faiga Fa’avae a le Matā’upu A’oa’oina ma Tusiaoga • Faiga Fa’avae mo le A’oa’o Atu ma le A’oa’oina • Faiga Fa’avae mo le Numera • Faiga Fa’avae mo le Faitau tusi ma le Tusitusi • Faiga Fa’avae mo le Fa’a Saienisi • Faiga Fa’avae o le lua Gagana • Faiga Fa’avae mo Aoga Amata	Fa’alauiloa aloa’ia nei Faiga Fa’avae ia Tesema 2024	Ausia	➤ O faiga fa’avae mo Aoga Amata, Numera ma le Faitau Tusi na fa’alauiloa aloa’ia i le aso 8 Novema 2024 fa’atasi ai ma polokalame fa’alauiloa i le taimi o fa’agasolo a’oa’oga mo faiaoga ae lē gata i lea o fa’alauiloa sa fa’asalalau i televise ma upega tafa’ilagi. ➤ O lo’o fa’aauau pea le fa’alauiloaina o le Faiga Fa’avae mo le A’oa’oina e ala i a’oa’oga mo faiaoga i aoga e fa’aleleia ai lo latou tōmai, a’oa’oga e fa’atino i Itumalō fa’apea ma le Fonotaga Fa’aletausaga sa faia a faiaoga 2025. ➤ O lo’o fa’aauauina pea fa’atalanoaga mo le faiga fa’avae o Matātā eseese e pei ona aofia ai fa’atalatalanoaga amata sa faia ia Aperila i le galulue fa’atasi ma le Vāega a le PPRD.

7. Pasene o Tupe maua e mafai ona aoina	100%	E le'i ausia	E 29% le tupe na mafai ona aoina.
8. Aofa'i o polōkalame e fa'atinoina e lagolago ai aoga e maualalo i'uga o latou su'ega	3 polōkalame	Ausia	O polōkalame uma e tolu (3) e aofia ai asiasiga lagolago mo aoga, fa'alauiloa/ta'iala tau le galuega fa'afaiaoga ma le lagolago mo matā'upu a'oa'oina ma su'ega sa fa'atinoina i lona tūlaga lelei. O nisi o galuega fa'atino na tu'uina atu e ala i isi faiga e aofia ai fa'asalalauga i luga o le upega tafa'ilagi ma le initaneti ma a'oa'oga mo Itumalo nai lo asiasiga masani e fa'atino i aoga. Na mafai ona ausia e le Matagaluega ma o'o atu lenei lagolago i faiaoga ma fanau aoga i Aoga tulagalua, Aoga maualuluga ma aoga matātā eseese.
9. Aofa'i o lipoti o polōkalame atina'e e mae'a ona tu'u fa'atasi	5 lipoti o polōkalame atina'e e mae'a	Ausia se vaega	E fa' lipoti ua mae'a ona tu'u fa'atasia mo polōketi nei o le Imagine Science, Tupe mo A'oa'oga Sau'o, FLE ma le Aoga Amata. O isi lipoti aemaise lava mo polōketi o le Guardian ma le ASI o lo'o fa'agasolo pea lona tu'u fa'atasaiga.
10. Aso e mae'a ai le iloiloga o le Vāega 1 o Matā'upu A'oa'oina mo Aoga Tulagalua	Mae'a le iloiloga ia Iuni 2025	Ausia se vaega	O vāega tetele uma o lenei iloiloga (tusiga, fa'afaigaluegaina ma iloiloga a faufautua mai fafo, toe siakiina ma le faitauina) ua mae'a uma. O le fa'alauiloa aloa'ia ua tolopōina ae o lo'o fa'agasolo pea galuega ina ia mautinoa le mae'a lelei ma atoatoa o le Vāega 1 o le iloiloga.

Vāega 7: Auaunaga mo Fuataga ma Su'ega

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aofa'i o Su'ega Aoao mo Aoga Tulagalua ma Aoga Maualuluga e mae'a ona tapenaina i le taimi fa'atulagaina	SPELL Tausaga 4- 4 SPELL Tausaga 6- 4 SNAPE Tausaga 8-7 SNJSC Tausaga 10- 20 SSLC Tausaga 12 -21	Ausia	O le 56 o le aofa'i o su'ega mo Aoga Tulagalua ma Aoga Maualuluga na fa'amae'aina uma i le taimi fa'atulagaina.

2. Pasene o aoga e mauaina lipoti iloiloga o su'ega ile taimi fa'atulagaina	100% o le 172 aoga tulagalua ma le 41 aoga maualuluga	Ausia	100% ➤ O lipoti o matā'upu uma e 20 SNJSC ma le 21 SSLC na tapenaina ma tufatufaina atu i le taimi o fa'atino fa'atalatalanoaga o i'uga o su'ega mai i le aso 24-28 Fepuari 2025. ➤ O lipoti au'ilili'ili uma e 172 mo le Tausaga 4, 6 ma le 8 na tapenaina fo'i ma tufatufaina i le taimi o fa'atino le fa'atalatalanoaga o i'uga o su'ega i le aso 6–7 Mati 2025.
3. Aofa'i o le aufaigaluega ua a'oa'oina e mata'itū ma va'ava'aia fa'atinoga o Su'ega	250 Aoga Maualuluga ma le 310 mo Aoga Tulagalua	Ausia se vaega	E 397 le aofa'i o le aufaigaluega sa a'oa'oina e mata'itūina ma va'aia le fa'atinoga o su'ega: ➤ Aoga Tulagalua: 318 ➤ Aoga Maualuluga: 79 (o a'oa'oga sa fa'atapula'a lava i le tasi le sui a le aoga e va'aia le fa'atinoga o su'ega ma le fesoasoani e tasi).
4. Pasene o Pule Aoga ua a'oa'oina i lipoti o iloiloga o Fuataga aoao	100% o le 172 Puleaoga o Aoga Amata ma le 41 Puleaoga Aoga Maualuluga	Ausia	100% o puleaoga sa auai i fa'atalatalanoaga o i'uga o su'ega: ➤ Aoga Tulagalua: 172 puleaoga sa auai i le aso 6–7 Mati 2025 ➤ Aoga Maualuluga: 41 puleaoga sa auai mai le aso 24–28 Fepuari 2025
5. Aofa'i o le aufaigaluega ua mae'a ona a'oa'oina i le fa'aleleia o Fuataga o le SSLC	21 le aufaigaluega	Ausia se vaega	E 16 le aofa'i o le aufaigaluega sa a'oa'oina i le siakiina o fuataga o le SSLC. Sa gafatia e lenei numera ona fa'atino le galuega mo aoga maualuluga uma e 41 ma iloiloga o fuataga mo matā'upu uma o le SSLC.
6. Pasene o Fuataga ma Su'ega ua mae'a pāsia aloa'ia i'uga e le Minisitā o Aoga, i totonu o le lua masina mai le aso na mae'a ai fa'atinoga o Su'ega Aoao	100% o le 3 Su'ega mo Aoga Tulagalua ma le 2 Suega mo Aoga Maualuluga	Ausia	O i'uga o Su'ega Aoao uma e 5 (Tausaga 4 & 6 SPELL, Tausaga 8 SNAPE, Tausaga 10 SNJSC & Tausaga 12 SSLC) na fa'amaonia uma e le Minisitā i totonu o le lua masina e pei ona fuafuaina ai ma tufatufaina atu i aoga i le taimi fa'atulagaina.

7. Pasene o Lipoti o Fuataga ma Su'ega ua mae'a tapenaina mo le tu'uina atu i pa'aga i totonu o le 6 vaiaso o le Kuata 1 o Aoga	100% o lipoti e 2 o Suega (1 mo Aoga Tulagalua ma le 1 mo Aoga Mauaululuga	Ausia	Ua mae'a ma tufatufaina uma lipoti o iloiloga o su'ega aoao i Aoga Tulagalua ma Aoga Mauaululuga.
8. Pasene o konekarate mae'a pāsia mai le Ofisa Sili o Pūlega e pei ona lisiina atu. 1. Tagata Faisu'ega 2. Tagata Fa'aleleia Su'ega 3. Tagata Togi pepa su'ega	100% Aperila 2025 –tagata faisu'ega ma fa'aleleia su'ega 100% Oketopa 2025 mo Tagata Togi pepa su'ega	Ausia	O konekarate mo latou e faisu'ega ma le aufaigaluega e fa'aleleia suega sa sainia uma ia Mati 2025.
9. Pasene o Tupe maua e mafai ona aoina	100%	Ausia	E 122% le tupe na mafai ona aoina.
10. Aso ua fa'atulagaina e fa'ailoa aloa'ia ai i'uga o Su'ega Aoao	SPELL - Fepuari 2025 SNAPE -Tesema 2024 SNJSC & SSLC - Ianuari 2025	Ausia	➤ O tusipasi mo su'ega o le Tausaga 8 SNAPE sa tufatufaina i le aso 29 Novema 2024. ➤ O i'uga o su'ega a le SPELL Tausaga 4 ma le 6 sa tufatufaina i le aso 6 ma le 7 Mati 2025. ➤ O i'uga o su'ega o le SSLC Tausaga 12 sa tufatufaina i le aso 23 Ianuari 2025. ➤ O i'uga o su'ega o le SNJSC Tausaga 10 sa tufatufaina i le aso 29 & 30 Ianuari 2025.
11. Aso e fa'alauiloa ma fa'atino ai le Faiga Fa'avae mo Fuataga o Su'ega	Tatala aloaia ma fa'atino le Faiga Fa'avae ia Iulai 2024	Ausia	O le fa'alauiloaina aloa'ia o le Faiga Fa'avae mo Su'ega Aoao ma le fa'alauiloa muamua fo'i lea sa fa'atinoina i le aso 8 Novema 2024 fa'atasi ma faiga fa'avae a le Vāega CDMD. O galuega fa'atino ma le fa'alauiloa tele sa amata ia Ianuari 2025 i le Fonotaga Fa'aletausaga a faiaoga ma fa'aauau mai i le taimi na faia ai fa'atalatalanoaga o i'uga o su'ega ia Mati 2025.
12. Aofa'i o lipoti o au'ililiga o Su'ega e pāsiaina ma tu'uina	1 mo Aoga Tulagalua 1 mo Aoga Mauaululuga	Ausia	Na mae'a uma lipoti au'ililiga e lua mo su'ega a Aoga Tulagalua ma Aoga Mauaululuga i le taimi fa'atulagaina mai ia Mati-Aperila 2025.

atu i aoga i le taimi fa'atulagaina			
-------------------------------------	--	--	--

Vāega 8: Auaunaga mo Faiga Fa'avae, Fuafuaga ma Su'esu'ega

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aofa'i o Lipoti Fa'alekuata e pāsiaina i le taimi fa'atulagaina	4 lipoti fa'alekuata	Ausia	E fa (4) Lipoti o Iloiloga Fa'alekuata ua mae'a ma fa'amaonia i totonu o lenei Tausaga Fa'aletupe.
2. Aofa'i o Faiga Fa'avae fou e fausia ma fa'amaonia	2 Faiga Fa'avae fou	Ausia	E lua ni faiga fa'avae fou na fausiaina ma toe iloilo: ➤ Faiga Fa'avae mo Gagana e lua: ua fa'amaonia e le Komiti Aoao mo Faiga Fa'avae ➤ Faiga Fa'avae mo le Polōkalame Fa'asikolasipi: ua mae'a fa'atalatalanoaga fa'alau'itele O lo'o fa'agāsolo i le taimi nei le tapenaina o le PK mo le tu'uina atu i le Kapeneta.
3. Aofa'i o Faiga Fa'avae e iloiloaina, fa'atalanoaina ma fa'amaonia e le Pūlega	3 Faiga Fa'avae e iloiloaina	Ausia	O faiga fa'avae uma nei ua mae'a ona fa'atino fa'atalatalanoaga i totonu lava o le Matāgaluega ma fafo atu. Ua mae'a ona tu'ufa'atasia ata fa'ata'ita'i o faiga fa'avae ole Pūlega o Aoga ma le Fa'afoega o Aoga ma ua tu'uina atu mo le iloiloga a le Pūlega, ao isi faiga faavae (Iloiloga o le galuega fa'afaiaoga, Polōkalame mo le fa'aleleia o tōmai o faiaoga, Matātā Eeseese ma Feso'otaiga Fa'atekonolosi mo Aoga) ua lata ina faamae'a uma ona tu'ufa'atasia.
4. Aofa'i o su'esu'ega e fa'atinoina ma tu'uina atu lipoti i le Pūlega	2 pepa o sa'ililiga e tu'uina atu i le Pūlega	Ausia	➤ E lua ni su'esu'ega tetele ua mae'a ona tu'ufa'atasia ma tu'uina atu i le Pūlega a le Matāgaluega o Aoga ma Aganu'u. ➤ O isi su'esu'ega e lua o lo'o fa'agasolo pea ma tālia se fa'amaoniga.

5. Aso e tu'uina atu ai le Lipoti Fa'aletausaga 2023/2024 a le Matāgaluega i le Kapeneta	Tu'uina atu le Lipoti Fa'aletausaga i le Kapeneta ia Oketopa 2024	Ausia	O le Lipoti Fa'aletausaga mo le Tausaga Fa'aletupe 2023/24 sa fa'amae'aina ma fa'amaonia e le Pūlega i le aso 8 Novema 2024 ma tu'uina atu i le Minisitā i le aso 22 Ianuari 2025. Na fa'amaonia aloa'ia e le Kapeneta i le aso 13 Fepuari 2025. I le tausisia o taualumaga a le Palemene, e 80 kopi o le Lipoti Fa'aletausaga na lolomiina ma tu'uina atu i le aso 11 Mati 2025 i le Fono Aaoa Faitūlāfono mo le tu'uina atu i luma o le Palemene.
6. Aso e mae'a ai ona lolomiina le Tusi mo Fa'amaumaga Fa'afuainumera 2024 a le Matagāluega	Lolomiina le Tusi mo Fa'amaumaga ia Aukuso 2024	Ausia	O le Lipoti Fa'afuainumera a le Matāgaluega o Aoga ma Aganu'u 2024 na fa'amaonia e le Pūlega i le aso 4 Tesema 2024.
7. Aso e mae'a ai le asiasiga mo le fa'amautūina o numera o tamaiti i Aoga Amata	Mati 2025	Ausia	E lua (2) asiasiga i Aoga Amata sa fa'atautaia i lenei tausaga fa'aletupe: ➤ O le asiasiga muamua na faia i le aso 2–17 Setema 2024 ➤ O le asiasiga lona lua na faia i le aso 3–28 Mati 2025
8. Aso e tu'uina uma mai ai i le Matagāluega pepa o le SEN ma le CENSUS a aoga	Mati 2025	Ausia	E 169 aoga ua mae'a ona tu'uina mai a latou fa'amaumaga i le aso 28 o Mati ae o le 48 o aoga na totoa sa tu'uina uma mai i le aso 17 Aperila 2025.
9. Aso e fa'amae'aina ai le Fuafuaga Autasi fou a le Matāgaluega o Aoga ma Aganu'u	Novema 2024	Ausia	O le Fuafuaga Autasi fou a le Matāgaluega o Aoga ma Aganu'u 2025–2028 na faamae'aina ia Iuni 2025 ma o lona tatalaina aloa'ia ua tolopōina se'ia tula'i mai se Malō fou.
10. Aso e mae'a tu'ufa'atasi ai le Fuafuaga Fa'aletausaga a le Matāgaluega mo le TF2025/2026	Iuni 2025	Ausia se vaega	Na tu'uina atu le fesoasoani a le PPRD i vāega uma a le Matāgaluega i a latou Fa'ailoilo o galuega fa'atino mo le Tala Fa'atatau o le Tupe 25/26 ma o le tapenaga muamua sa tu'uina atu i le Matāgaluega o Tupe i le aso 19 Fepuari 2025. O le tapenaga fa'ai'u na toe tu'uina atu i le Matāgaluega o Tupe i le aso 14 Aperila 2025 ma o lo'o tūmau pea le tala o le tupe ao tālia ai le fa'amaoniga a le

			Palemene. E ui i lea, na fautuaina pea Vāega uma e amata tapena ma tu'ufaatasi a latou fuafuaga fa'aletausaga fou e fa'aogaina ai le tapenaga fa'ai'u a le Matāgaluega e pei ona tu'uina atu i le Matāgaluega o Tupe. O lo'o fa'aauau pea lenei galuega mo le tu'ufaatasia o fuafuaga fa'aletausaga fou ma Vāega uma o le Matāgaluega.
11. Pasene o fa'ailoilo o faiga fa'avae ua fa'atino ma fa'ailoa le fa'agasologa	100%	Ausia	Sa fa'atino iloiloga mo Fa'ailoilo o Faiga Fa'avae i lenei tausaga fa'aletupe ma fa'aogaina mo iloiloga o faiga fa'avae. O lo'o fa'aauau pea le mata'itūina o faiga fa'avae fou a le Matāgaluega o Aoga ma Aganu'u 2024-2029 ma le fa'atinoga o galuega mo le tausaga muamua e amata lea i le TF25/26.
12. Aofa'i o lipoti e tu'ufa'atasia i le fa'agasologa o le fa'atinoina o fa'ailoilo uma o Faiga Fa'avae	100% ua mae'a	Ausia	Sa tapenaina se lipoti o iloiloga o fa'ailoilo o faiga fa'avae ma tu'uina atu i le Pūlega i le Kuata 2 o lenei tausaga fa'aletupe. O lo'o iai le fuafuaga e tu'uina atu le isi lipoti o le fa'agāsologa o faiga fa'avae fou ma se folasaga i le Pulega i le Kuata 2 o le tausaga fa'aletupe fou 25/26.
13. Aofa'i o talosaga mo su'esu'ega mai fafo atu ole Matāgaluega na tu'uina mai mo le fa'amaoniga	Pe ā talosagaina	Ausia	E fa (4) le aofa'iga o talosaga mo su'esu'ega na tu'uina mai fafo o le Matāgaluega, e tolu ua fa'amaonia ma le tasi o lo'o fa'atali fa'amaumauga fa'aopopopo e pei ona toe talosaga ai.
14. Pasene o aoga e tu'uina mai latou fa'amaumauga o le SEN ma le CENSUS i le imeli ma isi auala fa'atekonolosi	70%	Ausia se vaega	E 131 mai le 217 aoga (60%) na tu'uina mai a latou fa'amaumauga o le SEN ma le CENSUS e fa'aogaina ai le imeli.
15. Aofa'i o lipoti o iloiloga o fa'amaumauga e tapenaina mo faai'uga fai a le Pūlega	2	Ausia se vaega	Sa tapenaina se pepa o le iloiloga atoatoa o Tapula'a Mo'omia mo Aoga ma sa tu'uina atu i le Pūlega. Sa galulue fa'atasi ai le Vāega o Fa'afoega o Aoga, Mata'upu A'oa'oina ma Tusi Aoga, Vāega e fa'aleleia Tōmai o Faiaoga, Vāega o A'oa'oga ma le Vāega o Faiga Fa'avae, Fuafua ma Su'esu'ega. O le tusi fou mo Tapula'a Mo'omia mo Aoga i le mae'a ai o iloiloga, o le ā amata fa'aogaina i le tausaga fa'aletupe fou.

16. Aso e tu'uina atu ai pepa fesili o le UIS i le UNESCO	Mati 2025	Ausia	O le pepa fesili o le UIS na tu'uina atu i le UNESCO ma le EQAP i le aso 30 Aperila 2025.
17. Talosaga mo fa'amaumauga tau aoaoga e talosagaina mai fafo ma totonu lava o le Matāgaluega	Pe ā talosagaina	Ausia	E 109 le aofa'iga o talosaga mo fa'amaumauga na fa'amauina ma tapenaina ma e aofia ai le 70 o talosaga i totonu lava o le Matāgaluega ma le 39 o talosaga mai fafo.

Vāega 9: Auaunaga mo le Pūleaina o Aseta a le Matāgaluega

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Pasene o aoga e a'oa'oina i Ta'iala mo le fa'atinoina o le Fesoasoani Tupe a le Malō	100% o le 342 aoga	Ausia	Fa'aauauina pea a'oa'oga talafeagai ma ta'iala mo tagata faigaluega (puleaoga fou, sui o komiti ma aoga amata).
2. Pasene o aoga ua sainia maliega o Fesoasoani Tupe a le Malō	100% o le 342 aoga	Ausia	O aoga e (335 mai le 341) tusa lea o le 98%, ua mae'a sainia maliega ma maua fesoasoani tupe mai le Malō. E ono (6) aoga na tapunia ma o le ala lea e 2% e le'i mauaina ni fesoasoani tupe.
3. Pasene o aoga o lo'o tausisia le maliega ma le Tusi Ta'iala o le Fesoasoani Tupe a le Malō	100% o le 342 aoga	Ausia	100% o aoga o lo'o fa'atinoina le tausisia pea o le maliega o le OGG ma le Tusi ta'iala o lo'o fa'avae i le fa'amaoniga o aseta, lipoti o fesili ma le taulimaina o le lē tausisia o ta'iala.
4. Pasene o galuega fa'aleleia e fa'atinoina ma mae'a mo le Matāgaluega	100% o galuega fa'aleleia o lo'o talosagaina e le Matāgaluega e mae'a ona fa'atinoina	Ausia	100% E 17 ua mae'a ona talosagaina galuega toe fa'aleleia ma ua mae'a fa'atinoina, tusa pe o ni galuega tetele po'o galuega fa'aleleia e masani ona fa'atino i aso ta'itasi.
5. Pasene o fale ma aseta a le Matāgaluega e inisiua	100%	E le'i ausia	O lo'o fa'agasolo faiga tau inisiua ae pe'itai o le 100% o fale o le Matāgaluega ma aseta e le'o inisiuaina.
6. Aofa'i o faleaoga fou e fausia ma faleaoga e toe fa'aleleia	E fa'agasolo pea	Ausia	E ono (6) le aofa'i o aoga ua mae'a le polōketi o faleaoga e aofia ai faletele fou e 4 ma faleaoga fou e 2.

Vāega 10: Auaunaga tau Faletusi

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aofa'i o polōkalame fa'atinoina e fesoasoani ai i matā'upu a'oa'oina ma le faitautusi	5 polokalame	Ausia	E 97 le aofa'i o polōkalame sa fa'atinoina i matā'upu a'oa'oina ma le faitau tusi i lenei Tausaga Fa'aletupe: ➤ Polōkalame faitau tusi: 90 ➤ Polōkalame e fa'atino i autū filifilia: 7
2. Pasene o Tupe maua e mafai ona aoina	100%	Ausia	E 155% le tupe na mafai ona aoina.

Vāega 12: Auaunaga mo le atina'eina o le Aganu'u

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aofa'i o polōkalame fa'aleaganu'u ma galuega fa'atino e fa'alauiloa ai tū ma aga fa'aleaganu'u ma measina a Samoa	12 polōkalame fa'aleaganu'u	Ausia	E luasefulu (20) le aofa'i o polōkalame na fa'atinoina e le soāvaega o Aganu'u i lenei Tausaga Faaletupe.
2. Aofa'i o Fa'afiafiaga e fa'atinoina e le Gigiliulaofātuga	32 fa'afiafiaga	E le'i ausia	Sa tu'uina atu e le vāega a le Gigiliulaofātuga ni fa'afiafiaga fa'alaua'itele e 10 i lenei Tausaga Fa'aletupe.
3. Aofa'i o polōkalame fa'alauiloa o falemata'aga e tautuaina le tāua o le fa'asao, malu puipuia ma le fa'alauiloaina o tala fa'asolopito ma le aganu'u a Samoa	10 polōkalame fa'alauiloa	Ausia se vaega	E ono (6) le aofa'i o polōkalame fa'alauiloa a le Falemata'aga na fa'atinoina i lenei Tausaga Fa'aletupe.
4. Aofa'i o tagata e asiasi i le Falemata'aga o Samoa	2000 tagata asiasi	Ausia	E 2,164 le aofa'i o tagata asiasi na fa'amauiina e le Falemata'aga i lenei Tausaga Faaletupe.
5. Aofa'i o faigā pa'aga i fafo ma le Falemata'aga ma	10 meatōtino faaleaganu'u 1 faigā pa'aga e sainia	Ausia se vaega	Sa taulimaina e le Falemata'aga ni foa'i o mea faitino e tolu ma fa'amae'aina le sainia o maliega e 2 o faigā pa'aga i lenei Tausaga Fa'aletupe.

meatōtino e foa'i mai fa'ameaalofa			
6. Pasene o Tupe maua e mafai ona aoina	100%	Ausia	E 121% le tupe na mafai ona aoina.

Vāega 14: Auaunaga mo le lagolagoina o le Vāega o A'oa'oga

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aso e mae'a ai le Lipoti fa'aletausaga 2023-24 a le Vāega o A'oa'oga ma fa'amaonia e le Komiti Fauautua	Mati 2025	Ausia	O le Lipoti Fa'aletausaga a le Vāega o A'oa'oga TF23/24 sa fa'amaonia ma pāsia e le Komiti Fauautua i le aso 19 o Iuni 2025 i le mae'a ai o feutana'iga ma le fa'agasologa o fa'atalanoaga.
2. Aso e toe lauliliu ma iloilo ai le MTEF ma le M&E	Tesema 2024	Ausia	O le iloiloga ole MTEF, MEL ma le fa'atautaiga o tūlaga lamatia, ua mae'a ona fa'amaonia e le Komiti Fauautua ma ua aofia i totonu o le Fuafuaga a le Vaega o Aoaoga 2025-2030.
3. Aso e mae'a ai le lipoti mata'itūina ma tūlaga o fa'atinoga (%) o Faiga Fa'avae ma Ta'iala o le Fuafuaga a le Vāega o A'oa'oga 2019-2024	Iuni 2025	Ausia	O le iloiloga ma le toe fa'afouga o Faiga Fa'avae ma Fuafuaga a le Vāega o A'oa'oga o lo'o fa'aauauina pea ma mata'itūina e ala i le Komiti o Su'esu'ega ma le Komiti Galulue ae o le fa'amaoniga mulimuli a le Komiti Fauautua o lo'o tālia pea.
4. Aso e tu'uina mai ai le fa'amaoniga mai le Komiti Fauautua mo le Fuafuaga o le atina'eina o tōmai ma agava'a a le Vāega o A'oa'oga 2023	Iuni 2025	Ausia	O le fuafuaga mo le Atina'eina o Tōmai ma Agava'a a le Vaega o A'oa'oga sa fa'amaonia e le Komiti Galulue i le aso 30 Oketopa 2024 ma mulimuli ane ona pāsia e le Komiti Fauautua i le aso 13 Fepuari 2025.
5. Aso e mae'a ai le Fuafuaga fou a le Vāega o A'oa'oga ma poloōkalame fa'alauiloa mo lea Fuafuaga Fou	Iuni 2025	Ausia	O le fa'amautūina o le Fuafuaga fou a le Vāega o A'oa'oga 2025-2030 ma le fa'amaoniga a le Komiti Fauautua na ausia lea i le aso 19 o Iuni 2025. O le tatalaina aloa'ia ma fa'alauiloa ua tolopōina se'ia tula'i mai se malō fou.

Vāega o lo'o Va'ava'aia o Tagata Faigaluega

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Mata'itūina galuega a le aufaigaluega a le Matāgaluega	100%	Ausia	➤ 77 tofiga fou na faia i lenei tausaga fa'aletupe e aofia ai tagata faigaluega ofisa, faiaoga ma avanoa faa-ofisa sili lagolago. ➤ O le mata'itūina o le auai ai o le aufaigaluega i galuega o lo'o fa'aauauina pea e ala i le fa'aogaina o masini (biometric). ➤ O le tuai ma le fa'aitiitia o itula faigaluega, o lo'o lipoti pea vāega nei ina ia fa'amautinoa le tali atu ma le manino o fa'amaumauga. ➤ Ua maitauina le fa'aleleia o le tūlaga o le auai o le aufaigaluega ina ua mae'a ona tu'uina atu ai fautuaga. ➤ E 2 Polōkalame Fa'alauiloa amata Fa'aletausaga na faia mo tagata faigaluega fou (Tesema 2024 ma Me 2025). ➤ E tolu lipoti fa'alekuata na mae'a ona saunia, fa'amaonia ma tu'uina atu i le PSC i totonu o lenei tausaga fa'aletupe.
2. Fa'amaopopoina o STSC ma pepa e tu'uina atu i le Kapeneta mo malaga a le aufaigaluega i fafo	100%	Ausia	➤ E 8 le aofa'i o STSC na fa'amautuina ma fa'amaonia mo le aufaigaluega sa malaga mo fonotaga fa'alegaluega i lenei tausaga fa'aletupe. ➤ O le polōkalame o le "Fa'asoa le Tōmai" na fa'atūina ma muamua ona amatalia lona faiga i le aso 24 o Iuni 2025 ina ia si'itia ai le silafia, galulue fa'atasi ma le fa'aogaina o le tōmai mai a'oa'oga sa auai atu ai i atunu'u i fafo e fa'asoa atu i le Matāgaluega atoa.

3. Fa'atinoga mo matā'upu tau solia o tūlāfono o amio taipulea	100%	Ausia	O matā'upu e pei o le amio pūlea ma fa'aseā sa fa'atautaia uma e tusa ai ma ta'iala a le aufaigaluega a le Malō. E fitu (7) matā'upu tau le amio pūlea ma le valu (8) matā'upu fa'aopoopo sa fa'afoeina, fa'amautinoa le tali atu, tausisia o tūlaga fa'atonuina ma le fa'amalosia lelei o le Tūlāfono o Amioga Pūlea i le aufaigaluega atoa.
4. Fa'atinoina o fuafuaga o galuega fa'atino mo le aufaigaluega atoa	70%	Ausia	E 99% le aofa'i o fuafuaga o galuega fa'atino a le aufaigaluega ua mafai ona aoina mai.
5. Fa'atinoina o le iloiloga o fa'atinoga o galuega mo le aufaigaluega atoa	70%	Ausia	E 90% le aofa'i iloiloga o galuega fa'atino a le aufaigaluega ua tu'uina mai.
6. Fuafuaga o le atina'eina ma le fa'aleleia o agava'a mo le aufaigaluega a le Matāgaluega ua mae'a ma fa'agasolo lona fa'atinoga	1	Ausia se vaega	➤ E 90% o le iloiloga mo vāega e mo'omia ona fa'atino ai a'oa'oga mo le aufaigaluega ua mae'a, ua fa'aailoa mai ai polōkalame e fa'amuumua mo le atina'eina o agava'a e fa'amalosia ai le malamalama o le aufaigaluega ma latou matāfaioi autū. ➤ O fa'atalanoaga fa'alotoifale ma le aufaigaluega ma ofisa sili lagolago, sa mua'i fuafuaina mo Me 2025 ae peita'i ua toe tolopō i le tausaga fa'aletupe fou e fa'amautū ai a'oa'oga e ao ona ave ai le fa'amuumua.
	1		

7. A'oa'oga mo le si'itia o le tōmai o le aufaigaluega a le Matāgaluega	70%	Ausia	➤ E 30 le aufaigaluega na auai atu i atunu'u i fafo i a'oa'oga ma polōkalame e si'itia ai le tōmai ma agava'a. ➤ E 17 lipoti na tu'uina atu i le HR mai i le aufaigaluega sa auai atu i nei polōkalame. ➤ O lo'o fa'atino polōkalame fa'alauiloa amata ma fa'aaauau pea feso'ota'iga ma le aufaigaluega i vāega tau Faiga Fa'avae o le WCEM 2015, Tūlāfono a le PSC 2004, faiga fa'avae tau HR ma le fa'alauiloa o le Talofa ma le laufofoga fiafia. ➤ O lipoti o le biometric ma fa'amanatu masani o lo'o tu'uina atu pea i le aufaigaluega ma ofisa sili lagolago e fa'amautinoa ai le tausisia o itulā faigaluega, fa'asalaga, ma ta'iala e ao ona mulimulita'i i totonu lava o le Matāgaluega. ➤ Na fa'atinoina le tu'uina atu o fautuaga i le aufaigaluega e ala i polōkalame fa'alauiloa amata ma iloilogia ina ia fa'aleleia atili ai polōkalame mo le si'itia o agava'a o le aufaigaluega. ➤ O faiga e tali atu e ala i le toe fa'amanatu o Polōkalame Fa'alauiloa ma mua'i lafo iloilogia sa fa'atinoina ina ia si'itia le agava'a ma fuafuaga i le lumana'i. ➤ O lesona tāua ua maua mai polōkalame ua mae'a fa'atinoina o le a ta'ialaina ai le fa'aleleia o iloilogia ma polōkalame o le ā fa'atinoina i le lumana'i.
--	------------	--------------	---

8. Fa'amaopoopo ma tu'ufaatasi fuafuaga ma ta'iala mo Tagata Faigaluega	1	E le'i ausia	➤ O le Fuafuaga ma le Ta'iala mo le Aufaigaluega ua toe tolopōina ma fuafuaina e fa'atino i le Tausaga Fa'aletupe 25/26. ➤ O le Vāega 3 o le toe iloilogā o le fa'atulagaga o le Matāgaluega o lo'o fa'aauuina pea fa'atasi ai ma feutaga'iga ma le PSC o lo'o tālia pea. ➤ O lo'o tu'ufaatasia i le taimi nei se tusi e au'ilili ai auaunaga o lo'o fa'atino e le Matāgaluega i ona vāega ta'itasi. ➤ O le Fuafuaga fo'i mo atina'ega o tōmai o le aufaigaluega o lo'o tu'ufaatasia i le taimi nei ma e fa'amoemoe e ta'atia mai se ata fa'ata'ita'i i le Tausaga Fa'aletupe 25/26.
9. Fa'amaopoopo fuafuaga ma iloilogā o galuega fa'atino a le aufaigaluega fa'akonekarate	70%	Ausia	➤ O lo'o fa'aauuina pea ona ave fa'amanatu e le HR mo le aufaigaluega fa'akonekarate e tu'uina atu a latou iloilogā ma le fa'atinoga o galuega i le PSC i luga ole taimi fa'atulagaina. ➤ Na tu'uina atu e le Pūlega a latou iloilogā ma fa'atinoga o galuega i le Ofisa Sili o Pūlega ia Iuni 2025.
10. Soifua Maloloina ma le Saogalemu i le galuega	1 le faata'ita'iga	E le'i ausia	➤ O le fuafuaga muamua o lo'o aofia ai le fa'afeso'ota'i o le MCIL mo se fautuaga talafeagai mo se fa'ata'ita'iga mo le MEC. ➤ Ua fuafua e fa'atinoina lea tūlaga mo le Tausaga Fa'aletupe fou.

Vāega o Fa'amaumauga Fa'atekonolosi ma Feso'ota'iga

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Pasene o aoga o lo'o mautū feso'ota'iga fa'atekonolosi	75%	E le'i ausia	E 17% (29 aoga) o lo'o mautū a latou feso'ota'iga fa'atekonolosi.

2. Pasene o aoga o lo'o maua le avanoa i le fa'aogaina o alagā'oa fa'atekonolosi a le Matāgaluega	75%	Ausia	E 87% (190 aoga) o lo'o mafai ona mauaina le avanoa e fa'aogaina ai alagā'oa fa'atekonolosi a le Matāgaluega e ala i masini.
3. Pasene o aoga e fa'aogaina alagā'oa fa'atekonolosi a le Matāgaluega mo a'oa'oga	20% e si'itia ai le fa'amatalaga fa'avae	Ausia se vaega	➤ 15% (257) o lo'o fa'aogaina le polōkalame ole Moodle. ➤ 87% (190) o aoga o lo'o fa'aogaina masini fa'akomepiuta ma puna'oa fa'atekonolosi mo a'oa'oga.
4. Pasene o faiaoga ua mae'a ona a'o'aina i le fa'aogaina o auaunaga fa'atekonolosi i a'oa'oga	30% e si'itia ai le fa'amatalaga fa'avae	Ausia se vaega	E 11% (182) o faiaoga sa a'oa'aina i totonu o lenei Tausaga Fa'aletupe 2024-25.
5. Aso e mae'a ai le faiga fa'avae mo fa'amaumauga ma feso'ota'iga fa'atekonolosi mo a'oa'oga	Aso e fa'amaonia ai le faiga fa'avae- Novema 2024	Ausia se vaega	Na iloga le alualu i luma o lenei galuega i le fausiaina o le Faiga Fa'avae tau Fa'atekonolosi mo A'oa'oga i lenei tausaga fa'aletupe e ala lea i le galulue fa'atasi ai ma le PPRD ma le faufautua ia Judith Guy. O fautuaga mai le faufautua na avea ma ta'iala taua i le fausiaina o le faiga fa'avae atoa. Na fa'atautaia foi fa'atalanoaga fa'alauaitele ia Aperila i aoga i Upolu ma Savai'i, ma o fa'atalanoaga fa'ai'u ua fuafuaina lea mo le isi tausaga fa'aletupe.
6. Aso e mae'a ai ma fa'alauiloa aloa'ia le polōkalame o le SEMIS	Aso fa'atulagaina mo le fa'alauiloa aloa'ia o le SEMIS - Novema 2025	Ausia se vaega	O le polōkalame ua ta'ua o le SEMIS (PacSIMS) ua mae'a ona fausiaina ma fa'atino fa'ata'ita'iga ma o a'oa'oga mo le aufaigaluega i le fa'aogaina o lenei polōkalame ua fa'atulagaina lea mo le Kuata 1 o le TF2025/26.
7. Fa'aleleia atili o le auaunaga fa'atekonolosi i le Matāgaluega	100% le fa'agaioiga	Ausia	100% le fa'agaioiga o le auaunaga fa'atekonolosi i le Matāgaluega.
8. Aofai o fa'atasiga e faia i le Matāgaluega e aofia ai le fa'aogaina o molī ma masini fa'aleotele leo	2% e si'itia ai le fa'amatalaga fa'avae	Ausia	O molī ma masini fa'alogo leo na fa'aogaina mo le 50 o polōkalame ma fa'atasiga na fa'atinoaina i lenei tausaga fa'aletupe, e aofia ai le 24 fa'afiafiaga mai fafo e fa'aogaina ai fale o le Matāgaluega ma le 26 tu'ufa'atasiga a le Matāgaluega lava ia e aofia ai sauniga lotu, fonotaga ma isi polōkalame fa'atino.

9. Aofa'i o fa'alauiloa ma fa'asalalauga fa'alaua'itele ua fa'asalalauina: - Vitiō fa'alauiloa - Fa'asalalauga - Pepa fa'asalalau - Auaunaga mo fa'amaumauga fa'atekonolosi ma feso'ota'iga i galuega tau a'oa'oga	2% e si'itia ai le fa'amatalaga fa'avae	Ausia	E 14 vitiō fa'alauiloa, 76 fa'asalalauga, 164 fa'asalalauga i luga o le upega tafa'ilagi e pei o le Facebook, fa'asalalauga fa'alaua'itele ma le 24 fa'asalalauga a le Vāega a le ICT tau a'oa'oga na fausiaina ma tufatufaina.
10. Aofa'i o polōkalame o le Fa'ailo Ao e pu'eina ma tu'ufa'atasia mo a'oa'oga	2% e si'itia ai le fa'amatalaga fa'avae	Ausia	E 21 le aofa'iga o polōkalame o le Fa'ailo Ao na pu'eina mo le TF 24/25.
11. Aofa'i o polōkalame o le Lā Oso na tapenaina ma tu'ufa'atasia mo a'oa'oga	10% e si'itia ai le fa'amatalaga fa'avae	E le'i ausia	E leai ni polōkalame a'oa'oga a le Lā Oso na pu'eina ma fa'asalalauina i lenei tausaga fa'aletupe.
12. Fa'asalalauga fa'alaua'itele i luga o upega tafa'ilagi ma le initaneti	5% e si'itia ai le fa'amatalaga fa'avae	Ausia	O le polōkalame o le Fa'ailo Ao ma feso'ota'iga fa'asalalau a le Matāgaluega i luga o upega tafa'ilagi, ua fa'aosofia ai le tele o tagata lautele e silia lea ma le 43,000 e mulimulita'i ai ma ua fa'alauteleina ai feso'ota'iga ma fa'alauiloa a le Matāgaluega e fa'aogaina ai luga o upega tafa'ilagi.

Vāega tau Tupe

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Mata'itū faiga tau tupe mo le Matāgaluega	100%	Ausia	➤ O lipoti uma o le 12 masina na mae'a tapenaina, mata'itūina o auaunaga a vāega ta'itasi, galuega e avea ai ma sui o le malō ma le pāketi lagolago. ➤ E 2,034 le aofa'i o TY atoa na tapenaina e le vāega tau tupe. ➤ Tupe totogi ua mae'a: 1,699 ➤ Tupe totogi e fa'aogaina ai siaki: 884 ➤ Pepa mo le okaina o oloa: 1,150

			➤ O lipoti fa'alekuata uma e 4 i vāega tau tupe ua mae'a tu'uina atu i le PPRD. ➤ Tupe totogi e le'i totogiina (ua silia ma le 15 aso faigaluega):128 ➤ Fesili mai le Matāgaluega o Tupe ma le Ofisa o le Su'etusi ua mae'a ona tu'uina atu ai tali a le Matāgaluega: 220 ➤ Lipoti o mea ta'itasi (acquittal reports) ua tu'uina atu: 9; tupe fa'aaluina mo mea lāiti (petty cash): 15 ➤ E leai ni talosaga fa'aopoopo o le tala o le tupe i lenei tausaga fa'aletupe ➤ Tala fa'atatau o le pāketi muamua na tu'uina atu i le Matāgaluega o Tupe ia Fepuari 2025 ma le iloiloga lonalua ia Aperila 2025. ➤ Iloiloga fa'aogatotonu na tu'uina atu i le Matāgaluega o Tupe i le aso 13 Mati 2025. ➤ O talosaga mo tupe fa'amatu'u mai na tu'uina atu i le Matāgaluega o Tupe: 41 ➤ Tusi o fa'amaumauga tau tupe (cash books): 15 ➤ Mata'itūina o le aoina o tupe maua na fa'atinoina i māsina uma ➤ Fa'amaumauina o tupe a le Matāgaluega: 13 ➤ Tulituliloaina fa'alemasina o tupe totogi: 174
--	--	--	---

Vāega tau Pūleaina o Fa'amaumauga ma Ta'avale

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Fa'afoe lelei o fa'amaumauga ma lona teumaluina fa'atasi ai ma le pūleaina lelei o ta'avale mo femalaga'iga	100%	Ausia	➤ O meli i le vā o motu: 22 meli tufatufaina ➤ Meli na tufatufaina i totonu o le Matāgaluega: 4,177 fa'amaumauga ➤ Fa'afailaina o fa'amaumauga: 4,065 faila ua mae'a, e aofia ai faila fou e 203 mo tagata faigaluega fou, 75 faila mo matā'upu fou ma le 65 o faila avanoa. ➤ Fa'amaumauga teumaluina: 410 faila na teuina e

			aofia ai le 373 faila tau tagata faigaluega ma le 73 faila o fetusiaiga. ➤ Polōkalame fa'alauiloa mo aveta'avale: ua mae'a polōkalame nei mo aveta'avale uma i tūlaga i faiga fa'avae tau femalaga'iga ma Ta'iala o le fa'aogaina o ta'avale a le Matāgaluega. ➤ Asiasiga mo ta'avale: sa fa'atinoina nei asiasiga i le tausaga fa'aletupe atoa ➤ Tausia lelei ma le fa'aleleia o ta'avale: 11 ta'avale ua toe fa'aleleia vāega sa fa'aletonu ma le 22 taavale sa fa'atino siaki masani. ➤ Inisiua: ua mae'a ona fa'afouina inisiua mo ta'avale uma ➤ Lipoti o ta'avale ua fa'aletonu: e 2 ni fa'alavelave na lipotia mai ma tu'uina atu i le Matāgaluega o Tupe. ➤ Lipoti: e 43 lipoti fa'alevaiaso mo le fa'aogaina o ta'avale na tapenaina i lenei tausaga fa'aletupe. ➤ Ta'avale mo Su'ega Aoao: sa tapenaina uma ta'avale mo'omia mo Su'ega Aoao 2024 mo Aoga Tulagalua ma Aoga Mauafuluga i Upolu ma Savai'i ➤ Faiga fa'avae tau femalaga'iga mo ta'avale a le Matāgaluega: ua mae'a tu'uina atu se ata fa'ata'ita'i o lenei faiga fa'avae i le Sui Ofisa Sili mo lana iloiloa ma o lo'o faagasolo pea lenei galuega.
--	--	--	---

Vāega tau Lomitusi

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aofa'iga o lomiga sa lōmia e fesoasoani ai i a'oa'oga	2,000 lōmiga	Ausia	➤ 4,600 Tusipasi o le SNAPE ➤ 300 Tauvala'auga mo Aoga Amata ➤ 3,000 Tauvala'auga mo le Aoga Tulagalua a Samoa ma le Kolisi ➤ 4,691 alagā'oa mo a'oa'oga na fa'atinoina i aoga ➤ 2,089 alagā'oa mo polōkalame o le Faitautusi ma le

			Numera
2. Aso na mae'a fa'atino ai le lolomiina o pepa su'ega SPELL	30 Setema 2024 40,000	Ausia	E 82,420 pepa suega mo le SPELL Tausaga 4 ma le 6 ua mae'a lolomiina.
3. Aso na mae'a fa'atino ai le lolomiina o pepa su'ega SNAPE	30 Setema 2024 30,000	Ausia	Tausaga 8 SNAPE: e 48,540 pepa su'ega ua mae'a lolomiina mo matā'upu uma.
4. Aso na mae'a fa'atino ai le lolomiina o pepa su'ega SNJSC	31 Oketopa 2024 15,000	Ausia	Tausaga 10 SNJSC: e 31,630 pepa su'ega ua mae'a lolomiina.
5. Aso na mae'a fa'atino ai le lolomiina o pepa su'ega SSLC	31 Oketopa 2024 15,000	Ausia	Tausaga 12 SSLC: e 34,100 pepa su'ega ua mae'a lolomiina.
6. Aofa'iga o Lōmiga a le Matāgaluega sa lolomiina e le Vāega Lomitusi	2000 lōmiga	Ausia	➤ Lipoti: 3,560 na lolomiina ➤ Tusi Ta'iala: 7,074 lolomiina ➤ Alagā'oa mo a'oa'oga ma su'ega: 164 alagā'oa mo a'oa'oga ma le 350 alagā'oa mo su'ega na lolomiina ➤ Faiga Fa'avae: 1,103 pepa na lolomiina ➤ Pepa mo Folasaga ma isi a'oa'oga: 5,730 pepa na lolomiina
7. Aofa'iga o galuega sa fa'atino mo le fa'atumauiina o le lelei o le masini Lomitusi	2	Ausia	E 2 ni galuega fa'aleleia mo le fa'atumauiina o le lelei o masini lomitusi sa fa'atautaia ma ua fa'amaeaina.
8. Pasene o siaki fa'alesoifua malōlōina mo tagata faigaluega a le Vāega Lomitusi	100%	Ausia	Ua mae'a ona fa'atino siaki fa'alesoifua malōlōina a le aufaigaluega lomitusi uma i lenei tausaga fa'aletupe ina ia mautinoa lo latou soifua malōlōina ma le saogalemū i galuega.

Vāega tau Totogi o Tagata Faigaluega

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Ia tausisia ta'iala ma faiga fa'avae e fa'alagolago i le fa'atinoga o galuega e gafataulimaina	100%	Ausia	➤ Mata'itūina o le Biometric: 740 lipoti na fa'atinoina ➤ Teugātupe mo aitalafu na faia: 2 (fa'aleagaina meatōtino a le Malō ma le silia ma le tupe ua fa'atulagaina e totogiina) ➤ Tusi fa'amaumauina: 1 na tapenaina ➤ Pepa TY15 na tapenaina: 1,989

			➤ Tu'ufa'atasiga o fa'amaumauga mo totogi: 506 ➤ Fa'afou le resitala mo galuega tau totogi o lo'o fa'agāsolo pea: numera o EC ua fa'amauina: • Kuata 1 – EC066–EC3461 • Kuata 2 – EC347–EC420 • Kuata 3 – EC421–EC484 ➤ Mata'itūina fa'alemasina o tupe fa'aalu: 4 lipoti ➤ Totogi a le aufaigaluega mo le lua vaiaso: 25 lipoti na tapenaina ➤ Fausiaina o le fa'atonufoiau mo totogi a le aufaigaluega: ua iai nei le ata fa'ataitai o lenei fa'atonufoiau i lona iloilo fa'ai'u ma ua fuafua e fa'amae'aina i le isi tausaga fa'aletupe. ➤ Fesili a le Matāgaluega o Tupe: e na'o le tasi le tūlaga tau tupe fa'amatu'u o lo'o tālia pea. ➤ Fa'afailaina o Fa'amaumauga: 1,360 faila ua mae'a ona failaina ➤ Tūlaga tau puleaina o amioga ma fa'asea: 3 matā'upu na taulimaina
--	--	--	---

Vāega e Pūleaina ma Mata'itūina Aseta

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Ia mautinoa le lelei ma le tausisia o le pūleaina ma le va'aiga o Aseta a le Matāgaluega	100% le tausisia o faiga fa'avae o le pūleaina o aseta ma taimi fa'atulagaina e fa'agata ai lipoti	Ausia	➤ Aseta e lipoti i le Pulega: sa tapenaina lelei lipoti i kuata ta'itasi mo le Pūlega ➤ Aseta fa'atauina ma resitalaina: e 320 aseta na fa'atauina ma le 276 o lo'o fa'amauina i le resitala o aseta o lo'o i lalo o le tala fa'ataui o tupe. ➤ Asiasiga o aseta i Aoga Tulagalua ma Kolisi: na fa'atino asiasiga i Aoga Tulagalua ma Kolisi ma o lo'o fa'agāsolo pea le tu'ufa'atasiga o le lipoti. ➤ Asiasiga lē fuafuaina: E lua asiasiga ua mae'a mo le Vāega o Aganu'u ma Faletusi

			➤ Lipoti o Aseta: E 31 lipoti na tapenaina ma fa'amaonia e le Ofisa Sili o Pūlega mo le afaigaluega ua tu'ua le Matāgaluega. ➤ TY21 mo Aseta mo'omia ona ave'ese: 75 pepa ua tapenaina mo aseta fa'amauiina e mo'omia ona ave'ese ➤ Aseta sa talosagaina e Vāega: e 243 aseta na talosagaina, tu'uina atu ma fa'amauiina i Vāega uma a le Matāgaluega i lenei Tausaga Fa'aletupe. ➤ Fetu'una'iga o Aseta: e 23 aseta ua fetu'una'i ma fa'amauiina i totonu o fa'amaumauga ➤ Lipoti mo le tufatufaina atu o aseta fa'atekonolosi i aoga ua tāpenaina ma o lo'o fa'agāsolo pea lenei galuega. ➤ Lipoti o Aseta mo le Tausaga Fa'aletupe atoa: o lo'o fa'agāsolo pea le tuufaatasiga o le lipoti faaletausaga o aseta, o le tuai ai o lenei galuega ona o le fa'atinoina o le 100% le faitauina o aofa'iga o aseta uma ➤ Aoga e lē usita'ia ta'iala tau aseta: E tasi le lipoti na tu'uina atu i le Matāgaluega o Tupe.
--	--	--	--

Vāega o Fa'amaumauga, Pepa Aloa'ia & Faletusi o le Malō

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Polōkalame fa'alauiloa ma fonotaga fa'alea'oa'oga fa'atinoina mo Matāgaluega, Fa'alāpotopotoga Tuma'oti a le Malō ma Aoga	3 polōkalame fa'alauiloa i le tausaga	Ausia	E tolu polōkalame fa'alauiloa ma a'oa'oga sa fa'atautaia e le NARL i lenei tausaga fa'aletupe: 1. Sa faia se a'oa'oga e mo le 3 aso e fa'atautau i Fuafuaga mo Fa'amaumauga mai le aso 26-28 Mati 2025 2. O le isi a'oa'oga sa fa'atinoina mai le aso 23-24 Aperila 2025 3. Sa fa'atautaia foi ni a'oa'oga e fa'atautau mo fa'amaumauga mo vāega e lua o le Matāgaluega e

			pei ona talosagaina PDD (22 Oketopa 2024) ma le PPRD (13 Novema 2024).
2. Aofa'i o Matāgaluega ma Fa'alāpotopotoga o lo'o fa'atinoina le va'aia, tausia ma le tu'uina mai o fa'amaumaga	3 Matāgaluega	Ausia	O Fa'amaumaga a Matāgaluega ua mae'a ona iloiloina e aofia ai: ➤ MOH: 104 pusa na teuina (12 Iulai 2024) ➤ MPMC: 54 pusa fa'amaumaga na iloiloina ma teuina (23 Oketopa 2024) ➤ MEC Falemata'aga: 9 fa'afanua sa iloiloina ma teuina (10 Tesema 2024) O Fa'amaumaga mai le MOH, MCIL, ma le MPMC o lo'o fa'aauuina pea ona iloiloina.
3. Aofa'i o Pusa o Fa'amaumaga Tāua ma Pepa Tauloa e taulimaina	150 pusa	Ausia	E 167 pusa/fa'afanua ua taulimaina ma taliaina mai le MOH, MPMC ma le Falemata'aga a Samoa. • MOH: 104 pusa • MPMC: 54 pusa • MEC Falemata'aga a Samoa: 9 fa'afanua
4. Aofa'i o Pusa o Fa'amaumaga ma Pepa Tauloa sa tapu'eina ata ma teumaluina	13 pusa	Ausia se vaega	E 12 le aofa'i o pusa o Fa'amaumaga sa tapu'eina ata ma teumaluina i lenei tausaga faaletupe.
5. Fa'amanatuina o le Aso Fa'apitoa mo Fa'amaumaga Tāua, Pepa Tauloa ma Faletusi	Iuni 2025	Ausia	O le Vaiaso fa'apitoa mo Fa'amaumaga Tāua, Pepa Tauloa ma Faletusi sa fa'amanatuina lea mai le aso 9-13 Iuni 2025 ma e 10 aoga Tulagalua ma le silia ma le 100 fanau aoga i Upolu ma Savai'i sa auai ai.
6. Aofa'i o Fa'amaumaga Tāua ma Pepa Tauloa ua mae'a teumaluina	Fa'amatalaga fa'amaumauina -2,000 Lisiina o fa'amaumaga-2,000 Fa'anumeraina-15,000 Teumaluina-15,000 Fa'avasega ma tu'u pusa-150 Sa'ili'iliga-200 faila	Ausia se vaega	➤ Fa'amatalaga fa'amaumauina: 2,129 faila ile 370 pusa ➤ Lisiina o fa'amaumaga: 746 faila ile 89 pusa ➤ Fa'anumeraina: 14,837 itūlau i le 159 faila/pusa ➤ Teumaluina: 15,024 itūlau i le 155 faila/pusa ➤ Fa'avasega ma tu'u pusa: o lo'o taofia lenei galuega mo le taimi nei ➤ Sa'ili'iliga: 64 tagata sa talosaga mo fa'amaumaga ma fa'atino ai sa'ili'iliga i faila e 482.

7. Nofoaga fa'aleoleo e fa'aleleia mo le Teumaluina o Fa'amaumauga Tāua ma Pepa Tauloa	Mae'a galuega toe fa'aleleia	Ausia se vaega	Ua toe tolopō atu mo le isi tausaga fa'alelupe le Vāega muamua o galuega toe fa'aleleia o le nofoaga tuai a le NARL ona o le utiuti o le seleni. O lo'o fa'atali fo'i le Vāega o galuega fa'aleleia a le Matāgaluega mo se ata o le galuega.
8. Fa'atūina le Pūlega o Fa'amaumauga Tāua, Pepa Aloaia & Faletusi o le Malō	Iuni 2025	Ausia se vaega	O lo'o tālia pea le talosaga mo le fa'atuina o le Komiti Fa'afoe a le NARL ona o lo'o i le Kapeneta mamalu le PK o lenei talosaga.
9. Fa'atinoina o ta'iala ma alāfua o lo'o i le Fa'atonufoalau ma Faiga Fa'avae o le Teumaluina o Fa'amaumauga Tāua ma Pepa Tauloa a le Malō	Tausaga muamua	E le'i ausia	➤ O lo'o fa'agāsolo pea galuega mo le fa'amae'aina o le ta'iala ma alāfua o le Teumaluina o Fa'amaumauga Tāua ma Pepa Tauloa. ➤ E na'o le tasi le Fonotaga a le Komiti Aoa mo Fa'amaumauga na faia lea i le aso 24 Setema 2024. ➤ E le'i tapenaina ma tu'uina atu se pepa talosaga i le Kapeneta mamalu mo le fa'atūina o le Komiti Fa'atonu mo le Teumaluina o fa'amaumauga ona e ao ona ui muamua i le Komiti Fa'afoe.

Vāega a le Komisi o le Gagana Samoa

Fa'ailoilo o Galuega Fa'atino	Tapula'a Fa'atulagaina	Tūlaga Ausia	Tūlaga ua iai galuega fa'atino
1. Aso e fa'amaonia ma fa'alauiloa aloa'ia ai le Tusi Kalama o le Gagana Samoa	Iuni 2025	Ausia se vaega	Ua mae'a ona tu'ufaatasi se ata fa'ata'ita'i muamua o le Tusi Kalama o le Gagana Samoa ma sa fa'atautaia ai fa'atalanoaga i Upolu ma Savai'i. Ua tolopō atu i le isi tausaga fa'alelupe le la'asaga mulimuli o lenei galuega, o le fa'amaoniga mai le Kapeneta ma le fa'alauiloaina aloa'ia o lenei Tusi Kalama.
2. Aso e fa'amanatu ai le Vaiaso o le Gagana Samoa	Iuni 2025	Ausia	O le fa'amanatuina o le Vaiaso o le Gagana Samoa sa fa'ataunu'uina ma le manuia ia Mati 2025.
3. Fa'atinoina o ta'iala ma alāfua o lo'o i totonu o le Fa'atonufoalau o le Gagana Samoa	Iuni 2025	Ausia	➤ O lo'o fa'aauau pea le fa'atinoina o ta'iala ma alāfua o lo'o i totonu o le Fa'atonufoalau o le Gagana Samoa. O taunu'uga ausia i totonu o lenei tausaga fa'alelupe e aofia ai le fa'aliliuina o faiga fa'avae, lipoti ma tusitusiga i le Gagana Samoa.

			➤ O lo’o fa’agasolo fo’i le fausiaina o le Faiga Fa’avae mo le Gagana Samoa i le taimi nei. Ua mae’a ona aoina mai fa’amaumauga ae o lo’o fa’agasolo le tu’ufa’atasia o le lipoti e fua i sa’ili’iliga sa fa’atino ma ua toe tolopō atu ai le fa’amae’aina o lenei galuega i le isi tausaga fa’aletupe.
4. Aso e fa’amaonia ai le Gagana Samoa e fai ma se tasi o aiaiga mo le ulufale atu o fanau aoga i le Tausaga Fa’avae a le Iunivesitē fa’apea ma avanoa sikolasipi i totonu lava o Samoa	Iuni 2025	Ausia se vaega	O le pepa mo lenei galuega ua mae’a fa’atalanoaina ma pāsiaina e le Pūlega a le Matāgaluega. Na filifilia ai le Komiti e ta’ita’i le fa’agasologa ma le fa’atinoina o lenei galuega. Ua tolopō atu i le tausaga fa’aletupe fou 25/26 fa’atalatalanoaga aemaise le tu’uina atu i le Kapeneta mo se fa’amaoniga.
5. Aso e fa’avaeina ai le Pūlega mo le Komisi o le Gagana Samoa	Fa’atinoina le 30% i totonu o le 2024/2025	Ausia se vaega	O le fausiaina o le ata fa’ata’ita’i o le talosaga mo le fa’atūina o le Pūlega mo le Komisi o le Gagana Samoa na fa’amae’aina ma tu’uina atu i luma o le Komiti Fa’atonu ia Me 2025. E valu le aofa’i o fonotaga a le Komiti Fa’atonu sa fa’atinoina i lenei tausaga fa’aletupe.
6. Aso e fa’alauiloa aloa’ia ai le Tusi Fa’atonu’upu o le Gagana Samoa ma fausia ni alagā’oa fou mo a’oa’oga	Iuni 2025	Ausia	Sa fa’alauiloaina aloa’ia le Tusi Fa’atonu’upu o le Gagana Samoa i le aso 5 Iulai 2024 i Samoa nei ma Amerika Samoa i le aso 11 Iulai 2024.
7. Fa’atinoina ta’iala ma alafua o lo’o i le Tūlāfono Fa’atonutonu a le Komisi ole Gagana Samoa 2014	Iuni 2025	Ausia se vaega	O le talosaga mo le tau e fa’atauina ai le Tusi Fa’atonu’upu o le Gagana Samoa sa tu’uina atu lea i le Komiti o tupe maua i le aso 29 Aokuso 2024 ma na maua mai le fa’amaoniga aloa’ia o le tau i le aso 10 Mati 2025.